

東南主院壇訓

甲申

癸未年合利

符添金

東南主院壇訓

第一冊
壬癸甲合刊

守沙梁仙序

江左文風。通龍蟠之瑞氣。六朝典雅。位虎踞之仙鄉。此中吟嘯。卓爾超羣。幾年以還。疊經歲月。木筆呈祥。沙盤獻瑞。飛鸞闡雲壇之雅化。璇珠集錦繡之金章。纏綿誥誥。遂多刻玉鏤金之文。反復謳吟。不乏拾雅揚風之著。至若闡石門之經旨。演玄宮之妙諦。貫通聖道之精微。昭揚聖哲之箴規。玄理禪篇。萬派是宗。旨約辭賅。均原絜解。珠聯璧合。具本真情。是故可以迪真傳。可以敦倫常。可以端庸行。可以導善心。今集錦篇。簡約編輯。付之棗梨。公諸修域。不猶是善端之畢露哉。凡有識之士。默悟是篇。參通斯文。則對京鎮區之道化。亦得窺其端倪焉。是爲序。

太歲乙酉仲春下弦後一日。東漢梁鴻伯鸞。序於東南主院卮壇。

壬午年十二月初七日統科

如爽
天錫 侍纂



(南)

學聖訓

飛鸞乘鶴降鸞塵。上下漫遊昔日春。湖海爲襟包大化。雲縱飄渺運鴻鈞。遨遊島嶼舒心意。遠視前川樂性真。金馬門中懷往事。蟠桃園內憶前身。迴風混合通靈竅。百日神功蘊至仁。時值水輪開道運。杏壇文雅渡修人。

炁輪運轉。乃無形之主樞。寒暑迭現。爲有相之顯化。蓋無形爲體。肇無極之妙化。有形爲用。啓太極之奧運。故冬至陽生。一陽來復。北極而前。命猶未立。炁六生實。水木凝息。陰陽始交。天造草昧。而生長之機寓焉。然夏至陰生。一陰運化。南極而北。形分性定。氣六生虛。火土罔圖。日麗中天。錫馬蕃庶。而刑收之機伏焉。是以天生天殺。道之至理。刑德並施。道之本源。故真一主宰。萬化生焉。乾坤相化。衆類形焉。道祖所謂。天得一以清。地得一以寧。萬物得一以生。蓋清之化也。原夫洞洞乾元。乃成皇天。而包荒之德。充其體矣。但寧之定也。則專賴攸攸坤土。乃成大地。而持載之德通運矣。至于萬物生發之源。則根于炁水之充廣。故尖披之靈。可以貫通也。觀夫自然之顯現。吾人以靈感通。皆克默契化機之妙用。若雲霞成文。花木扶疏。由任津可明其相。而泉水鏗鏘。河流自涓。由督道可合其韻。故靈靈相感。息息相通。人心之妙化。皆與自然之動息。無不吻合也。蓋真一所化。有以致之。然但澈悟此真者。惟聖賢通其奧旨。是以儒宗所傳。惟一以貫之。此一貫聖賢上接薪傳之道統。下啓萬代之典常。一貫主旨。維繫宗祖道統。挽數千年之人心。啓治平之世。均賴此道之昌明也。觀于孔聖之申申天天。乃一關一定。而深悟道化之真精。若孟氏之睥面盎背。浩氣直養。而合天心流露之本體。故道寓于身。身以載道。道乃積于厥躬。然曰賢者樂天知命。亦爲通真宰之修練。證諸史乘。屢見不鮮。曰莘野躬耕。版築潛隱。以安其志。富春垂釣。五湖泛舟。以順其命。踏雪尋梅。駟背優游。隨所適意而已。抱膝長吟。歸田獨坐。默自識解而已。故先賢之涵養。有如是夫。蓋和而不流。中立而不倚。遯世而不稱。堯舜無求。隱居求適。非道顯著。孰克臻于此耶。故當此聖學淪亡之際。道統失傳之期。

吾師悲天憫人。乃出清入濁。設院導修。合五統六以建中。闡述經旨以建極。是以道化二十餘年。其主旨不外使諸方悟解真一本體也。凡我衆修。務須素位而行。純任自然。履終慎始。葆固有之原靈。奉法守則。以存至善之性真。合乎絜矩之道。體乎慎獨之功。則丹心內結。德化生矣。既有斯德。則知天樂。儒書所載。孔聖之曲肱飲水。猶有其樂。顏子之陋巷簞食。不改其樂。斯爲上乘修功。若釋氏所稱妙湛圓寂。涅槃圓定。不改真常極樂。故聖徒賢子。皆得天樂矣。苟不悟此道脈。則魔祟內擾。神不守舍。清靈弗凝。晏安耽樂。自是惑于幻聲幻色。以圖自適而已。夫一念之差別。卽是神人界輪佛鬼仙邪之判分也。諸方弟子。可善悟真宰。以識真一。無慾去私。而澈天道於聖學之關鍵可也。

哈哈、東南主院。自創設以來。已有二十年悠久時期。惟慈勳獨著。而道化未張。前雖有冠能著述道旨。惜乎道運未開。只現一些曙光而已。由斯而論。道化之開展。不亦難乎。但今歲值午火當令。前於中秋日。妙山會議之際。吾師感院會之運化。乃欣然曰、吾道南行之期至矣。以斯而論。東南道化彰著。爲期不遠矣。然本院乃東南之主樞。此後責任更將重大。諸方弟子。尤當自勉自勵。以謀大化之進展可也。

本院值日各掌監。頗能融和一氣。共圓大化。實屬難得。吾師之佳弟子也。今開掌年高。吾師值其清靈。乃爲汝等獨當一面。但蕭規曹隨。仍須以開掌爲師資。以謀院會之擴充也。務各遵旃。切切。卦院淑造。實良修之功也。吾師已有前命。汝多加坐悟之功。則修養之候。可適五宮玄關之妙境也。汝本明達。毋庸多囑。

判單

一 目 新進修方排名單恭呈

慈鑒

已悉。無訛。照通布之。

二 目 弟子冠楨等以下關寶善街上月底失慎延燒及江甯分會房屋三間及江甯道院前座三間幸神靈

聖像各牌位無恙經於十二月初一日召集院會各掌監及重要修方約三十人會議集資重建院會議決僉以院會爲萬載道慈基業不

能不慎重將事現在原有寶善街施德里地址是否適宜未敢臆斷爲此聯名具疏伏乞
詳示祇遵

疏達、已悉。哈哈、冠楨領銜而具名之弟子二十八人。實屬堅誠叩稟。蓋江甯院會。自事變以後。奉命復興。而世原對院中功績。實居首功。吾師已命記勳於樞籍矣。但今次遭回祿之災。實劫數使然。原夫數定于天。而劫造于人。所謂數者。乃地運使然。所謂劫者。乃人謀不臧。有以促成災患也。觀于道院之位置而言。實當慎重也。凡院會成立伊始。所有院基。皆有神靈默察地利。苟地蘊鍾靈。則院會因之定卜昌興之兆也。今以甯院故址。突遭焚如。乃地利之不順。亦數之所在也。再者、以人靈之渙散。尤爲致災之因。是以今溯經樞府議決。吾道既然南行。則下關地當要衝。道化之關鍵。實屬攸賴。是以議及甯院故址既成。當有各掌監。即可共謀建設。以助世原完成此功。但對院基。則從事以遷移爲善策。蓋有適當之地。以助院會昌興之機。且可合衆靈以圓一胞也。此遷移吾師命冠楨、黎微、爲主院之代表。辦理一切事項。而甯院世原、肖嵐、南岡、等。尤須助力于斯役。以增進院會之發展也。此外更須函知和光。對此事項。亦須多進功行。以促其成知之。院會故址。今既有冠楨負責。暫爲修葺。其費用先由楨掌代墊。俟落成後。將費呈報。再聽本判知之。選擇新院基。則宜地位適中。更當注意房間之分配也。師命須先繪圖呈判知之。

壬午年十二月十五日特統

慧聖訓。回雁峯前洞壑幽。潛修歸隱已千秋。劍虹映影蒼烟淡。雲樹藏晞翠黛浮。終歲時招黃鶴侶。常年樂與赤松遊。恍然一覺南柯夢。徒使人悲萬古愁。

哈哈。宵長晝短。日影南斜。玄冬沉寂。萬象蕭然。玄色方淡。此天地休息之時也。太音無聲。此萬籟潛伏之際也。蓋葆元胎之蘊育。涵生機之方興。乃冬藏伏養期也。夫谷神之府。玄牝之門。雖綿綿不息。爲生機之源。天根之樞。月窟之竅。化化不已。乃刑德之宰也。但谷神玄牝。氤氳氳。無聲無臭。天根月窟。恍恍惚惚。不睹不聞。而生化之關鍵。莫不以斯爲建極也。是以聖賢君子。尙消息盈虛。識天機化律。乃體天時行。純任自然。而毫不敢有所違背也。故集義而行。善養浩氣。勿忘勿助。無將無

迎。順自然之流露。天工人其代之。所以德溥淵泉。含宏光大。品物流行。雲形雨施。聖德大業。其至也夫。當法天法地。則包荒持載之德。自克體諸身心。若儒宗所謂。於緝熙敬止。乃深淵德厚之初基。原夫勿意勿必。勿固勿我。無私意之紛擾。存誠佈公。惟順天命。故暢于四肢。發於事業。而克光被四表。格於上下者。非無由也。觀于中庸之道。婦孺皆得而行之。但習而不察。行而不覺。惟其不察不覺。而上天之載。已寓乎中也。蓋人于日用倫常中。所行所爲。僉以道爲主體。是若鳶飛戾天。以氣爲主。魚躍于淵。以水歸處也。夫鳶之上下徘徊。俱順氣之流動。魚之遊泳浮沉。皆隨水之蕩搖。由斯而觀。則人之作爲。俱本於道之運化。尙有疑義乎。惜乎愚者不及。而智者則以斯道爲平淡無味。乃專務矜奇。徒自味進。若夫膠柱鼓瑟。刻舟求劍。自阻生機。爲天所遣。不亦悲乎。是以上德君子。聞道勤行。遜志時敏。道積厥躬。惟幾惟康。其躬正直。順天而行。不俟終日。虛極靜駕。介如石焉。返靜歸根。以察時變。自克得誠意之修功矣。當茲玄冬。沉寂默化。諸方正宜克己復禮。主敬行恕。則無賭無聞之中。即可悟開光天。德化涵育。窮其致焉。哈哈。諸方善悟于斯。則光輝內蘊。英華外現。暢於四體。煥於文章。成已成物。自度度他。而風行草偃之鴻庥。川流敦化之美德。自現于斯際也。

江寧院會遷位一事。已明示於前訓。但道慈之發揚。端賴人靈之團聚。苟衆擎齊備。亦屬易于展布也。今以甯院而言。若衆志合一。自然應當一鼓作氣。共成此舉也。師命除上次所委負責之人員外。再加指定數人。以促院基早日完成也。茲委濟珊、桑淨、世歲、世子、阜龍、都練數子。亦當多盡功行。以俾師命無所延遲也。但此項工程圓滿之宏效。吾師實以冠植總其成。蓋大道敦化之更張。亦以此舉。爲植掌功行圓滿之所在也。是以年前當由植原等召集會議。對此項事業。當有所報命也。否則誤機。其誰之咎耶。

壬午年十二月十八日南京道德社籌備壇

康聖訓 太虛真境返身尋。自覺洪鈞氣運深。金闕玉階輝錦色。鶴班鸞序和鳴音。浮雲出岫原無意。流水潺湲豈有心。純任自然來往運。至誠不息格神歆。

時有否泰。道有隆替。秦火一炬。微言絕跡。幸賴齊魯之儒風。漢魏之考證。斯道不泯。實屬攸賴。原夫一畫開天。羲皇體因晷之闢闔。而淑道統之淵源。乾坤體用。甘盤因運會之關定。而啓真學之流傳。是以華夏之道統。真學之演化。在三代以上。已臻登峯造極之奧境矣。故洪範九疇。皇極闡薪傳之妙化。說命三篇。知能宏聖教之真旨。蓋道統立。則倫常有所遵循。真學傳。則理法有所建極。是以聖功王道之大化。已行於彼際矣。迨夫孔聖。祖堯之克明峻德。允執厥中。述舜之玄德升聞。惟精惟一。憲章文武之美德。崇尊周公之禮樂。集古聖之大成。述而不作。好古敏求。以斯而定禮樂。而闡德化之木鐸。是故儒教傳一貫之聖道。乃克維繫千百年之教化也。然降及斯世。上元開始。下元將終之際。邪說橫流。異學爭鳴。儒宗真旨。雖未如秦火一炬。但湮沒於無聲無臭之地。其與喪亡何異哉。幸吾師因運導化。冀延斯道於將淪也。但現今之世。百子之中。惟儒者克明聖學。四民之內。惟士人堪通聖道。謹按儒字。從人從需。禮義忠信。孝弟謹行。乃人道所需。故曰、惟儒者。克明真學也。而士字、從十從一。一數爲始。十數爲終。原始返終。士名乃立。故曰。唯士人。克通聖道也。雖曰儒者士人。爲萬民之表率。但今之衣儒冠。膺士譽者。抑何嘗明真學聖道耶。吾師有鑒於斯。乃首創道院。合五教之經義。而闡天人之祕旨。以俾有補於斯世也。然吾道之導化。既有道院爲中心。是以道慈雙進之修養。乃爲道統之歸樞。蓋道以渡己。慈以渡人。人我兼渡。化乃滋彰。但辦慈業者。則創卍會以主其業。而講聖功者。則立道德社以倡於前。故道社爲體。卍會爲用。道院則爲雙方之主宰也。此吾師所以有斯社之創辦。實欲上接千百年一貫道統之餘緒。下啓萬世道化之端倪也。諸方進修有素。庶乎克明吾師立社之微意也夫。

東南主院。因化機使然。所以此次將有道德社之籌備。蓋此社現已隨新章而頒布。其組織有簡章歷歷可考。茲不重述。今當運會開展之際。特先委定各主要負責人員。從事於籌備也。蓋道社卽爲將來停亂後。道化之中心。况當訓修已過。行修度化之間。尤賴道社爲關鍵。故道社之成立。乃目前之急務也。師命主社、及東南各院會所屬之分社。於寅望三日一體創立。以俾將來道化之宏佈。有負責之主體焉、分布知之。

本主任之社長。

師命派遣開充任。以資倡導也。知之。特傳

師命派冠鑿爲副社長。派冠楨爲首席社監。派黎微爲責任社監。派靜仁爲副社監。諸子務須急爲籌劃之方策也。至於冠字各長監。與各組主任。及幹事人選。均於日議時。由人事推舉。然後呈判知之。

壬午年十二月二十二日文科

默真人訓 著博文約禮乃聖功之真諦義適出天宮。來自清府。經莘溟寂靜之中。行清朗於穆之際。慧光乍開。青嵐四闢。清空澄澈。鬱鬱蒼蒼。皎月湛然。百星閃灼。羅列四垂。光照四佈。俯視遠眺。渾渾厚厚。水流山峙。湖嶽崢嶸。千奇萬錯。形色不一。蓋乾坤之運化。終古如斯。六合之定位。百代不異。是以自然之姿態。每千百年亦未嘗變易也。然人生如寄。年命朝露。生伏不已。雖百季之間。亦時更萬態也。是故聖賢有鑑於斯。仰觀俯察。體天地自然之現象。悟太虛蘊化之消息。乃奠定聖功之修養。以俾有補益于人生之涵育。而克與天地合德。與日月合明焉。觀夫聖教薪傳。儒宗獨得奧旨。但其聖功之本體。則不外乎博文約禮而盡述之矣。蓋文之體悟。非泥於文獻之考驗。乃生乎自然之顯現。若日月約采。雲霞成文。魚龍曼衍。風水成波。紅紫繽紛。花木扶疏。山泉潺湲。瀑布輝映。此自然之聲色。錯綜紛雜。織成錦斑。是爲真文。易曰。觀乎天文以察時變。即深言此博文之主體。當以心靈之感化。與自然之顯現。息息相通也。故聖王均克澈悟斯道。乃韜光養晦。行無爲之治。則丹心內結。意誠于衷。而聖德光輝。即克暢於四肢。發于事業。是以虞書讚堯曰。欽明文思。讚舜曰。睿哲文明。讚禹曰。文命祗承。蓋博文之聖功。即垂拱而治之淵源。易曰。觀乎人文。乃化成天下者。深明此至意焉。原夫德化流行。速於置郵而傳命。苟聖功宏展。自克光被四表。以促成於變時雍之治世者。吾知其然矣。但文德內育。其所顯示於外者。則端賴於禮教之擴展。故聖賢制禮作樂。皆以正心誠意。爲禮教之主旨。蓋禮者。乃天理自然之則也。苟體道而行。則無往而匪善也。然聖王之以身作則。尤爲師表萬禩之根源。故大易言曰。履帝位而不疚。蓋內心不疚。德化生焉。克躬厥道。仁機寓焉。是以約禮之真旨。

實本乎聖王垂裳之經緯也。若顏回乃孔氏中行之人。其修功之涵養。皆本於博文約禮之微意也。其仰高鑽堅。竭才而卓。三月不違其仁。拳拳服膺。以成屢空之妙化者。卽博文爲其主樞也。至于四勿克己。非禮弗履。不遠復。無祇悔。躬行不已。以得聞一知十之頌揚者。卽約禮爲主宰也。故人之求聖功者。實當以此爲前提。則聖道更張。遠紹斯文。而克促成淳樸之德化也。哈哈。杏壇雅化之淵源。洙泗真學之奧旨。其博文約禮。盡括無遺。諸方可不善悟。以圖道積厥躬哉。

主院未開文壇。亦已久矣。今當法會重光之際。更值一歲終了之期。特與諸道友相晤對。實屬有幸。但靖〔默真人諱〕本不文。何克以詩文相策對。惟恭受天命。順機以流露耳。

慈祥善果證先緣。福履遐齡道乃全。渭水經綸才磊落。靈椿寶樹翠連天。示道開也。哈哈。開掌年高德劭。堪爲道中之先進。智圓行方。允稱後昆之資鑑。勉進功修。則大化之展布。尤有攸賴也。

曾記當年秦岱遊。鍾靈毓秀冠神洲。銀川碧水梧桐綠。翠柏蒼植古樹幽。示冠植也。植掌自入修以來。年雖未久。但慈勳之敷化。實吾道近數年來所莫之與京者也。

師有厚望。善自邁進可耳。

博通邱索道深求。宏覽天人錫命優。華國文章成大化。斐然德就樂天儔。示冠塗也。塗掌對道慈事業。始終堅誠自矢。而道寓於衷。實爲吾道之全材也。善味詩意。對道旨再求深入。知之。白虹貫日素波揚。綠柳千條拂玉塘。錦繡梨花今正好。千秋長樂點雲裳。示黎微也。黎掌對道慈奔走。不遺餘力。蓋深悟人能宏道之主旨。長此以往。則東南擴化。汝實爲其前鋒。道之依賴。誠非數言。所可盡述。細味詩意。對道慈擴化方針。自克悟其端倪焉。

梅開東閣意衝寒。駕鶴天孫織錦紈。松柏幽蒼蘭路曲。瑤池剪綵瑞雲蟠。示靜仁也。前途事業正大。對道慈効力之時正洽。好自精進。切囑。

綠柳陽關飲玉珂。桃花潭畔聽漁歌。桐山竹水樵相語。證此前生善果多。示明源也。因果報應。絲毫不爽。明源前生之佳境。已如詩示。但今後之功行。尤須多作以爲證果之前因可也。汝其勉參。

悟澈乾坤造化工。能從心裏佈和風。博通坐旨玄關義。都在回光一息中。示悟靜也。好自坐悟。自克

得入三脫二之妙境也。知之。

曾于青史著賢名。前世因緣證此生。龍去鼎湖千古震。鶴歸華表采衣榮。示世筠也。汝之功行。望統盡述。茲示前因。以明德化之顯露也。細參詩意。將來之功行圓滿。均須此刻種其善因也。汝當慎悟。知之。

漢家烟樹滿前川。百轉流鶯繞畫船。此後善衷能悟靜。桃源真境意中全。示遠航也。細參詩意。則知航程萬里。惟須前進自勵。以證道化之妙用也。

春風吹動舞堂前。碧水芊芊滿陌田。南浦新添三尺水。長堤遠接一溪烟。示都漸也。

祕苑瀛洲洞壑幽。採菱哥唱木蘭舟。溪光搖盪連天浪。紫閣春深幾度游。示都演也。

儒宗餘韻燦輝霞。一貫真傳統百家。參透九經玄奧義。須通忠恕悟菁華。示文青也。

黃梅時節日遲遲。草色入簾綠滿堤。讀罷黃庭香篆歇。竚看白鷺濯青溪。示良修也。卦院道化之進展。仍須克勤克勉。以促道化之宏布。知之。

青山倒影水平鋪。畫舫穿溪過綠蒲。四顧渾然疑入夢。漁音唱晚震明湖。示世原也。甯院之進展。尙須多盡功行。以了夙願。知遵。

萬壑樹聲滿。千崖曲路通。徘徊聞夜鶴。耿耿氣成虹。示道膺也。

朝烟猶戀樹。旭日已騰輝。江水觀濤去。橫林待鶴歸。示道祥也。流水飄前夢。陶然是謫仙。鐘聲漁火外。淑景滿前川。示冠厚也。黃鳥歌聲去。紫燕話庭前。采藻逢佳節。白氣貫清泉。示道閭也。北辰居所。南斗垂芒。蓮花結子。竹節團光。示道尙也。

青山黛染。白嶺昭融。龍蟠玉柱。邱蘊玲瓏。示道基也。

美哉錦屏。燦矣化石。走馬興豪。撫琴情適。示冠閣也。

依踪訪跡。幽閣尋僊。靈墟霞罩。唯見虛玄。示道峻也。汝自進修以來。吾師頻加清靈。玉成殷望之剴切。汝尙須澈悟也。道之幹材。慈之英傑。皆在汝自身之修功。有以助成。峻子可不善悟哉。

丹雲翥翥。虹影飄然。定慧等持。克悟先天。示冠閑也。汝之道慈勳績。雖未昭彰。但能堅誠持久。樂

於義舉。今適爲開展之機。媲美前進諸方。尙克成就也。汝好自思悟可耳。

履利而至。謙尊而光。天命凝定。立不易方。示冠疑也。夙夜匪懈。以事一人。一人元良。萬邦以貞。示南應也。疑應二子。慧緣深厚。道中之傑才也。好自多盡功行。吾

師將有重用。知之。

諸方來侍文壇。本擬各賜詩文。但人靈所限。時間所促。不克一一指示。俟後化機運復。再爲詳述也。立春日午正。母壇行禮畢。各方即可接行團拜禮。以敦道誼知之。

師命主院及甯。卦兩院。於元旦日及前後各一日未正。證功證候十二度。以示化機。除夕夜戌初。各掌監率各職修方。各誦

聖號二百四十稱。化劫呪三百六十五稱。以團衆靈。並於該日誦呪畢。命冠楨冠塗二掌。各持一鈴。在含光亭

聖像前。齊振三百六十五聲。以鎮明年院會之邪魔也。振鈴時須跪於聖案前。誠心默叩。則明歲道化之前途。閃灼光明。實汝二人之誠感格天也。楨塗同遵。

癸未年正月十八日統科

尙真人訓 閒遊山水遍天涯。時倚蒼松伴晚霞。駕鶴桑田雲似錦。泛舟滄海浪如花。楓嵐鎖翠尋丹藥。蘭岫垂珠採苑華。莫道蓬萊無覓處。白雲深際有仙家。

哈哈。吾自齊魯而來吳越。周遊六虛。靈感萬類。舉目遠眺。望華夏於千里。披雲俯視。目神州於咫尺。坤土攸攸。俗脉遙接妙山。水光淼淼。長江貫通烝海。當茲貞下起元。玉律回春。斗柄復寅。瑤光東向。旭日映彩。和風曠輝。弔六代之豪華。臨江東之古蹟。山川已失舊姿。人物已非疇昔。蓋白雲蒼狗迭變。滄海桑田互因。天道無瞬息之停留。品物靡片刻之常態。浩浩化流。滾滾不已。貞一烝之斡旋。二氣之互根。生生化化。措措吐吐。一關一定。乃有生化。一呼一吸。而生寒暑。誠然造化不測。爲物

不二。舉凡有聲有色之化機。均寓括於中矣。觀於嫋嫋纖柳。隨風飄舞。可證物緣氣動。野馬細縵。因機化生。足參天地蘊蓄。所謂大氣促至。萬籟齊鳴。風聲肅降。衆姿爲虛者。卽深言此化生消息也夫。但證諸經典。亦何莫不然。若魯論所載。色斯舉已。翔而後集。毛詩所記。緝蠻黃鳥。止於邱隅。原夫烝凝可充。萬類均然。凡一切之生物。莫不體時而行。因運而動也。故各教聖賢範圍天地。曲成萬物。體自然之候。察神明之德。乃設教導修。其文字雖異。而道旨之貫通。則適相脗合也。若儒宗所謂。無聲無臭。爲至誠不息之真境。道家所言。黃中通理。爲無何妙有之真鄉。釋氏所云。妙湛圓寂。爲心佛定慧之祖窈。耶徒所傳。聖靈充溢。爲宇宙大千之主宰。回教所記。真體無着。爲理象界輪之分弧。其言異同。而杳杳真道。盡述無遺。降夫斯世。吾

師誕降清靈。設院導修。從下末而返上始。傳授真經。以支數分集。首述心水輪天。闡分火導水之玄功。烝輪心始。述鍊氣成形之妙化。腦海髓山。並日月而睜睪。尖離披合。若風雲之卷舒。一關一定。乃言塑梳之用。一澗一放。實顯鬆拏之體。上元烝始。同一形性。乾元統天。性命並立。體接適之妙合。成胞一之真體。丹完光定。塵飛障落。已默識聲色空輪之主樞。正氣息影。殺惑截昧。乃契合味靈界輪之劃分。故天樞之玄妙。俱闡於世。蓋合化合生天命之源。人非天不生。天非人不彰。天人相資。互爲因素。是以修者。自當時悟經旨。戒三思。屏四勿。順性理之流止。以天命而委蛇。毋將毋迎。維新厥命。莫急莫躁。純任天利。微妙玄通。唯命是遵。乾乾惕勵。與時協行。兢兢默守。恭己潛神。不使一綫虛靈之末。入於光覺靈化之烝海。則更佳已。諸方當此陽春伊始。惠風和暢。乃天地開心之際。固宜曠闊胸襟。植德業之發皇。培心田之意念。光天盈懷。化機四布。性海圓融。充乎六合之外。靈光瑩灼。寓於八荒之中。何時不得光風霽月之天。何地不沐沂風舞雩之歌哉。諸方善自洗心滌慮。正位凝命。以培道功之修鍊可也。

主院自復興以來。倏忽二載時光。諸方之堅誠篤道。熱念殊嘉。今寅望於妙山會議。頗論於主院此後之設施。今歲一年。不但爲主院建設時間。亦爲東南各院擴張之時機。故主院之當前重責。實一方攸賴也。至於吾師推展南方道化。而先從主院人手。此後對主院之整理。而吾師又以改組院職。以爲初步

。蓋以前院職乃多失機。若文篆藏筦四室。未曾完備。參贊宣助四職。尙付闕如。况因運而入修之傑才輩出。是以院職基此而改組。其義甚大焉。

師命晉和光爲首席統掌。晉道開爲首席責任統掌。

派悟靜爲坐掌。派文青爲經掌。派明源爲宣掌。壇慈兩掌留任。派冠嶷爲道參長。派涵六爲道贊長。派六也爲道宣長。派道基爲道助長。派道霖都演爲坐副掌。加派道祥爲壇副掌。加派道闇爲慈副掌。派冠閣都漸爲經副掌。派道峻南應爲宣副掌。統文學籍冠性留任。堅玄爲副掌籍。派南岫爲文助。統篆掌籍派都麟充任。派冠岐爲副掌籍。派南念爲篆助。統藏掌籍仍派冠植兼任。派道膺爲副掌籍。派道縝爲藏助。統筦掌籍派黎微兼充。派冠厚爲副掌籍。派道菲爲筦助。晉篤慈道開爲首席道慈統監。派覺生乾妙爲主院緝護道慈統監。派贊須和光爲責任道慈統監。派靈慈悟修慧緣鳴良在成道靜爲主院道慈副統監。冠字各掌監。除派新職外。均留任。首席院監冠植仍兼。派明源遠航爲值日院監。派元引爲維護院監。派一真爲道參。冠巍爲道贊。所派各職。均爲傑秀份子。吾師俾以主院重職。可不勉盡功行。庶不負神聖仙佛之雅望耶。諸方同遵切切。

師命將值日院監室。改稱值日掌監室。其輪流值日表。

師命添入遠航。試習三月後。再爲判定。但值日之次序。則以植鑿微靜源航爲原則。從每星期一開始。每人一日。至星期六截止。而星期日。則共同參與也。如是實行職務。則每人每週。均有固定日期。則較每月臨時制定值日表。實屬簡便矣。但各掌當值日之日。因私務缺席。則當先期請其餘各掌監代拆。而不必再間日輪流。有錯固定日期也。值日各掌監勉遵。

日議名稱。由來已久。取義於每日均須召開也。以主院而言。實行日議。勢所不許。是以訂爲七日一次。今既訂於星期日舉行。則改名週議。以取名義相合也。但諸方均須參加。切勿裹足不前。知之。

師命開鑿二掌決定週議條目。以爲同修共遵之原則也。此條目下茲日即呈判。所有院職。既經改組。而會職亦須略有變更者。

師命派遣開爲會長。兼總務部主任。以便責成辦理會務。此會長職。既已判示外。諸方更須舉行推戴式。

。以敦道誼。

師命卯朔典禮畢。於辦公廳內舉行。而是日院統改於戊初。知之。所行推戴式儀則。由鑾徽等掌規定。知之。

癸未年正月二十三日道德社統科

康聖訓 妙山遙胄迪乾坤。水運肇生天地根。學履三才通聖教。靈犀一點貫玄門。書琴爲侶高歌頌。鶴鹿同班風雅論。百代流光隨浪逝。千秋道統永長存。

哈哈。天之生人。處世之智能全賦。人之承天。順受之知覺具在。天人一貫。炁靈所通。是以詩曰。天生烝民。有物有則。民之秉彝。好是懿德。蓋通事物之本末。則明乎道。守自然之法則。必知乎德。道德涵蘊。具宗於天。雖本於天。但反身而求。俯拾卽是。誠意克己。躬行卽得。故民胞物與。渾然同體。天地之塞吾爲體。天地之帥吾其性。體者、道立之也。性者、德化之也。是以吾人乃以藐小之軀。而渾然中處焉。按道字。從首從走。首出庶物。品類流行。走堅分途。全在心命。而德字、則從直從心。直運而輪。含宏光大。心水輪天。紅玄相濟。玄宗內典。卽言其主旨。經史子集。均述其終始。故道德所化。其義大焉。然開物成務。冒天下之道。開物者。炁成其體也。成務者。靈顯其德也。若天地之大。炁成之也。而覆載之德現焉。風雨之作。炁化之也。而潤澤之德具焉。雷霆之震。成於炁蕩。而驚鳴之德作焉。日月之明。顯於炁輝。而照臨之德示焉。故炁爲道之本。靈爲德之樞。炁靈所化。卽道德顯化之主宰也。但宇宙之大。充乎四表。品類之多。何啻萬千。而其主教之源。莫不以道德爲化。觀乎夜合之花。含羞之草。潮汐定日。莫莢計月。麒麟呈趾。鳳凰來儀。道德顯化。諸如此類。此外若星魚拜斗通於禮。烏鴉反哺靈於仁。雁行有序顯於義。鷄鳴有時合於信。蟻穴居而知雨、智也。鹿得草而鳴羣、義也。道德涵育。有如是夫。蓋人得炁水之運化。獨鍾具菁華。故倫常道德。仁義綱常。均顯天德。皆本天理。是以學履三才。乃通天地之經綸。靈犀一點。克合日月之光輝。此人之所以靈長萬類者也。迨夫斯世。渾厚之氣少。真誠之學衰。聖道淪亡。倫常已廢。道德之講學。早已擲諸烏何有之地。

而欲挽回世風者。又焉得行乎。故吾

師設院以後。繼之復創道德社之組織。其中寓義之廣大。諒諸方盡洞明其原委。蓋道德一日不興。則世道之亂漓。終無寧息。因此諸方。對道德社之認識。當有了澈道德真義之必要。既明此道德。尤須躬身體行。以驗道德淑身渡世之鴻庥。但對於道德之實行。又當以培心田之意志。以爲聖功修練之初階。此初步功夫。卽宜坐誦不輟。以堅定意志之鍛鍊。苟克致力於斯。則平默靜定。天光盈懷。維新厥命。閑邪存誠。慎獨無間。修辭立誠。言行相顧。處於日用倫常之中。所行俱順乎道。在行動坐臥之際。所爲均不違德。則道德卽積於厥躬。是以孔聖所謂。苟欲仁、斯仁至矣。嗚呼、修道立德。豈難爲哉。諸方克明斯旨。務宜韜光養晦。培其善根。涵養浩然之氣。本諸正直之德。以行乎日常之間。而奠定其身之德業可也。

主社應機草創。則東南道化之昌興。有所主樞已。但此社之成立。非僅爲形式上之組織。乃爲諸方相資研道之處所。而各長監更當以身作則。從事領導。非祇一人之德行。可臻佳境。且德風所樹。尤克爲衆修之師表。各長監澈悟斯旨。可善加勉進。切莫負吾師委以重任之雅望也。

主社既立。則圖書室之設備。更當早日完成。以便衆修研道有所遵循也。然以主社內所有之書籍而言。則深爲簡陋。前者、冠鑒曾於週議提此案件。實爲該室草創之初步。蓋主社既缺乏圖書。則諸方均有捐助書籍之義舉。須知以書勸人。立功之處。尤勝輸財也。諸方當此圖書室成立伊始。自當人人皆有維護之責。以促成該室早日完備。

師命該室一切佈置。及徵助圖書事項。命冠鑒負全責。以便進行一切事務也。鑒長勉遵。各方捐書辦法。宜交下次週議。由人事再爲表決。並策定進行方針。

主院創設學校。於客歲早有訓示。但因化機未開。多有所阻。而今歲各掌監。本以往訓示。乃經週議表決。從事創設。此堅誠之志願。殊堪嘉尚。但以此刻進行籌備而言。其前途仍未樂觀。是以 師命於下次週議。再爲討論。以後並將學校設備之計劃。及經常費之規定。在二十六日女社統壇呈報。并判示人

謀不臧之化機也。再者學校命名。雖有明示。惟彼際因迎合諸掌之議決。乃已判定。但母院吾師早有訓示。凡各院所立之學校。均以正慈爲名。此後主院成立小學。亦當遵母訓辦理。以資劃一。况此二字。實足以發揚正會慈譽之本源。諸掌監顧名思義。自明其真旨焉。

傳訓卦院。於卯月上弦日。當應機而創立道德分社。對於一切設施。當有相當準備也。

甯院自容臘主統。判示進行方針。刻下默察時機。道運實多梗塞。是以上次訓示。一面籌備遷移。一面暫時恢復故址。以維持現狀。今後之發展。因人靈渙散。難以奏效。故師命前訓所派各員。仍繼續進行遷移。同時對於故址之道化。亦當勉盡功行。

師命於故址完成後。可於辰月上弦日。創立道德分社。以資道化之進展。傳訓甯院各掌監同遵。

鎮江院於去歲開沙以來。迄今已將一載。未嘗合靈。以致道慈兩務。不無滯機。

師命傳訓鎮院。籌備一切。再聽主判。雲程等掌監一體同遵。

癸未年二月初一日統科

濟佛訓。菩提善果證仙緣。淡泊虛靈寓性田。一日傳心通奧旨。青蓮育法闡先天。五更夢醒荒祠下。百鍊身酣繡佛前。入定妙湛圓寂體。跏趺靜坐悟真禪。

哈哈。水輪天心。爲吾道之主旨。萬法惟心。乃佛氏之宗傳。蓋悉輪心始。心是水輪。水光淼淼。蘊育真精。黃中通理。萬化生焉。而般若圓覺。卽心卽佛。定慧等持。意中清靜。體用自如。真機現焉。心靈充寓。天人所通。故內經有言。心者。爲君主之官也。舉凡百絡千肌之作用。四體五官之機能。腦髓之貫通。心腎之妙化。均以心靈爲主樞也。原夫心兮本虛。應物無迹。渾然圓覺。寂然而空。取喻以觀。若珠之圓者走於盤。皎潔滾盪。無片刻之停息。玲瓏體透。無瞬息之終止。推而言之。日月往來。而明生焉。寒暑迭運。化機展焉。週而復始。原始返終。心靈之妙轉。亦若是之運行。易曰。憧憧往來。朋從爾思。卽闡此化合之真機。蓋往來者。括終始之運化。爾思者。明天道之本源。故窮理盡性。以順自然之流露。集義而行。以體天地之含蘊。心靈妙運。盡如是以週而復始也。證諸禪宗。亦何莫不然。

非風旖動。仁者心動。玄關奧旨。變化莫測。應無所住。而生其心。釋佛導化。卽以斯理爲根源也。吾道眞經之祕傳。亦詳示此理。故曰。心之所撞。皆吾聲外之音。心之所思。皆吾目中之色。圓覺心靈。有如明鏡。光華澈照。善惡自判。妍媸自辨。天然化機。貫通之矣。是故君子多識前言往行以悟道。僉以修心爲主體。觀於孟氏以日常之養。充浩然之氣。知言通情。不動乃心。無將無迎。自得左右逢源之樂。睜面盎背。自合集義而行之主樞。故正心充氣。乃聖賢淑身化世之實功也。夫九教因運設立。其主旨皆係胞餘。俱宗一脈。其教導於羣衆者。經義皆同。是以儒宗以日常倫理爲主旨。道佛以潛修默坐爲前題。耶回以祈禱齋戒爲歸樞。惟前三教詳於理論。而失諸實行。其後二者。多踐於躬行。而略於理論也。觀夫知止之修功。乃收放心之工夫。由誠意正心之涵養。自克道積厥躬。惜乎後儒皆偏於格致之實功。既離虛位。主旨失矣。而道教喻鉛汞龍虎。爲黃中通理之眞諦。由坎離交媾。水火既濟。自可得一紀飛昇之大化。然後世則誤於守竄之歧論。玄宗妙化。亦失傳矣。而佛之正等正覺。以跏趺靜坐。可默識圓覺之妙化。但後之僧侶。則昧此性光圓靈。乃希仙希佛。自阻生機。道亦淪焉。此外祈禱之舉。亦不過靜心之端倪。而非實練之修養也。故自吾道設教。吾師首訂坐功功則。以平默爲初步。蓋平以分火。默以導水。則虛室生白。卽合乎靜定之修功焉。故諸方只須堅修堅坐。則坐候自臻佳境。察於內四外四。以體天機之化流。通於內五外五。悟澈慎獨之聖功。丹心內結。德化生矣。諸方當深悟斯訓。對心靈虛寂之妙化。當體諸身心。切勿負老衲之教導也。院職前既改組。而會職亦因之而變易。此固然之理也。除派道開之職外。今奉 師命接派各部主任。知之。

師命派冠楨爲副會長。仍兼儲計部主任。派黎微爲副會長。兼慈業部主任。派靜仁爲副會長。兼防災部主任。派明源爲副會長。兼救濟部主任。派遠航爲副會長。兼交際部主任。派冠鑒專任副會長職。所派各方。皆院中主要份子。今派此會職。更加强其機構。諸掌監善作功行可也。其餘冠字會長。及各部副主任。與幹事人選。均於週議公推。而後呈判。但每部幹事。選主任幹事一名。幹事兩名。訓派者除外。知之。主會創辦學校。今已規模粗備。一切事項。進行順利。亦各掌監措施得當也。董事會既經週

議推定。並已進行討論方策。均屬合理。不過經常費當再從事討論。必須先有相當之基金。以備應用。各掌監一體勉力策劃。知之。

癸未二月十五日統科

守沙仙梁、傳訓、傳知女社各方、壇畢一體聽訓、知之、

關聖訓 山川依舊色蒼蒼。鼎足三分此一方。莫道江流橫鐵鎖。須知巫峽下龍驤。荒烟衰草千秋冷。玉樹歌殘幾夜長。金粉豪華消歇盡。空留春水伴斜陽。

哈哈、水流山峙。靈鳥代謝。百代若是。終古如斯。觀於山川崢嶸。雖有風雨之撼動。而舊態常存。日月交明。雖經雲霧之遮蔽。但光明自若。一則定力堅卓。一則光輝內斂。舉凡有形象者。其位置之固定。非易於移動。譬若人靈貫通三才。參贊化育。定慧俱備。智勇兩全。篤實光輝。日新其德。卽以性光之徹照。而感應寂然也。但性靈之渙散。易因顛沛流離而失其本位。雖失性真。苟克平默自處。則中宮恬定。自可臻於至善之境也。觀乎周文。囚於羑里。而演周易。孔聖厄於陳蔡。而絃高歌。蓋身處危難之邦。而心性炯炯寂定。仍不失其圓覺也。縱有形象之差別。但寂定本質。莫不同然。原夫道貴自然。德本無爲。而自然無爲之運化。則以靈輪之關閣爲主體。故聖德之培養。亦因運會之化機。而有變易也。如水德生物。則正直之性靈顯於仁。火德主運。則剛毅之情欲制於禮。金德所化。則肅寂之氣質而成於義。土德主世。則淳樸之性光充於信。水德所蘊。則睿知之精神寓於智。故德之顯化。因運而異。然諸教主之因機導化。亦有形式之差別。若推己及人。止其所止。乃儒宗之本旨。故仁德涵化現諸倫常之充寓。而明丹心之宏化也。若上善若水。坎離相通。乃道家之真諦。故敦厚土德。而明誠信之主宰。若禎祥寂靜。圓覺明智。乃釋氏之宗傳。故水德充蘊。大圓鏡智之真境。因坐禪而致其功。若以殺爲事。只救其靈。乃回教之教義。故金運肅寂。而行正義之擴張。若安息朝拜。祈禱悔悟。乃耶徒之導化。故火運所值。則以禮爲修身之本旨。故五教因運會之輪運。而導化之方針。則因仁義禮智信、五德之化機爲主樞也。是以德之涵養。從倫常之中。苟克致力於五者之間。卽可通澈聖道之全體也。他如聖經之教

亦因五常之闡揚。而各有其主旨。故春秋明大義於萬世。書經闡仁道於千秋。禮記之範圍天地。曲成萬物。而制於禮。周義之卦爻流行。以明於智。詩經之風雅頌歌。以敦於信。是以五經之真諦。俱闡倫常之妙旨也。諸方對此五常之修練。務致實功於斯役。則德化流行。自可潤於身焉。蓋崇德廣業。乃聖功之美績。道德之充裕。即括天理終始之關鍵。知至至之。通乎機已。知終終之。通乎義已。知機知義。則心德宏化。其性靈真覺。自可合於關定之烝海。庶乎修德明道之主體。從五常之中。悟天命之本原矣。諸方共參可也。

癸未年三月初一日統科

濟佛訓。潺潺春水無停息。景色非疇昔。時光轉瞬又清明。惠風暖日。酒醉夢啼鶯。嘆夫百代湮不復。長嘯吟清賦。漁樵閑話倚空山。落霞烟蒼。夕日耀仙班。

哈哈。老衲週行六虛。靈感萬類。嘆時光之虛度。感富貴若浮雲。山河自若。蔓草滋於三徑。平原青蕪。拱木多垂雲表。皎日失光。充赤馬之妖氛。太音失聲。瀾紅羊之劫禍。燐火飛揚。萬古同悲。哈哈。如是我聞。悟天命之本原。信受奉行。體自然之動息。聞之所在。天耳順聽。神明來格。意化心觀。性光澈照。行之所至。奉法守則。時止時行。順乎氣機。本於自然。蓋天命之充寓。卽人靈督宰之主樞。是以經曰。天命者何。心君所宰。原夫一命主烝。烝輪心始。天命主圓覺之性海。心靈通知能之內府。故中土薪傳聖道。均以天命爲心靈妙化之淵泉。是以孟子以禹稷顏回同道。曾子與子思異地皆然。觀於禹之文命祇承。上合天心。稷之播穀作乂。寅亮天工。回之拳拳服膺。庶幾屢空。蓋聖道與天地並存。真學自無失傳。性光與日月同明。心道自無異同。故聖賢之教化。雖有古今之差別。而道統真傳。具秉天命、以發揚聖功之大本也。若曾子懷忠恕之傳。闡大學之主旨。以誠意致其功。而子思承仲聖之家教。述中庸之至道。以自誠培其源。故誠意乃儒宗之真諦。而曾子子思。皆克本同一主旨。發揚光大。故異地何莫不然耶。證諸西土之法華宗傳。亦以天命合化合生、爲禪宗之木鐸。觀乎釋迦六年苦修。悟圓覺之般若。達祖九年面壁。體寂定之宗傳。故佛理淨土。俱以斯爲妙化之根源也。是知誠意正心。允

執厥中。爲儒宗之實功。定慧等持。明心見性。乃釋氏之實練。故於緝熙敬止。從入世法以闡其化。日常之間。行合忠孝。坐臥之際。心通仁義。止於至善。明善復初。是爲聖學成人之真功。經曰、孝悌忠信。禮義謹行。俱是約穿之緼。護丹之寶。培養心靈性光。卽克合於聖道之主體也。然應無所住。而生其心。乃從出世法。以明其旨。六根清淨。六塵不染。五蘊俱空。禪心丹集。斯爲法華主體。合於天命之真意也。修學君子。苟克悟明天命之真諦。則窮理盡性。以至於命。蓋命宮從烝輪之運化。以啓萬物性命之化生。若通於命宮。則心胞圓化。渾然與天地無間。是爲修學之初基。惜乎聖道淪亡。世人對天命之本旨。已昧其靈光。故水光淼淼。燭火星星。初開一目。初舉一足。皆敢妄動。所謂小人不畏天命。有以自斲性靈也。哈哈。諸方共悟老衲所述天命之真旨。苟克體諸身心。躬行實踐。則修功自臻於妙境也。哈哈。諸方勉遵。此囑。此次錫鎮兩院之巡證。靈化圓滿。氣象一新。對主院之維護。各院俱明斯旨。而克遵統系。以促展道慈之發揚也。開楨黎三掌。分道傳化道慈兩務。均有莫大之功效。實堪嘉尚。

今歲因化機宏開。道院之普渡更形重要。故 師命推創女社。以符男女兼渡之主旨。是以對女社之壇務。有增加指導之心要。故蓮聖奉 師命已於母社判示。對於女社。今歲務須有合理之導進。而同時維護纂靈。是以又有加貼之判示。以安纂職侍壇之勞苦。此乃 聖恩眷注之至念。凡各地道院。自當一體遵訓辦理。方爲上策。此貼自三月份依母 訓照支。如女社每月經費不足。暫由院中所加之月捐中補充。社中各長監。及開掌、值日各掌監。一體恭遵。

癸未年三月十五日統科

昌佐神訓 南都風雅黯然收。物換星移幾度秋。昔日荒烟籠翠柏。今時高閣枕江流。浪淘千古英雄逝。雲漫一天海客愁。不盡江山寥落感。蒼霞春色共悠悠。

哈哈。一輪日暎。寂然常存。溜溜日月。不動不搖。法相昭明。光被四表之中。無平不陂。無往不復。易者使傾。危者使平。易理流行。彌綸六合之間。法相以明天道之妙用。易理以闡天道之主體。體用俱

備。真道斯立。然天道無言。四時演化。是如烝輪妙運。真機流露。一塑一梳。持中合度。一鬆一拏。終始互因。終以蘊始。始以寓終。相資緣化。萬相森然。吾道敷化。首述十數爲始。一數爲終。卽深言此奧窔玄關。十者乃土之成數。曲成萬物。無方無體。直運而輪。地平天成。陰陽相交。故有生機。一者、乃水之生數。生生謂易。藏仁顯用。開物成務。萬收一歸。大化資生。故趨歸宗。終始秘訣。卽天樞老姥。及數十萬衆。僉明此真詮。胥出湯途。超登上帝之堂也。原夫至道。湮靜歸一。萬物貞一。得一萬事畢。一畫開天。烝水蘊育。一烝化二。二化乃氣。兩儀昭彰。三元判分。天之塑者。烝之定也。風雲雨雪。梳於其中。地之塑者。水之定也。潮汐川流。梳於其內。而人秉烝水之菁華。陰塑陽梳。百骸乃理。聚精會神。以通一窔。關也、定也。化合難測。由一元而生二與。從三界以啓六輪。故立天之道。曰陰與陽。立地之道。曰柔與剛。立人之道。曰仁與義。天地人乃三界也。陰陽柔剛仁義。乃六輪也。是以終始莫測。兆乃滋彰。一陰一陽之謂道。充乎陽者爲靈輪。化於陰者爲味輪。虛靈實味。二者分攻。虛靈則一烝回光。復見天心。無中生有。自啓十數爲始之妙機。實味則真水不流。流盡澤涸。有以化無。卽謂一數爲終之根源。虛者爲始。實者爲終。天道顯化。有如是耳。經曰、一物之微。必有至末。至末之微。必有所終。終之至末。卽末之始。尖披之靈。圓虛成鏡。蓋虛靈不昧。卽爲天道運化之淵泉。而人所以貫極人天者。亦以此至虛靈光。爲通上澈下之大本也。若聖哲先賢。賦先覺覺人之天命。對此化機至理。已有聖功垂示於後昆。故大學教化。以物有本末。事有終始。爲闡明虛極靜篤之天根。故知所本末。則近道矣。諸方對此虛靈妙化。入手實修。則當以知止。爲收放心之工夫。所謂知止。乃止其忘念。修其本真。人在先天。無時不善。不知不識。自合自然之操守。但入後天。因私慾之習染。乃味其靈光。而無時不惡。是以知止之修功。卽明善復初之基本。諸方當共悟此。知止之聖功。以俾靜則居仁。行則爲義。陰陽交感。終始互因。庶乎心靈真宰。得脫小充、而入大充矣。

恤老慈助津貼。自施放以來。已歷三月。發揚慈業。厥功甚偉。勳績所在。莫與匹倫。雖黎掌創於前。亦諸方贊助。以成於後。

師命除黎微。准超度男先靈二代外。其餘各方以功行費之多寡。亦當於已朔呈判聽獎。

癸未年三月二十三日常道德社統壇

和光真人訓 樂道潛修拜紫陽。心通素履踐天光。妙山近毗青玄位。烝海遙連白合鄉。輝耀金庭通玉宇。默朝絳府結丹房。靈潛斗室充原性。一點精明照八荒。

哈哈。皇極建中。無陂無偏。中和位育。主宰恒直。心靈妙化。俱本炁氣交感。而現生機。道化運展。皆系於無極之動息。無極而太極。兩儀而四象。道體真宰。厥爲化樞。故六合之大。不足以形道體。退藏於密。不足以喻其小。動極而靜。靜極返動。乾以專直。而啓大生之源。坤以闢闔。乃奠廣生之根。週行而不殆。獨立而不改。斯爲天道顯化之大本。然天道昭範。人道乃立。是知天人爲一炁所通。一胞所蘊者也。中庸所謂。誠者、天之道也。誠之者、人之道也。故天人以誠相感。而後倫常道德。始因之而定。但天道之虛靈淡泊。無方無體。實爲誠之所寓。而人道之虛靈不昧。遜志時敏。斯爲誠之所化。誠誠相合。卽爲天人交感之主樞也。誠意工夫。爲大學教化之端倪。卽闡示儒宗真道之奧諦。故乾元統天。萬物資始。乃誠之源也。乾道變化。各正性命。乃誠之立也。元以長人。亨以合禮。爲誠之通也。利以和義。貞以幹事。爲誠之復也。其源其立。其通其復。卽爲圓覺六虛。化生之主樞。是以君子修學。首以誠爲敦品勵行之初級。觀於孔教。致用於倫常之中。作學於心性之間。內聖之修功。因誠以培仁德。外王之聖業。因誠以顯光大。誠之爲務。實爲修己渡人之淵泉。是故人欲好學以求仁。乃須誠其意。欲立行通乎道。則宜誠其衷。誠之妙化。曾莫大焉。溯自吾道導化以來。吾師時時皆以自誠而後成人之要義、訓勉諸方。并言詎穀接適四功。以爲修誠之本源。善詎之修功。乃返身修德。恭默克己。由平默而靈光澈照。斯爲誠意正心之妙旨。旣體乎詎功。則浩氣所充。集義而行。其性海自得穀功之涵寓。成仁克己。拳拳服膺。自合於接功。包荒四海。德并日月。卽合於適功。此詎穀接適功夫。雖爲心性之錘鍊。而四功之入手。則本於至平至淡之誠意正心。卽可得斯妙化於厥躬也。願生前時研儒宗精微。探洙泗真學。通杏壇雅化。且以先聖先賢、爲淑身化世之師資。故作太極圖說。專明道體之動息。復作通書。詳言誠意之奧諦。道體以定天人一貫之真理。誠意以述天人感化之真義。

自是書闡於世後。理學之昌興。實肇於斯也。今於妙山。得聞吾

師宣解烝功之化合。適合生前著作。故借此壇。與諸方晤對。乃述其原委。以爲諸方修練之資也。

道德分社。自成立以來。時歷二月。賴諸方之共同維持。頗見成效。此後仍當努力。以完成擴化半壁豐功也。

圖書室經冠縻主持。其規模已入正軌。

師命各方捐書。以充實該書櫃之設施也。切遵是要。

上月道社壇。因出佈免開。所有江甯分社職籍。未曾判定。茲補派知之。師命派和光爲社長。世原爲責任社長。肖嵐爲副社長。濟珊爲社監。阜龍爲副社監。諸方好自籌劃。以圖促進道務之進展也。

下月望日。鎮江分社。奉訓成立。

師命派雲程爲社長。元恕爲責任社長。元世爲副社長。機極爲社監。弘大爲副社監。

寧鎮兩分社。所餘各職。經人事推定後。再爲呈判。以便照章報母呈判也。二院同遵。

癸未年三月二十五日特科

默真人訓 哈哈。吾道自叔設以來。倏已二十載。道運隆替。幾變滄桑。耆年宿老。雖多遊蒿里。少年傑才。亦應機輩出。道化之進展。一時有一時之事業。一代有一代之人才。故各院之進化。均隨機運而有變遷也。以主院而言。二十載於茲。其道慈兩務。或進或輟。僉因烝化之運轉。而現各時代之變化。是以主院自事變後。復興以來。應機入修之傑才。曾屢見不鮮。若植縻黎靜源航各掌監。卽目前主院之中堅份子。實受吾

師之大命而來。負擴展東南道化之偉士也。主院氣象一新。實有百尺竿頭。蒸蒸日上之敷化。此時誠爲主院二十年來。登峯造極之時代。而濟監因機奉

訓南來。目觀主院之新化機。定有一番開悟。蓋自近數年來。母主之聲息。格格不通。對於圓滿一胞之大化。實難奏合靈之效果。唯此次濟監臨主之際。可與各掌監開誠佈公。以資研討院會之進展事務也。

須知母院乃世界道院之主樞。而主院則負一方道慈兩務之中樞。故母主當系系相依。以完成胞與爲懷之大業也。各掌監各悟斯訓。以圖和衷共濟之邁進可耳。主院自客歲臘月設長壇以來。道慈訓示各掌均遵訓辦理。實屬可嘉。各掌監功行所在。深爲神人共相欽仰者也。不過因機導化。各掌盡均宜善悟師意。方不致有所錯機違度。是以諸方。對院會尙有不能解決之難題。均須請濟監加以指導。以俾道慈之宏化。有所遵循也。

道開爲南道之先進。對道慈之設施。頗爲盡力。故吾

師爲勗勉先覺之功勳。乃授以會長之榮任也。但汝年歲已高。去腊已有明訓。示汝此後之化機。汝定已詳悟之矣。故今後自當遵前訓進行。對院內負率導諸方誦經合坐之修功。對外則代表院會接迎外賓。如斯而行。方合一院會之首領也。至於負道慈兩務之全權責任者。前訓亦有判示。故冠楨旣膺首席院監之重任。自當遵訓辦理。負此全責。同時鑒黎靜源航諸掌監。贊助一切。以資推展主院之道化。諸方應機而承。

師命。自宜善於辦理。而不負神佛之期待。况諸方共同展佈道慈。則母院亦可免南顧之憂矣。所謂應運而出之雋士。諸方當之而不愧也。

癸未年四月十五日統科

孚聖訓 山谷樂陶然。松下常眠。臥看綠柳白門前。霽色虹光相映射。雲岫纏綿。江水遠連天。獨駕孤船。沙鷗白鷺濯清泉。朝雨霏霏聲細細。似落蒼烟。

哈哈。青帝退捐。炎熱方熾。烝理之流行。節序之循理。故以烝輪之妙轉。爲造化玄虛之真宰也。故草木之生於春者。莫不榮於夏。蓋赤帝主樞。兆乃滋彰。形形色色。絮絮花花。俱因真機之流露。乃呈天地之妙觀也。然當斯萬物向榮之際。烝水之充蘊。皆現于外。靈化之涵寓。盡發於內。故以後天輪界而言。則向榮之際。卽爲萬物合化合生。輝煌形色之期。旣菁華外露。而內部之真精。自然流洩殆盡。是以當茲之時。雖爲萬物向榮輝煌之期。但亦可促成衰老之原由也。證諸人生。亦何莫不然。原夫人秉天

賦之資。上能通於天心。下克察於地既。天心既通。則道德之教化。由斯奠定。地利既察。則聖學之流傳。因之敷化。故天地昭範。皇極建中。人明於斯。道旨始闡。然德之修養。雖因天象而昭明。但內心之寂定圓覺。厥爲化樞。而學之講述。雖因地利而發揚。但性理之澈悟真精。乃爲主素。是以修德講學。雖通於天地造化之玄虛。而實功之涵養。則以內心性理之培育。爲淑身之本原也。蓋德之不修。則心之靈光。不能澈照烝海之圖融。而學之不講。則性理之良知。不能通悟內府之因显。烝海之圓融苟失建極。自然真虛不集。諸鉛無導。內府之因显不果空虛。自然水坎作充。烝鉛不聚。以致良知俱泯。靈光暗昧。其何以爲天地立心。爲萬物立命耶。故修德講學。乃君子淑身之急務。苟能修其德業。充其直養。含宏光大。自無往而不臧也。若克致力於聖學之討論。則明善復初。虛靈不昧直運而輪。自然發於事業也。德苟不修。心靈將昧於惑念。學如不講。浩氣將散於濁氛。故天地不能定其位。萬物不克顯諸用。此皆內心性理之練達。不果臻於妙境。諸方既入

師門。所求者。僉欲修德。以立其誠。皆望講學。以通道旨。立誠、而後道體始能明於內心。通道、而後始克洞開性天。故修德昭範爲道本。講學敷化爲道用。道體主樞。妙化行也。諸方對道德之涵練。雖未入上乘。但力行而求。皆可致也。所謂天心有復。不必聖哲。盡皆悟出妙諦。夫天心乃靈之所通。天人交感。皆爲水輪天心之貫通。天心卽人心。人心卽天心。何別何殊。所異者。祇後天味靈輪界。有以限之耳。苟人能修其德。立其誠。講其學。通其理。則心胞圓化。自然合於天心。觀於聖哲。所以能悟出天地之妙諦者。亦不外乎修德講學、二端而已。諸方既有研討內功之宏願。對於修練之途徑。仍不能自辨。故略加導化。以示功候也。

哈哈。當此萬物向榮。生機外洩之際。諸方可不修德以悟意志。講學以悟性理哉。須知一念之差別。一刻之虛度。卽爲賢愚之判分。諸方善悟於斯。對天人佛鬼之界輪。可不慎諸。可不慎諸。

東南道區。因統系之劃分。故於主院之下。而分爲數區。以資互相策勉。而促成圓滿之效果。是以各區。皆因時制宜。因地而權。俱因風土人情。隨時導化。隨地而教。其主旨莫不遵統系。而資展進道慈也。以京鎮皖北徐海三區而言。道務之進展。非遠成一氣。則難收合靈之宏庶也。况此三區。人事之聯絡

。亦頗能融洽。是以此三區。以後之共渡時艱。尤須此呼彼應。以合成一脉。此次徐宿蚌三院流通。靈化之中。尙稱圓滿。堪慰吾

師垂靈敷化之內衷。但皖北自蚌纂休靈以來。各院幾乎不通聲氣。長此以往。亦足以障阻道機。故吾師乃命爽錫。以主纂名義。昌虛亦以代理蚌纂資格。相緣敷化。乃有此次合靈之盛舉也。今昌虛來主。實爲機緣之巧遇。二子自任職於徐海道區以來。流通各院。頗能默轉妙靈。對道化之開展。實稱殊助。不過因道運梗塞。所遇不免稍有挫折。故二子此後。當坐悟澄清。不懈不二。抱道而行。堅恒持久，則資展敷化。豈止一方蒙其惠耶。皖北佈道。主院朔統。因而停開。

師命主統後三日。補開上弦女社壇。下弦道社壇暫免開。

冠閣對道慈各項。莫不踴躍參與。功助實令人共仰也。惟對學校籌備事宜。汝雖有豐功可述。好善樂施乃人之天職。此後對學校之維護。尙須勉遂不懈。以促其成。趁此良機。善自邁進。自有一番福報也。

癸未年五月初一日統科

慧聖訓 六朝餘韻冠南都。虎踞龍蟠啓壯圖。青蓋旋着趨北闕。紫髯徒自霸東吳。大江萬頃飄青藻。長蕩千斛鎖碧蕪。多少荒邱縈蔓草。山圍故國繞青湖。

哈哈。靈感物類。體道無遺。山川自若。徒自舊念。人物已非。空結新愁。當茲道化開展之際。適逢諸方合靈之期。神人共聚。靈光瑩灼。化機已開。道運已張。此皆諸方對道之修持。有所增益也。蓋道本無形。生育天地。道本無情。運行日月。道本無名。長養萬物。但在天成象。在地成形。希夷之中。自結真形。鼓之以雷霆。潤之以風雨。恍惚之際。已呈真情。乾道成男。坤道成女。一剛一柔。已立真名。故無中生有。有以證真。既有真體。而萬有之化樞。莫不以斯爲主宰也。證諸人之參贊化育。亦以真形通於天命。真情含於性靈。真名通於天道也。故人之涵養。卽可以天然化機。爲實修之律。苟人法地之持載。法天之包荒。法道之無所不寓。法自然之至誠不息。則和光同塵。虛極靜篤。從平默之中。

以窺識天理流行。於靜定之內。以默識主宰恒直。故虛靈不昧。真絜所充。鬆鬆拏拏。自合真度。天理流行。苟合絜解之放彌。主宰恒直。若順絜輪之闢闔。則玄關奧窔。自克從堅坤之末。塑乾之始。一始一末。圓覺週流。而入于天心有復之聖功。原夫天心有復。不必聖哲。盡盡悟出妙諦。只要返身而誠。正心以修。使意念不沾目中之色。使心靈不染耳中之音。不動不思。靈味俱合。修至此候。而後內觀其心。心無其心。外觀其形。形無其形。遠觀於物。物無其物。心之寂定。內府生白。性光澈照。卽空其心。形通萬類。渾然無間。同圓一胞。卽化同形。而物之交感。皆係胞與。合五統六。一道同風。不分畛域。不分物象。斯爲民胞物與之大化。充其直養。以致於原靈復見天地之心也。既合天心。則玄之又玄之聖功。卽克因觀妙以促其空。從觀突以定其志。凝靜志息。斯爲上乘修練之福報也。然易理化樞。更爲世人修養之階梯。證於艮辭。艮其背。卽心無其心也。不獲其身。卽形無其形也。行其庭不見其人。卽物無其物也。三者、雖儒道兩教之言語各異。而聖功之奧諦則相合。是知諸方欲培養聖功。首在貫通教之典籍。參異取同。相資緣化。而促其功候之精進也。

各方當善悟此旨。從思不出其位中。明于知止之道。而後定、靜、安、慮、得之修養。始克因修功一步而臻于妙境也。是在諸方好自勉參。否則天心不復。何以言修。真虛不集。何由言悟。諸方共悟。其各勉進可耳。

今歲東南道區。道化開朗。當有一番新局面。此化機訓示。早有明言也。此次徐海、皖北、各院敷化道慈。由京至徐。順路線一氣貫通。主院之地位。因之而鞏固。主院之聲譽。因之而發揚。而植黎二掌。奉命分途導化。頗能資展道慈之聯屬關係。此尤爲意外之收穫也。

永久慈業。因化機開朗。而相機創立。各掌監頗能默識真機。實修功有所進益。而克開悟性光也。若植老因黎掌之創導而成立。學校因各方之贊助。亦將成功。對學校事務之進行。於上旬已命冠閣。仍當獨力支持。而關子果能悟透聖意。并能發大誓願。引爲己任。殊堪嘉尙。

最近植掌更能推普救之慈航。遍及羣黎。乃有創設施診所之義舉。此亦化机所至。有以促其成也。不過功行所在。各方當共贊助。方克使萬載慈行之普渡。發揚光大也。是以對診所事項。除植掌勉盡功行

外師命世筠更當助力於此役。以擴張其組織。功勳所在。須知立功之機會難得。行慈之善舉難逢。今時機甚洽。汝其勉遵。

癸未年五月十五日統科

岳聖訓峯嵐環水水連空。遠刹蒼松照晚紅。幾陣烏鴉鳴翠柏。一聲玉笛蕩清風。朝登高閣憑欄弔。夜泊汀洲駕綠蓬。古往今來多少事。盡歸一幅畫圖中。

浩浩其天。至溥至博。渾渾其地。至深至厚。溥博以顯高明之象徵。深厚而喻悠遠之形相。高明於上。乃成天道之妙觀。悠遠居下。始定地利之宏張。天地交感。順氣化之流行。乾坤相化。體易理之主樞。蓋真常至道。乃有如是之顯化。但天地之變異。實有出乎常道之外者。若天有移星易宿之變。地與龍蛇起陸之異。原夫天道之主樞。一關一定。一開一收。相資緣化。乃生真機。其關其開。順氣輪而直運。其定其收。因炁解而同歸。直運而輪。生生不息。同歸殊途。化化不已。是知生化互現。生以德、施於物。化以刑、加於物。其生也、天道主之。其化也、亦天道主之。故天生天殺。道之至理。天生乃常道。天殺乃變通。雖云生殺為兩種界輪。但主其盈虛消長之道。實只順炁輪之妙用而已。是以天地既有常道。以明正軌。同時必須有此變易。以明天道變化之妙用也。然生殺之機。終始互因。生中寓殺。殺中蘊生。觀於仲春之際。百草萌生。而榆夾墜落。當夫仲秋之季。羣卉凋零。獨霽麥生芽。由斯可知天道生殺之機。無時不同施於物。而共顯諸用也。證於西教敷化。更足以明天道之妙理。若耶氏祈禱。朝神禮拜。大公博愛。皆所以施其德。而回宗齋戒。以殺為能。只救其靈。是皆所以施於殺也。施德施殺。僉以救教為先。故足以導化於民。而收殊途同歸之主旨。但世道之治平亂離。亦因天道而迭變。觀夫世之治平。必現祥兆。世運垂危。定有妖禍。是知天道變常之顯象。實為世道治亂之先兆耳。諸方修道。對天地之常道。首須悟澈於中。以通道體。且對於天地之變異。亦須默識化機。以契道用。通於道體。即為培植聖功。契於道用。即為顯諸王道。聖功本乎天理。王道基於人情。天理之真道。人情之真意。

又須從德業之培養。以獲其益。是以明道諸子。首在誠意。由誠而知坐候之妙用。坐之既篤。堅恒持久。則靈之所通。合於天時。心之所化。通於地利。氣感所充。顯於人和。諸方祇須悟澈坐之要道。坐以誠意。誠以培德。德以致用。斯爲聖功王道。同時顯乎內外之修煉。內以平默其心。外以定靜其志。晬面盎背。順炁機之充蕩。手舞足蹈。體天理之流行。聖功卽克從心性之修。而奠定其基。王道自可因倫常之行。以成其業。諸方對此訓示。果能參透至道之玄關奧竅。順常道而立己。順變通以達人。立己達人。卽爲致力於聖功王道之初級焉。

諸方入修。以參道旨。凡奉

命派爲院社職籍者。皆爲有緣之人。此後院社各職修。既膺天命。自當堅誠用事。以代天宣化也。

師命凡院社之職修。在生前有功於道慈者。其飯後皆准由掌監呈判。以超渡其靈也。此吾師所以優遇各職修之盛意。各方可不善自努力。以報答神庥哉。院社各職修。一體照遵。

統院所供之神位。本有固定銅位。今主院所供者。尙有未合之處。

師命由開鑿二掌。負責將神位從新安排。其下層神龕中間。供統院掌籍位。其左供關聖都巡使位。其右供桓聖默真人位。上層神龕中間。供統教位。其左供統社位。餘者、及壇院之木位。皆各修子飯後所錫之位。一體遷供於最高祀室。以便統系不致於紊亂也。

癸未年五月二十三日道德社專科

和光真人訓。澄湖烟水鎖清氛。靜坐松林望碧雲。山嶽環鑿鍾錦石。江河浩蕩結波紋。晴川雨散晨光合。曉日虹升曙色分。白賁無求稱夙志。書琴爲侶鶴爲羣。

哈哈。山林隱逸。順乎自然。乃道者之潛修。遯世無悶。龍德潛隱。爲儒士之操守。蓋道儒兩教。集聖賢心血之結晶。傳中華道脉之精英。分言爲二。有體有用。合則爲一。渾然圓覺。茲者、余因炁機之運轉。而示道儒之奧諦焉。原夫儒教啓源。肇自二帝三王薪道之傳授。故彝倫昭美。九疇以敘。德化流行。三綱乃定。迨及孔聖。祖述堯舜。憲章文武。集先聖之大成。述而不作。是以道貫古今。體乎時也。

至於道家歷史。老子始有傳聞。道貴自然。德尚無爲。故道體圓通。終始證乎德矣。是知儒宗至孔聖而發揚光大。道教從老子始奠定根源。孔聖講學洙泗。通俗脈之鍾靈。故祥麟之兆以誌盛。老子論道函谷。貫素中之精華。故有猶龍之嘆而紀實。蓋二教實因天命有所攸歸。道脈有以貫通。天命既定。真旨自通。道脈既同。真詮自合。真旨真詮既合於胞系之餘。故從其根源。即可證其同焉。然足以貫通二教。相合相同者。曰一曰素。儒宗所謂一畫開天。即吾道一以貫之。道家所稱天得一以清。地得一以甯。諸語。均以真一爲主樞。此之真一。即炁水之充寓。炁輪之妙轉也。炁水充寓。則一炁貫穿。合五統六。自明真旨。炁輪妙轉。則合化合生天命之源。自證真詮。故敦土安仁。而知於一。湮靜歸根、以體乎。一從仁以知一。即儒宗主旨也。從根而體一。即道家宗傳也。克己復禮。天下歸仁。夫物芸芸。各歸其根。歸仁則天德所化。是以明於通。歸根則天命所通。即明於道。知道而後培其德。知德而後正其心。夫心兮本虛。感而遂通。鬆拏合度。以通於穿。知止知觀。以合於素。而素者爲身之統。命性實功。依之若砥。合之若膠。是以明心見性。虛靈不昧。居仁行義。以培植中宮。主敬行恕。而涵養內府。中宮既安。自可合於真一之化機。內府既定。是以明乎真素。炁化流行。原於太一。乾坤運行。厥爲太素。太一以言妙山之真旨。太素以言炁海之真形。妙山本虛、太一即證其空。炁海本靜。太素即證其清。故二教以真一爲練實還虛之實功。而以太素爲致中利之奧竅。觀於儒宗所云。繪事後素。即以言素體之清靜。道家所言、見素抱樸。以明素體之皎潔。故諸方苟能從素體之妙用中。證其真行。明其動息。則丹心一片。清空之氣、自克充其直養。剛正不阿。斯爲孟氏所謂浩然正氣。至大至剛。集義而行。即可得左右逢源之樂也。諸方對此真一主旨。太素真質。務須精參細悟。以俾道儒兩教之真諦。得以貫通無遺。否則真旨一失。一誤而再誤。將伊於胡底。又何能得以致力於修耶。當茲師道盛揚之際。道儒兩教。因吾道之敷化。亦因之而現復興之機。各方可不善悟二教經典。以發揚國粹之精華。遠紹先聖之宗傳也哉。

東南各院。自今春奉訓設立道德社以來。五月於茲。已分佈於京鎮錫常皖北徐海各區。雖然內部組織。尙有未能完備者。但目前有此首創之形式。則他日亦可因之而發揚光大也。此吾師所深爲東南道化開朗

所欣慰者。而京社內部。較諸他社尙稱健全。唯對於研經一事。尙須加以實行。

癸未年六月初一日統科

達摩佛訓 一炁彌綸萬象歸。九年面壁悟禪機。心同海闊隨魚躍。意似天空任鳥飛。月窟虛中尋奧竅。天根靜裏探精微。性田早證菩提果。靈自圓湛氣自輝。

哈哈。無極生化。原天地之仁德。中真恬定。乃聖賢之寶位。蓋天地至靜。無所不寓其內。聖賢本定。無所不受其教。故仁德所及。足以輔相裁成。寶位所定。自能化及大千。是知天地以靈化萬類。聖賢以性通神明。故天人一貫。相感相化。天命以定人之性。人心以通天之靈。性靈涵化。萬象斯顯。觀於中土經傳所說。天命之謂性。乃中庸之主旨。成之者性也。爲易理之中樞。人性本善。實秉賦獨鍾炁靈之精華也。真經所謂。塑梳分性。卽言此化機也。蓋炁靈成水。分水成性。性靈卽因水輪而立體。卽以水光而致用。氣水因显。從無形之靈光。促成有形之靈圓也。是知性光澈照。妍美盡顯。纖微畢照。惟妙惟肖。至周至密。故靈感所及。乃克順應萬變。蓋性光之本質。譬若泉水映月。鑑鏡照物。原夫皎潔之月。從清潭可映其影。物體色相。從明鏡可返其形。性光之應物無迹。實類諸斯喻。但波興於泉。月影卽逝。塵污於鏡。物態卽隱。而性光雖無波而興浪。但肆慾妄爲。是以昧其性靈。雖無塵以染垢。但貪求無厭。是以遮其性光。故肆慾妄爲。則真虛不集。水坎作衝。自不能合乎天心。貪求無厭。則昧其良知。自不果明其真智。是以性光一味。性靈一遮。卽爲神人仙邪判分之界輪也。然波平則影可復現。塵拭則鑑鏡復明。苟依斯理而伸論之。肆慾一除。則性靈自復明。貪求一去。則性光卽復來。故諸方不患無過。惟患過而不改。苟去私存誠。純任自然。則心胸擴然大公。心靈自定。無往而不臧也。聖賢之導化。卽以復其性光。善養浩氣爲初階。觀夫改過遷善。裒多益寡。卽明善復初之修功。懲忿窒慾。稱物平施。卽合化合生之功養。苟各方均克明此至理。則性光之開悟自克有瑩灼之進展也不然昧於事理擾於魄惑。又何以復其性靈耶。自吾道敷化。首以坐功爲諸方致實功之初步。坐之旣久。其氣自平。坐之旣堅。其內心必默。因平而默。坎離始克交於中宮默。而后知白守黑。以定其玄虛。故坐之一途。實爲萬

教修祖。苟諸方能勉進不懈。坐於平默。坐至定靜。卽克寡其慾。而改其過。既能改過則丹心內寓。性光自明。性光既明。而修人之能事畢矣。老衲奉命掌於坐道。故諸方當共悟斯訓。從堅修堅坐中。靜修靜坐內。悟回先天之本源可也。

遠航贊助道化之開朗。頗著殊勳、冠鑿負道德社籌備專責。更有豐功可述。

冠閣助學校之經費。尤堪嘉尙。文青領導誦經、無形之化弭。頗見成效。故四子半年以還。實可嘉許。以示優遇。

師命各准超度先靈一代。以證光先裕後之明徵也。

黎微之祖。錫爲明道眞君果位。其父錫爲顯德眞子果位。均超昇靈界。知之。

冠楨之父。錫爲篤倫眞子果位。超昇靈界、知之。

靜仁之父。錫爲仲綱眞子果位。超昇靈界、知之。

明源之祖。錫爲成忠眞子果位。超昇靈界、知之。

道祥之父。錫爲勤孝眞子果位。超昇靈界、知之。

道基之父。錫爲持仁眞子果位。超昇靈界、知之。

道閑之祖。錫爲守義眞子果位。超昇靈界、知之。

道閑之父。錫爲範禮眞子果位。超昇靈界、知之。

道尙之父。錫爲達智眞子果位。超昇靈界、知之。

道闊之父。錫爲充信眞子果位。超昇靈界、知之。

都漸之父。錫爲知悌眞子果位。超昇靈界、知之。

癸未年六月十五日統科

關聖訓 哈哈、塵寰不改舊山河。白浪滔天逐逝波。淮泗龍興傳盛話。今朝誰唱大風歌。

岳聖訓 哈哈、萬里關山脈不分。崖邊碧水綠濛濛。千潭浪湧遮明月。惟見黃龍起暮雲。

桓聖訓 哈哈、茂陵頂上白雲揚。荒塚沈湮蔓草長。華表殘碑松下臥。任從風雨任從霜。
孚聖訓 哈哈、岳陽美景望中收。高閣成墟見落邱。惟有樓前雙燕子。飛來猶渡昔時秋。
老祖訓 一夢渾然不計年。瓜棚野老伴雲眠。欲從世外尋仙境。全在人間結善緣。敬拜玄宮參道旨。默
朝絳府悟真禪。雪泥鴻爪渾閑事。天自蒼蒼月自圓。

哈哈、老人未臨主院。倏逾一載。今靈感之下。氣化盤旋。靈光凝爍。誠良好之氣象也。溯自石門傳經。首闡經旨。五千紀中。兩授真經。其間氣化之運轉。靈光之圓寂。實寓莫大真機。觀乎上古之紀。一氣元中。除水晶之物。殆無所見。是知水生水化。乃萬物之本源。故水輪天心。直探烝水之淵泉。水德生物。直指烝輪之化樞。水輪既本天心。故萬類之性爲善。水德既能生物。故萬相之體涵虛。天一生水。水性週流。是以烝水之充蘊。厥爲主素。烝水之升。是爲潮長。烝水之降。是爲汐落。一潮一汐。是爲一日。然烝水雖爲無形之主宰。但後天物質。運化之顯象。莫不宗於斯也。故先天之世。無文字以紀事。從意化之間。烝卽貫通。無言語以相敘。從心觀之內。靈卽感合。烝通烝合。故一元上紀。氣乃大化。水孕始生。道體斯立。既有道體。是以道而後德。德而後仁。仁而後義。義而後禮。禮而後智。智而後信。信之所立。卽真誠寂定之真境。信之所充。充其水德。是乃運會之迭顯。耳徒所述。孔徒所闡。卽均以此真機爲主體。雖道旨所記。略有不同。但原始返終之要諦。圓覺周流之真旨。均括於中矣。試觀五教。道化真旨。莫不相同。惜乎各教之爭。善靈被縛。不能同修一爐。不克融會貫通。以致真旨既失。道德淪亡。故 老人當茲水運。重闡石門經旨。開五千紀道化之歸樞。以烝爲宗。以靈爲化。以素爲體。以息爲根。相資緣化。以修以煉。庶乎合五統六。一烝貫穿。道德顯化。重見曙光也。此老人渡世之初衷。諸方既入吾道。皆爲有緣之人。况逢此千萬紀艱遇之良機。可不善修善坐。以成道化哉。 老人有厚望焉。

今歲主院道化。以默爲修旨。以救爲慈旨。故 老人是以靈感。諸方皆本斯旨。以修以坐。所幸各方。尙能遵仙佛之導化。明 老人之內衷。故道慈兩務。均有樹立。堪慰所懷。此亦 老人所欣慰者也。此後更當本道慈修渡之真旨。同進同展。方不滯機。不然一有人魔蠱惑於中。則不免陷入衆靈不合。衆志

相違之境域。老人預言化機。是在諸方共勵可耳。

半載以還、維護道慈之佳弟子。頗不乏人。茲對各掌監之修功。略加開導。以爲修煉之目標也。

道開、維新厥躬。性光始開。冠楨、慧心平定。道致楨祥。冠鑿、仁斯能勇。緣督此中。黎微、知守節走。允符天德。四掌好自修持。則道化東南。實爲先覺也。均加健靈天靈各八度。晉天籙二級。賜統寶九尊。自下弦日起。每晚元服一尊。逐日行之。用畢爲止。以充靈光。

萬物靜觀皆自得。仁心蘊養自成丹。靜仁悟之。

澹泊明心志。桃源種福田。明源悟之。

靜源二子。修功尙須精進也。各加清靈十二度。晉天爵二等。賜福酒三杯。自本望後三日起。逐日來院。於老人案前恭頌。以壯心性。

遠駕輕舟萬里航。精微已探樂無疆。丹心直貫乾坤德。善念竟冲日月光。果證弘慈膺帝寵。因緣紹法下仙鄉。水輪慶得隨機現。道展江東賴爾揚。特賜遠航。

世代書香福澤延。阿闍黎祖證前緣。善研性理學先哲。樂育英才效聖賢。早歲參經聞道體。中年篤道悟玄篇。祇爲修得圓通意。惠濟蒼生遍大千。特賜冠閣。

航閣二子。對道之堅誠。對慈之贊助。頗不後人。雖訓示屢有獎勉。但能堅進不懈。則更佳矣。各加清靈十度。晉天籙一級。以獎堅誠知之。

文青樂道不倦。世筠見義勇爲。亦道中之先進也。各加天靈六度。以充正氣知之。都演、道闈、道尙、道膺、冠疑、冠厚、等。對道慈雖未有深切認識。但能勉進不懈。實堪嘉尙。諸方好自精進。

老人靈感之下。自有一番默佑也。各加天靈四度。以充靈光。

道膺都演二子。功行雖未能圓滿。但老人爲獎勉堅誠修子。以示大道不負於修者。故特開殊恩。准許二子各超先靈一代。以勉二子將來維護道慈之熱忱也。

施診所之組織。大體完備。不過經費。雖有楨筠等負責。但各方亦應當仁不讓。共成盛舉也。茲派遠航

、明源、道尚、道膺、爲該所監督。以俾指導一切事務。並徵募經費之補充也。各弟子勉遵此囑。
遠航之父。錫爲涵化真子果位。超升靈界知之。
冠鑿之父。錫爲衡平真子果位。超升靈界知之。
文青之父。錫爲明性真子果位。超升靈界知之。
冠閣之父。錫爲知命真子果位。超升靈界知之。
世筠之父。錫爲達聰真子果位。超升靈界知之。

癸未年七月二十四日統科

慧聖訓 田園依舊枕荒邱。古柏蟬鳴落木秋。蒲柳新塘沾玉露。荻蘆故壘隱扁舟。朝聽細雨敲桐葉。夕看銀河貫斗牛。回首昔遊千氣象。碧天無際水空流。

哈哈。金風飄舞。白帝重臨。蘆花秋水。一片清明。當茲金運來臨。一切肅寂之景象。亦將現妙化之機已。溯自帝出乎震。木令萌生。萬籟向榮之生機。至今受此金氣之肅殺。則現頽敗之局勢。蓋天地未開以前。氣息氤氳。胎胞囿圍。人無實形。物無實質。當此先天之際。炁氣交感。實無盈虛消長之至理。迨黃玄判分以後。天清地寧。形性蘊育。人生於斯。物出於此。故炁氣合化。由先而後。從後返先。先後週流。水輪斯定。水輪既定。則無極而太極。一元而二與。三才而六輪。相生相化。關定不已。屬于關者。自現生機。屬于闔者。自成化樞。是以春生。乃生之機也。秋收乃化之樞也。有生有化。乾坤之轉運。始克週流不息。有生有收。宇宙之變遷。方能圓覺不移。是知木運之生機。肇端于水輪之源。金運之化樞。始根于水輪之極。金木合化。炁實體輕。腦海髓山。如金如玉。仁山智水。化合難測。是以先天輪界。其所以能統御於後天芸芸衆生者。卽以斯道爲主樞也。然木運之剛直。其德爲仁。金運之肅殺。其德爲義。仁之蘊育。自爲天地立心。爲萬物立命。義之毅肅。自爲乾坤立體。爲宇宙立形。有心有命。則天人可通。有體有形。則人物可化。故仁爲天人交感之真宰。義爲人物相生之本源。觀于孔聖之存仁。孟氏之由義。自知聖賢之貫通人夫者。非無由也。以斯言之。仁義之主體。非僅四時之運復流。

露真機。而聖賢之典籍。更盡述無遺。是以各方。既入師門。對於仁義之真旨。自當審慎行之。觀乎天文。以察時變。觀乎人文。以化成天下。天文者、四時之運化也。人文者、聖賢之典籍也。天文人文。從仁義真旨中。自可體悟相緣之妙合。更克默識天人之妙化。故諸方苟克明此訓文。則道之全體。或可略識真途已。各方夙慧所在。自能勇於前進。當仁不讓。庶乎道運昌明。可以早現于斯際也。

主院道慈事業。前半歲對於慈功頗著殊勛。而後半載。諸方所當致力者。則重在道功之修養。是以坐功、研訓、誦經、講道、爲目前之急務。其坐功一事。當由坐掌率導。堅坐靜修。惟悟靜不果久留。任斯重職。故

師命仍由道開暫代。以俾坐功修候。不致中輟也。道膺之父。錫爲培玄眞子果位。超昇靈界、知之。都演之父。錫爲悟化眞子果位。超昇靈界、知之。卦院第二步工程。賴良修靜仁等等籌劃。對於一切經費募集。工程設施。均有相當方策。今將工程圖樣呈報。查此圖形。亦屬可行。不過爲萬載道基着想。其規模苟能再加擴展。同時對於社基之奠定。各掌監亦當再從事攻慮。庶乎一舉永得。以爲長久之計也。

癸未年八月初一日統科

尙真人訓 三分古蹟莫須論。望盡平蕪帶晚痕。惟見金風吹曉露。單留玉桂伴黃昏。烟雲直鎖烏衣巷。雁陣橫穿白下門。勿效江城悲落葉。秋來何處不消魂。

天誕非我。誕我者靈。蓋靈光所充蘊。乃性善之根源。靈明之瑩灼。爲智慧之淵泉。故人性本善。乃元充內府之結晶。人有智慧。係先天烝海之化生。是以性善爲靈光顯明之化樞。智慧乃靈明蘊結之真精。故當上元開始之際。人之生活。無知無識。至平至淡。雖云無知。但靈光之內照。自可默契真機。雖云無識。但靈明之韜光。卽克悟察真宰。雖云至平。但性善之天真。已發揮於外。雖云至淡。但智慧之良

能已流露畢見。是知古際靈化之妙用。實足以爲後世之垂範也。迨夫薨英計月以後。輪息之水。始與烝分。烝水一分。以致靈光亦因之而渙散。何以言之。蓋性善之本真一失。修身淑世之涵養。自無以立極。智慧之良能一味。誠意克己之實功。亦無所建中。是以運會輪轉。愈趨愈下。實不知伊於胡底。幸時值水運重生。

師道普渡。直開萬禩之修祖。然吾道所注重者。不外內功外行。內功之修養。端賴乎道。外行之普濟。則崇善乎慈。道慈分言則二。合言則一。道之修。非從明善復初。歸其性善處。入手實修。始克完成道化之全功。而慈之普渡。更非從見義勇爲。智慧圓融。奠定實功。方能促進事業之推展也。是知吾師及各神佛所訓示者。雖均以道慈一事。盡括萬有。細觀內理。道之修養。不過因人之本性而立教。慈之普渡。亦不過因人之良知以示機。是知道慈之修練。全憑內功之堅誠靜篤。始克完成圓覺之修候。須知內功。亦有進境。任通於空。督合於虛。通空合虛。卽爲諸方所當共同勉進者也。諸方善悟斯意。從靈化而證諸心性。由事實以驗諸修功。本訓之主旨。大略如是。

肖纂飯真。前于母院。已有詳細訓示。今安位於主院高室。靈化之中。頗稱坦適。按伊生前爲纂。幾達廿載。無時不以平淡自容。無事不以樂觀寄情。故生前涵養。在纂職之中。尙稱難得。卽在諸同修之間。亦高人一籌也。是以飯後。蒙此榮譽。非無由也。

癸未年八月十八日望統

孚聖訓 駕鶴下蒼穹。漫遊萬籟空。天連秋水白。樹掛夕陽紅。蟲語荒園內。鴉棲古樹中。蓬牕斜倚望。漁火畫江東。

哈哈、大道發皇。出於自然。修行立德。本諸無爲。自然充寓。卽顯無爲之生機。無爲運化。卽證自然之動息。以言天道蒼翠無涯之際。忽然而風雲。陡然而雷雨。煥然而日月。燦然而星辰。是誰主之。乃無爲之化機。是誰爲之。乃自之然現象。以言地理。渾厚寂定之中。江河流蕩而不溢。山岳崢嶸而不重。草木繁縟而無垠。鳥獸徘徊而無害。是誰主之。乃無爲中之化機。是誰主之。乃自然間之現象。故宇

宙之內。舉凡峙者、流者、飛者、潛者、動者、靜者。莫不本水輪自然之運行以生。莫不因炁解之無爲以化。然自然無爲之道。均以靜爲之體。皆以動爲之用。動以流露自然生機。靜以顯示無爲化樞。既有化樞。是知天地定位。本於至靜。惟其至靜。故天地之大。乃坐於炁化之中。因有靜坐。而後氣化瀾漫。乃呈天地妙觀也。然人處乾坤之內。乘倫脊相關之靈化。具坐堅氣固之性真。因之而能承天時行。正位居體。樂天知命。安土敦仁。天乃虛體。靜以包荒。土乃虛德。涵蘊無滯。命爲化樞。脈絡貫通。仁爲美德。善行充寓。故坐之以堅。虛體自然復其本位。坐之以靜。虛德卽克充寓內府。聖賢洞明斯旨。修身濟世。均以此爲主樞。試觀文思安安。定其本性也。敦禮崇德。敬其本身也。天人一貫。能定其性。卽克知天之命。能敬其身。卽克守天之德。故定性以言性天之涵養。敬身以求反身之修德。是乃明道者。善於修持之明徵也。旣明天地坐於炁中。同與人身之修練。亦莫不時時刻刻。坐于大氣之間。炁氣合化。生機自現。炁以主宰天地。炁以主持人身。天地人物。均受炁引炁化之作用。以生以息。無時或已。故靈虛之體。貫於天人之間。靈虛之德。感於天人之中。天地之坐。因虛而生萬有。而人身之坐。卽聰明睿智。仁義道德。亦均從此虛極靜篤內府因显之中。充其善靈。行其善性也。故諸方修道以涵養身心。當以坐爲本源。坐之一途。惟恐不恆其德。自易承之以羞。是緣人質之活。流而易走。不能守元充之本位。苟克以一堅字持久。道化未有不功候圓滿者也。然所謂功候。屬于有形者。則却病延年。屬于無形者。則性堅命實。性命旣修。而關定自合炁海之動息。一定一關。虛體卽能知止知關。承天修命。一關一定。虛德卽克終始周流。敦厚仁德。諸方善悟於此。則天人可通。其性天開悟。卽可早臻妙境也。

永久慈業之義舉。在目前而言之。學校之設立爲最普及。歷年以來。救濟幼而失學者。何止萬千。况培養人才。宣揚道德。莫不均依賴一般後學子弟。以冀道慈兩務。能普及常人之間也。本院各掌監。頗能洞澈斯旨。故學校之成立。雖幾經波折。尙賴各方平定以應之。果能於今秋實現剏設。實東南慈業之一大貢獻也。不過內部經費拮据。雖經人事屢次研討。而難關終未解決。殊爲憾事。師命通知人事所議定之積功累行之諸弟子。務須將此功虧一簣之功行。共同資助。庶乎不致中途而廢也。

卦院第二步工程。前命冠蓋加以核定。即因前圖之設計。尙有不合。茲依鑿掌擬定圖形。既顧及經費材料之應用。並對地勢加以深確考憲。况社基之奠定。亦能顧及。實屬可行。不過此乃過渡期內臨時之設施。至於道化開朗之後。自有更偉大之功行。尙賴諸方。共完成此大業。良修靜仁二掌。再加以研討。即依圖進行可也。

癸未年八月二十三日道德社科

和光真人訓 白鶴飛昇羽化仙。清蓮妙法結因緣。百家奧旨通輪界。一縷清思運大千。內府湛圓明淨土。中宮淡泊悟玄天。潛修樂道功成日。自有黃龍共話禪。

哈哈。道道有門。門門有道。此乃世俗之見。而不能通達道體之真宰也。蓋道只一道。門無二門。道爲主體。門乃動機。故舉凡一葉一縷一緒之中。凡可以成立存在者。莫不皆宗一道。同出一門。雖有胞系分絡之判分。但道體之真宰。亦莫不依賴衆道衆門。有以闡揚者也。故易有所謂乾坤、乃易之門戶。既有門戶。是以乾之易知。坤之簡能。均在一動一靜。一開一闔中。週流不測。互爲終始。唯其週流。故門戶之生機乃見。唯其終始。故門戶之化樞乃顯。是知門戶徑庭。爲體用之樞紐。然易乃天道之本體。交易以化合難測。變易以錯綜紛雜。天理人事、均蘊於中。是故天道由門戶始克流露化機。化機一開。而開天者德生。開人者賊生。天道至虛。囊括萬彙。仁以生之。義以成之。故曰德生。而人心易動。魄魔擾於中。慾惑牽於內。故曰賊生。但德生之歸樞。乃正充之炁。因門戶之闔。有以啓之。至於賊生之根源。爲正充之炁。因門戶之闔有以合之。證諸禪宗。所謂開佛知見。而勿開衆生知見。原夫天者。佛之本性也。人者。衆生之本竅也。故佛法圓湛。寂靜感通。智慧所充。自然無住而生心。但衆生蠢愚。不知不覺。靈光昧閉。何克識眞源所在。何能尋光天所自。是以衆生知見。既不識眞源。則魄魔必擾。既不明光天。則慾惑必生。由是觀之。道禪兩宗主旨。莫不志同道合也。察於中土聖賢。因一畫而明天象。因兩儀而知地利。此乃洞澈開天之主旨也。此外若奠三綱以敘彝倫。敦五常以彰庸行。既有彝倫。因禮以制魄擾。既有庸行。因德以制慾惑。此深明開人之徵義也。然道統傳授。天賦資能。賦與中

行之人。蓋中而不倚。上合天德。卽爲開天開人兩者之中樞。故吾道敷教宏化。雖賴諸方共同肩斯重任。但在諸方之中。能有幾人獨具中行之資。既無中行之資。但勉而行之。亦不失爲令人。試以孔門言之。狂狷之輩。尙可延續道統。參也魯、其資能既未及中行。然大學之受授。已獨得宗傳。諸方明此。則成者有徒。從素位而行。中正其體。而後坐至圓充之宮。宮之本位。卽天道之虛靈也。宮之本體。卽門戶之基礎也。故諸方只須安其本位。無所在而不合於天命自然。心之所通。從淡淡之中。視其玄色。心之所定。從冥冥之內。默聞太音。隨感隨通。隨觀隨悟。則機通於虛、化運乎空。卽克不卜不著。自合乎臧往之真機也。

道德社壇。乃專研道旨。以俾諸方研道有所參悟之資。是以本社之要務。首當闡述演道責任。務使入修各方同明道旨。皆知求修之目的。不然盲修盲進。與道隔闕。亦是偏修。對其心性。又何補益耶。故師命對宣講一事急當履行。下次週議。可經人事議定。敦請明道諸方。以先覺之資。加以開導。同時諸方再能凜悟。何患道化之不能普及哉。

癸未年九月初一日統科

濟佛訓 草履雲遊到處宜。心田坦淡是先知。蒼山影暮寒光冷。潭水波清玉露垂。適值塑梳風露日。更逢性命合修時。三秋喜有菊花在。自驗盈虛各有期。

哈哈、老衲四海週遊。所遇所見。無非空虛。胞之內。現出形形色色之妙觀。既有此妙觀。故生化起伏。變幻不已。明乎天道者。自能擺脫乾坤之化機。超乎象形之外。但不明斯理者。每多囿於自然變化之化樞。更不免情慾橫生。以致斲傷元靈。是以修道諸方、所深探道旨之目的。莫不由於宇宙在乎手。萬化生乎身。與天地同體。與乾坤常在。如是圓靈方克湛然潔然。不昏不滯。斯爲上乘功夫。然修之途徑。各教均有明示。吾道以妙爲妙。禪宗以聲色均空。妙之顯化。從靈光之作用。卽得其主旨。空之杳冥。由烝海之塑梳。卽可驗其真道。雖妙雖空。只不過元胞之變化耳。胞之靜也、其體自空。胞之動也。其用必妙。是以道祖所謂常有欲以觀其姿。常無欲以觀其妙。姿之所在。玲瓏咸備。卽爲空體也。况以天

理言之。空乃乾坤之本位。故統天化物。終始如斯。妙乃兌宮之真境。故烝以蘊水。水潤萬物。前者本至剛之德。以定主樞。後者秉柔性之資。貫通宇宙。是故空也、妙也、胥以寂定之元胞。而呈變化週流之妙用也。哈哈、諸方悟明斯旨。從坐誦中再加以實功。自不難早悟玄天也。

癸未年九月十五日統科

默真人訓 秋風蕭瑟晚涼天。露冷霜寒旅雁旋。籬畔學童談古事。菊旁野老話當年。灘頭隱約孤帆渡。路口依稀劍石連。對景頓增今昔感。塵凡未了舊因緣。

駒光易渡。良辰不再。溯自吾道傳經敷法紹化以還。倏忽念餘載之時光。道運因烝機之關定。亦一起一伏。忽然而昌興。轉焉而衰落。人事之間。對此現象。不無滄桑之感。而神聖仙佛。亦莫不因之而生撫今挽昔之懷。(靖)(默真人諱)初受命。歷盡困苦艱難。當院會首立之初。魔障重重。幸賴師靈默測之功。始克奠定初基。追念至此。深願諸道友。以堅誠不懈之志願。具大無畏之精神。向前邁進。雖有艱險之阻隔。但

師靈之貫注。無時不默加指導。無地不化險為夷。祇要認清本位。即克奏此興道倡慈之全功也。諸道友以爲何如。哈哈、乾坤初定。二脈判分。負陰抱陽。冲氣爲和。烝成水主。天開上紀。地平天成。民安物阜。當彼之際。萬物並生而不爭。萬類同行而無害。開物成務。順自然之化機。風俗淳厚。現天然之本性。無知無識。渾渾噩噩。日出而作。日入而息。不知帝力之功德。只順運會之變化。當生則耕。當收則獲。是以中天之慶。乃頌乎彼時彼際。况天生烝民。作之君、作之師。君德廣被。即足以懋昭天命。建中於民。而後調元贊化之豐功。始克包括宇宙、垂萬世而常榮。至於師道所及。文明敷化。薪傳始紹。而後倫常庸行。咸被卓著。是以人道之基礎斯定。故古昔政教合一。天生聖哲。既賦爲君之德。兼秉爲師之道。即君即師。天理之化機可闡。即師即君。自然之玄微可判。此所謂有德必有位之論也。降夫帝堯之世。聖德雖格於上下。尙有四凶未除。民生則有不得安者。同時洪水爲患。物類自難於相阜。是以運會自開天以來。降至帝堯時代。氣化之中。已現澆漓之機矣。但孔聖刪書始于帝堯。史稱黃金時

代。尙今不如昔。迨夫斯世。復經數千年之演化。較之帝堯時代。已不能窺其門徑。何況原始之時期哉。改吾道數化。雖以原始之真象。教之導之。其目的並非真。若彼世所教者。不過使修者之心。見素抱璞。返其性真。于灣修之中。默契意化之真旨。於靜坐之內。則悟心觀之妙境。凡此修功。非言語所能述。非文字所能載。如是之修。卽爲返于太初。如是之養。卽謂同於原始。苟諸道友、悟明斯旨。心通圓化。靈明相感。氣化之間。卽有貫通爾我一體。何分彼此。既無善惡之分。兼無天災之作。所謂大同之世。卽可指日而待也。

癸未年九月二十三日道德社科

康聖訓 聖道傳揚本洛書。迄今遠紹萬年餘。五方成野形斯定。一畫開天蒸始虛。瑞鳳來儀朝秀域。祥麟呈趾拜靈筵。悟通一貫玄關妙。自返蒼然太素初。

哈哈六朝餘韻。振江左之文風。金陵道脈。啓南都之典雅。文風所被。人傑卓著。典雅所及。地運始昌。故證諸往昔。有聖賢之敷化。卽有盛地之昌隆。孔聖論道於齊魯之邦。洙泗之杏壇斯勝。是知人靈地運。並彰其美。而後道脈之餘緒。始克遠紹萬紀也。溯自上古。有聖王之教化。則必有勝地主其運。而呈祥瑞之徵。河出圖、洛出書。天道彰於斯際。人文明於此時。故華夏道統。肇端於千萬年之前。有此一貫之薪傳。雖經朝代之演變。但道統真旨毫無所異。然道旨真諦。其所以貫徹終始者。卽爲中虛之奧。蓋河圖所紀。五以生之。十以成之。五位中央。卽爲天干戊己之真土。洛書所載。五位中虛。二四爲肩。六八爲足。四偶相合。適爲十數圓覺周列。貫通六虛。此地支辰戌丑未之真土也。五言无也。十言實也。虛實相化。道體斯立。是以天地以明上下之形。干支以分先後之理。舉凡宇宙之中。有生機者。莫不統攝於一貫虛體之內。故吾道所謂只要中虛一點精靈不滅。自然易返元充之氣胎。以斯理言之。中虛所蘊。天人可通。元胞所化。萬類齊括。是以中虛乃一貫真傳之主體。苟心通元化。炁運洪鈞。中虛自能括定。內府卽克生白。若昧此化機。則中宮必有所滯。中虛一滿。氣自不通。靈自渙散。諸陰散坎。坤室卽障。以致形失性味。豈能葆其固有之元胎耶。試觀芸芸衆生。莫不以洩發真精爲能事。貪爭

不已。此亦世劫造因造果之來由也。以斯之故。吾師下降濁塵。苦苦告爾諸修。皆欲衆生出其迷途。同入覺域。故導之以坐。用訓功以返身修德。既修其德。則中虛元靈。未有不臻於湛然圓寂者也。諸方只要明於坐理。堅修靜坐。功候日進。其靈明內照。無時不省察其疚。知而能改。自合坐功之道。是明修道之理。不外復其其至善之本性。而性海圓融。卽爲中虛默化之真境。中真既定。天耳可通。足以察自然之變化。中宮既明。天目可開。足以觀乾坤之運復。天耳從炁海之中。可識其真宰。天目從性光之內。以悟其真精。修練之基。不待外求。返身而尋。自知其然。修進此候。祇在各方精進不已。均可悟徹也。主院位於道脉之樞。地運足以助院會之擴張。而各掌監秉傳道之責。自當善於修悟。以成人靈促進道化之精義也。

慈業之擴張。自爲吾道悲天憫人渡世之主旨。但當今之世。舉辦慈業。不僅各掌監知有難。卽諸天仙佛亦明其匪易。茲者、開掌對於育嬰事。頗欲勉進功行。不過事前務須加以審慎考慮。苟以吾會名義。行斯善舉。更須全始全終。方可顧全會譽。此乃道慈之重務。是以吾師命爾注意斯點。切以顧全大局爲前題。不然有所中輟。有失後慮也。辰光閣落成典禮。爲期已近。各地掌監職修合靈一地。實可以凝聚衆靈。而同一胞之大化也。當斯盛典。各掌監既有合靈之舉。而爲纂者。亦當有凝靈之行。以充靈光。且聽訓示也。

癸未年十月初一日統科

孚聖訓 簾捲西風落葉飄。溪光荻影鎖藍橋。樓中玉笛吹仙調。祠宇蒼松接翠霄。花雨空壇雲氣散。秦淮舊苑篆煙銷。酒旗歌板零消盡。金粉徒教話六朝。

哈哈昔孟氏所謂不以規矩、不能成方圓。斯言也。雖易於明瞭。但道體真傳。莫不以斯爲之主樞。蓋有規之可循。則圓覺始克週流。有矩之可守。則方正始能不倚。是知方圓之軌跡。俱本貞一之運化。而顯其形象。故四方之序。由氣運以節之也。六合之位。因氣運以定之也。然四方之序。無邊無垠。蒼然至虛。太極之始。蘊育生化。妙觀斯現。六合之位。至寂至靜。潔然而空。無極之貞。動靜交迭。妙有斯

寓。既曰虛空。是以道之本位卽在於斯。道體無形。而四方則表明方形之化機。道體無象。而六合則象徵圓形之真機。是方是圓。相資緣化。卽足以闡發大道之真旨也。昔先聖有鑒於斯。以先覺之良知。洞澈斯旨。乃闡其真詮。設教導修。若物本無有。乃佛家常談。物之無有。卽歸於空。空之主宰。卽圓覺觀音之真境也。若水源木本。爲儒教所尊。以虛下人。去私存誠。卽絜矩建中之奧諦也。是知釋者之出世法。從空而至於湛靜。首須致力於禪定之功夫。而儒者從入世法。以修以練。由虛以至於安思。則當致力於慎獨之修候。禪定以言萬法歸宗之真境。慎獨以證篤實光輝之修域。二者皆宗一道而演述。故寓一化萬彌、萬收一歸之化機也。觀於聖賢導化。既本虛定之道體以演以述。故古昔聖王之治天下。亦均以德懷萬邦。以禮範天下。德之普及。若光被四表。卽順直之天。施于宇內。至於禮之所範。格於上下。卽闡示圓覺天理之感化。是以三代以上之承平。有如是也。逮及後世。在上者、不修其德。居下者、不守乎禮。以致姦邪叢生。且世風澆漓、日甚一日。於是竟有不修之輩。乃創之以法制治人。法之制人。卽效法於欲成方圓者。則賴於規矩之碩範。以表面道理言之。當稱至當。以天理而論。以法制人。已入後天輪界。治亂世用典刑。此聖賢目觀世道之淪替。三復而嘆惜之言也。故承先天之真理而論。盛德之感化。卽圓覺之普渡也。禮義之涵化。卽方正之敷化也。自吾師導化以還。卽以修天德。而圖一己之修功。存誠立極。以守天理之節文。如是卽合乎道體之本位。又何待以法而制之哉。諸方祇要本心不離元覺之寂定。不昧絜矩之性真。卽無時不有天然之規矩。從空虛妙有中以應萬變。以權時宜也。更何須致力於有心捉摸。庶乎諸鉛有導。而成坤室回光之境域。各方勉參。辰光閣落成在卽。辰光一現。定卜日麗中天之良機、已將至矣。吾道之機轉。亦因時而啓重興之機也。主卦竊鎮各掌監代表京鎮之道區、而參與盛典。靈光凝定之中。卽徵道功已有增益。師命未行之各代表。均賜統寶三尊。元二佩一。以默佑身心、知之。

癸未年十月十五日統科

都巡使訓 葉落林空曉月殘。風聲嘯吼小窗寒。圍棋三戰賓朋笑。溫酒一樽主客歡。鶴語南郊古刹冷。

龍吟北斗玉松蟠。塵凡履踐前生願。賴此沙盤演杏壇。

哈哈。適逢初冬氣象。又呈現一番新化機。故予朝東海之濱。見峯嵐隱約。藏於翠柏之間。湖光毓秀、顯諸碧竹之環。若有見然。若無見然。是色之顯化。有如是耳。然默聽潮聲。靜聞天籟。似有所聞。似無所聞。故聲之起伏。有如是也。既無所見。然寂定之太空。可識真精。既有見然。日月之明。猶淡淡而無色。既無所聞。太音之天籟可聽真聲。既有聞然。但雷霆之震。猶息息而無聲。似有非有。似無而有。空輪之運化。中虛之主宰。乃有如是之涵化也。是故凡屬於外界。耳可得而聞者。則謂之幻聲。目可得而見者。則稱諸幻色。幻聲幻色之演變。實緣心隨物遷。以致心靈之主宰。不克通任督之空。以合其妙也。是知心靈。乃聲色無形之本體。在體無聲而有聲。出體有聲實無聲。一虛一實。即可證諸至聲無聲。至色無色。無聲無色。即爲役使後天界輪之主樞。然所謂幻聲。自無一刻之守。轉而即逝。若雷之隆隆。樂之鏘鏘。隨發隨滅。故幻之所生。只不過一息之停留而已。而幻色之變化。亦猶若是。海市蜃樓。曇花一現。實不如金光閃灼之可以常且久也。故幻聲幻色。僅爲物緣氣變。心緣物動之變化而已。既有如是之變化。則心靈之涵養。實爲修者之要務。修之至道。首在不動其心。而後再不惑於後天幻變、斯可耳。取喻以明之。觀於樂音、乃聲之正宗。朱色爲色之真相。故人以心靈感之。自適其然。但心靈稍有所惑。則於感觸之間。不免失其正也。是以俗云、鄭聲足以亂樂。紫色更克奪朱。然樂音鄭聲。各自爲樂。何克相亂。其亂乃人心亂之也。朱紫各自爲色。何克相奪。其奪乃人心奪之也。後坤不守回光。卽爲自亂其心。中宮不守虛位。是爲自奪其心。亂其心者、有所溺。奪其心者、有所貪。溺貪之至極。爲不能於止知其所止也。故華夏道統。肇始心傳。所謂天視自我民視。天聽自我民聽。卽闡示此真詮。蓋天人一體。同生一源。天之視卽心之觀。天之聽卽意之化。心觀意化。中虛自在。天之顯化。自可通其三界之明。達其四方之聰。聖教所闡。卽以斯爲主體。故聖經所載之修功。均以知止守其本性爲基礎。若大學以知止。爲定靜安慮得之初功。書經以安汝止。惟幾惟康。其弼正直之道本。原夫止於至善。乃能充其直養。而浩然之氣。誠意之本。皆賴知止工夫。以培其心靈也。自吾道敷化。眞經所謂知止知觀。皆從中來。知止則聲色寂定。氣不能觸。知觀則虛室生白。氣不能滯。不觸不滯。中虛圓

滿。飄然而升。廢然而降。卽合乎鳶飛魚躍之真機。修至此候。又何有幻聲幻色之動於中哉。諸方悟斯。卽克資助修功之進展也。

辰光閣落成會議。各掌監對於道慈之進展。均有所禱。

師靈甚慰。但此次同遊齊魯之邦。觀舞雩之高風。朝杏壇之典雅。對於靈光之中。實有資展心性之修練。而植莖等更有燕雲之行。宗總之考察。尤克增益對於院會處理之方策。故此後當效人之長。補己之短。就院會各務。加以改善。庶乎一道同風之雅化。得以普及於華夏之內也。

癸未年十月二十三日道德社科

守沙仙梁傳訓

昔宋儒康節先生。生前泛性理之探求。窮心傳之研究。對於儒道之貫通。厥功甚偉。自皈依妙山。頗爲吾

師所器重。參贊樞機。對道化之開展。又有豐功可述。證諸真經首錄。所謂得之邵堯夫、爲吾門真傳之語。是知道體真餘。後世已不可多得解人。惟康節先生。則能遠紹石門經旨之祕傳。其修功養候之高超。斯可窺其端倪也。茲者、康節先生奉

師之使命。來東南道區。以弭化邪氛。並資助道機之進展。是以乘斯良機。得以臨壇敷化、是緣也。亦是機也。各各知之。

吾邵堯夫也。奉

命臨壇。

青玄良位主中樞。一片洪濛萬象無。天地生機藏月窟。乾坤蘊化寓丹壺。薪傳肇始易經旨。性理源宗太極圖。欲得參同真契奧。全憑心斗悟陰符。

哈哈天下之動。貞夫一者也。一炁化二。二化乃氣。炁氣交運。陰陽始生。故自乾坤天地判焉之下。山水沙木。皆在人先。至人生水。二脈斯分。其在未分之前。內四外四之化合。卽明天人合體之真旨。其

在已分之後。內五外五之化分。卽闡真修真養之實功。蓋內四在身。乃顯坤巽離兌之妙化。外四在身。斯見震乾坎艮之化機。八卦相錯。週行不息。故悉息輪系。胞儀相守而相轉。其相守之軌範。卽交相爲用。其相轉之途徑。卽輪錯而合。故天人同體之真旨。均賴此輪息之動靜。以分以合。而盡括之矣。至於內五外五。爲修養之實功者。實緣內外皆五。而現虛空之體姿。但內外相合。則成十數。十者又合于原覺週流之天道。故天目所視。可通三界之姿。天手所指。可達四方之體。是以天目天手。無時不在人之四周。視爾指爾。既有所視。苟人心稍離本位。則察其惡焉。既有所指。苟人性略昧天真。則指其惡焉。惡乃善之逆行而所顯之劣跡。蓋善之所通、卽人心不背天理。人性不失天真。何在莫不得八剛之真源。何時莫不體三寶之真覺。原姿所在。自合天目之所視。知覺所充。自守天手之所指。證諸經籍。所謂十手所指。十日所視。卽合此化機焉。是知真修真養之途徑。皆遵此天人共體之攸關。而建其樞紐也。是以人苟能順自然而修。從無爲以養。則誠之所至。自通天理。天理貫通。則天視天指。均克順輪息而直運。不然輪息錯度。天視天指。均足以使人心生內省之疚也。由此動機。只須人人反身而誠。則莫不能復其天真之心性。故誠之涵寓。貫通天人。盡括終始。果能至誠無息。則博厚配地。通乎坤順。高明配天。順乎乾元。自克得悠久無疆之修域。既有此功候。故克得不顯而彰。不變而動之實境。亦合乎無爲而成之天理。成于己者、顯諸仁。成于物者、合諸知。道德仁義、以成倫常之紀綱。聰明睿智、以明生機之終始。觀于易理之辭。有謂萬物之所成始而所成終者。以闡艮卦之天德。蓋艮履青玄之位。萬類生機寓於斯。萬象收機藏於是。主宰大千。運行不止。是以艮之釋意。乃言止也。雖明其止。但止而後動之真機。亦含于中矣。既有止有動。故曰艮其背、乃止于黑潭也。行其庭、乃動於中宮也。黑潭中宮。俱爲空虛之真境。是以修人能從玄宮以悟化機。自克通悟性理。若誤于強悟。則胎胚非是。自失真修真養之初衷已。哈哈。各方悟此天人同體之真旨。澈悟真修真養之途徑。其潛修之功未有不臻于妙境者也。既入妙境。則在塵出塵。自無罣礙。入幻脫幻。自合真充。又何有輪界之阻障哉。予此次在東南道區。奉

師命詳察道務。其最可稱讚者。卽東南各院。大致均于今年成立道德分社。蓋有此社基之奠定。雖一時

尙未能允稱完備。但草創之局面已難得。此爲東南道務開展之先聲。予不禁爲道運前途有所欣慰也。本分社位在東南主區。責任更覺重大。况各長監乘辰光閣紀念列會之便。或于目睹總社。對道務盡心推展。致力之一般也。其各勉進功行。以促其開展。庶乎在公修之際。修方參研道旨時。將有所遵循也。

癸未年十一月初一日統科

昌佐神訓 歷盡滄桑感慨多。漁樵遯世隱山河。吳關誰憶吹簫客。燕市焉聞擊筑歌。國位玄駒驚幻夢。潮臨白馬湧清波。招魂已賦三生石。日近黃昏奈老何。

哈哈溯自太古以迄今茲。雖時有隆替。勢有治亂。而五常之敦化。終如日月之明。經萬紀而常存。更同山川之奔流。歷百代而猶在。證諸三代之上。風俗淳厚。鄧治昌隆。更無其論。但於春秋戰國之世。兵戈爭奪。此仆彼興。宜乎倫常墜落。掃地無餘矣。但於朝廷鄉黨之間。無時不有忠臣孝子之懿行。草莽酒市之中。更不乏人傑之英風。是何故歟。是何原耶。蓋道德之維繫者人心。由來已久。雖於道喪德墜之餘。不無中行者流。體道統之真傳。而延一脈之微危心傳也。然人有五常之德。猶天有四時之序。夫序之演化。卽人德之主樞。若春乃天之生也。而仁則爲人之愛。夏爲天之長也。而禮則爲人之範。秋爲天之殺也。而義則爲人之制。冬爲天之藏也。而智則爲人之知。土德寓於四時。而誠信則涵於四端。天有四時之迭變。萬類賴之以生。人具五常之美德。而彝倫賴之攸彰。苟四時失序。則歲無以成。同斯至理。若五常失教。則人道無以立其本焉。故倫常之教化。乃聖賢治天下之基礎。觀於仁育萬物。以義治萬民。以禮範天下。以智化海宇。以信施萬邦。均爲順自然之天道。輔相裁成。以植教化之德則。是以淳樸之高風。可促成地平天成之美績也。迨及後世。歷代教民之道。則制以法。施以暴。如是味乎天理自然之則。未有不錯機達度。以致失天序之正。故難成人德之紹化已。自吾師降世導修以還。俟將兩紀。在此期中。神聖所教化者。均不離乎倫常之奧諦。苟諸方均能悟通訓意。則道德之涵養。卽合于天序天秩之綱紀。天序之通澈。卽誠意工夫。成已成物之實功。誠之所至。通於外者。卽惻隱之心。仁之端也。顯於外者。卽羞惡之心。義之端也。範於外者。卽辭讓之心。禮之端也。

。成於外者。卽是非之心。智之端也。括於終始。履於四端。卽信之兆彰也。是知誠爲五常之本源。苟人欲修五常之善行。則須致力於真誠涵養。而後斯可已。諸方當悟透此中關鍵。卽克早得平默之真功。而證倫常至德一貫相傳之真諦也。各方精參。切囑。

冠嶢書香裔胃。善緣深厚。都潛慧收氣斂。亦堪造就。師命傳知二子。於本望來壇所訓、知遵。

蚌院光慈。應機歸來。東南展道之人才。又弱一個。觀其生前率纂佈道於三江。推設院會於皖北。徐海各院。既有弘法之功。主院復興。又立紹化之績。奔馳往返。無間寒暑。茲念前功。特予獎掖。

師命由蚌院代發計聞。通佈於皖北全皖東南。徐海京鎮諸區。各院及各主要掌監。務以奠儀賻贈。以敦道誼。知遵。

癸未年十一月十五日統科

尙社人訓 適履定軍。路經沔陽。朝武侯之宗祠。拜昌佐之塚墓。撫今憶昔。不無滄桑之感。賦韻高歌。頗寓弔古之懷。聊成一韻。以資紀念。

翠柏參天沔水灣。臥龍青塚伴孤山。聖賢事業英雄略。河嶽精靈日月斑。鼓角無情移漢祚。風雲有憾阻秦關。出師兩表傳今古。千載誰堪仲伯間。

哈哈。澹泊明志。乃樂天知命之操守。靜觀自得。爲練實還虛之實功。原夫天之所宰。人不得而違之。唯須安然承受。命之所司。有莫之致而至。莫之爲而爲者。故仁者樂天。通於澹泊之虛靈。達人知命。識乎自然之輪奐。然虛靈莫測。修人從靜而觀之。則可悟於真境。輪奐罔圖。修者從靜以悟之。卽克識於真精。是知修行立極。當以靜爲根基。聖功玄德。更賴靜以昭彰。證諸帝堯峻德神化。渾然涵虛。識於靜已。昌佐之遯世無求。白賁昭範。觀乎靜已。蓋知止知觀。皆從中來。止於至善。安慮斯得。得乎天道。位育斯明。中宮始靜。所謂中宮。卽心靈之本位。心兮本虛。貫通天理。心心相應。卽天卽人。何所思爲。何所做爲。是以聖賢之心。卽萬物之心。善者吾善之。不善者吾亦善之。渾然大公。超然自守。則善念充寓。心天開朗。內觀其心。心無其心。外觀於物。物無其物。物我一體。觀乎本象。故靜

觀自得。得於澹泊。虛靈充貫。通於遜志。志立而後丹心所化。有所建極。聖道闡化。如是而已。奈世遠禩久。道旨演述。相率爲僞。以致心靈真宰。不守其位。囿乎幻象。而昧性光。染於貨利。而背正充。是故失其靜體。自難得安憲文思之真餘也。幸

師道敷化。真經再傳。既重演聖道。且建中立極。闡示修行之正軌。由精而微。致用於日常之中。從玄而妙。證覺於坐誦之間。既有精微之奧諦。故堅修堅坐。即可得三昧之真覺。既有玄妙之聖功。故靜修靜坐。即克大功圓湛之神化。是以修坐二者。爲諸方修道之必經途徑。潛修得得。真旨自知。此所得者。即坐至元充之功。而得超然入化之域也。所知者。即內府自充其浩氣。性光內照。觀於七通八剛之間。無所不知。無所不明。斯爲良知之圓突。惟修得此突。始克由平默之坐。而終於靜。以還本真。心目所觀。舉凡六合之大。莫不盡在咫尺。是以靜爲修行立德之本源。苟諸方恆終履始。守於虛極靜篤之實功。則心光澈照。既通於極樂之世。更遊乎丹壺之內。在塵而不沾。入幻而不染。斯爲真修。是爲真養。諸方可不致力於修坐以圖渡已渡人哉。各方參悟可耳。

書香世胃。慧性充凝。此吾

師特獎冠嶸之語也。好自勉盡功行。自獲宏庥也。此囑。

喜得青猿運自通。幸逢泰運乘長風。慈舟渡得蒼生苦。祝爾時航萬里程。示都潛也。

潛子大運已通。凡爾事業之進展。莫不賴

師靈之默導。而順利進行也。好自勉進功行。對慈救之贊助。切莫後人。俟功助有所成就。再聽後訓、知之。

癸未年十一月二十三日道德社科

康至訓 斯文典雅載瓊琳。聖道輝煌貫古今。坤腹陽生充浩氣。地中雷動見天心。時值冬令應圖象。月建黃鐘合律音。紫閣星芒垂北斗。新開子運水輪深。

哈哈。烹解放瀾。輪息相通。原始返終。運會斯定。故日月迭臨。寒暑往來。莫不因自然之化機而現焉。

蓋冬至陽生。一元來復。夫開於子。烝六生實。是以生機寓於此時。而夏至陰生。一陰至臨。天闔於午。氣六生虛。是以化機伏於彼際。一子一午。誰主其運。一生一化。誰主其機。原夫真一之所宰。運行不息。獨立而不改。過行而不殆。所謂乾元統天。萬類資始。乃易理明此化機也。所云天心有復。水德生物。爲真經闡斯真諦也。是知真一之充寓。天得之以清。地得之以寧。人得之以靈。物得之以生。此四者皆闡述真一之本體也。若龜得之而潛。猿得之而默。鶴得之而息。鹿得之而鳴。此四端均闡述真一之妙運也。體用爲二奧。真一爲主樞。天理之昭彰。卽以是爲至論。他如五教之敷化。亦以斯爲本源。觀於天心有復。蘊育仁德。乃儒之所傳。玄關奧突。靜觀天根。爲道之所述。真如定慧。禪修圓覺。係釋之所論。衍化輪界。清靈真宰。乃回之所宗。安息祈禱。默朝上帝。爲耶之所宗。仁也、根也、覺也、宰也、帝也。俱言真一之主宰。不過演述有異同。以致後世各教修徒。束於門戶之成見。縛於善靈之污染。故是其所是。門戶之關。無殊闔者自闔耳。幸

師道導修。首闡烝輪爲真一之主體。仁根覺皆烝輪妙轉所致之用也。真宰上帝。卽烝輪順守所定之本位也。然烝輪之成境。在堅坤之末。在塑乾之始。一末一始。俱順自然。是以自吾教敷化。卽倡導自然之修。無爲之養。自然以修道。無爲以養德。道德涵養。俱宗一貫。觀夫先天之坐。順乎自然。合於無爲。卽明斯坐爲道德培鍊之初基。坐以正體。是涵其仁德。坐以垂簾。是收其天根。坐以返聽。是定其圓覺。坐以塞兌。是守其真宰。坐以潛息。是通其上帝。是涵、是收、是定、是守、是通。莫不賴於虛靜以致其實功。虛極靜篤。以觀其復。天心有復。聖道斯顯。古昔中土真覺之道統。明善復初以養志。虛心弱志以勵修。故易理復卦之闡示。卽統御大道。祖述聖學之主宰。而聖賢之修德立行。亦當遵守斯卦。以成其美也。若不遠而復。乃顏氏之修功。頻復集義爲曾子之修候。不遠而復。善心未泯。天心貫通。坐通其化。是故顏氏四勿克己。非禮弗履。仰高鑽堅。竭才而卓。知能俱通。聞一知十。三月不違其仁。足成屢空之妙。蓋拳拳服膺。庶乎近矣。至於頻復集義。丹心克覺。稍悟其非。卽返本位。是故曾子三省之勤。思不出位。手指目視。培育中宮。蓋忠恕一貫。通於機已。顏氏之功候。因氣定而充乎穀。曾子之涵養。因靈凝而達於誼。穀也、誼也。真氣自通。通之所至。卽返先光。氣光充寓。卽真一之

實境也。哈哈。當此一元來復之際。實爲修人證悟勵修之良機。諸方務須履中守和。不爲陰陽所縛。靜觀自得。超乎化機之外。對於坐之一途。不輟不斷。則得三度之修功。卽克通五教之眞義。諸方可不善悟哉。其各勉遵。

道德分社成立。已將一載。內部尙稱圓滿。不過當此之際。該社之功效。尙未普及於修功之展化。但將來停壇後之紹化。莫不賴於斯也。各方明該社之主要。更須促進內部之組織。以臻完備之全功也。此囑。

癸未年十二月初一日統科

濟佛訓 坐伴晴川枕綠坡。殘祠夜宿倚巖阿。英雄莫洒荒山淚。壯士休悲易水歌。風雨千年消霸氣。烟雲一縷鎖江河。靜觀已覺浮生夢。願把前情付逝波。

哈哈老衲超然自處。久沐塵氛。觀乎浮生若夢。察於得失如弈。忽然而蒼雲海霧。瞬息而風烟捲舒。一鬆一拏。一收一散。雖乾坤自若。山河永在。但人事之變遷。殊增撫今憶昔之感懷也。試看古往今來。多少英雄豪傑。有忠有孝。或仁或義。雖於青史載有光榮之傳留。然欲觀其生前之形蹟。則恍然若失。是知形之所顯。僅肉身一代而已。至於名垂萬古者。則爲法身之眞相。故禪宗奧諦。卽以修得法身眞相。脫離肉體之小我。是以釋祖苦修六載。從出世以悟三昧之圓覺。達佛之面壁九年。從定觀以悟生白之覺域。修至此候。皆所以屏除聲色之幻象。盡其本心。悟得定禪之圓湛耳。通於佛之典籍。卽心卽佛。寂然而合。卽心曰慧。卽佛曰定。定慧等持。意中清靜。清其心田。是謂覺。淨其性天。是謂智。覺之開悟。本乎良知之充寓。智之澈照。原乎心靈之凝定。然良知之生。由炁輪而觀。圓智之照。由水輪而凝。炁光默然。故良知只寓於內府。水光潔然。故圓智通於玄宮。是以良知。乃由靜而動。圓智乃從動返靜。良知之性。爲善之端。圓智之體。爲靈之光。故先天以運後天者。則賴良知之定慧。由後天而返先天者。則本圓智之內觀。內觀返省。轉識成智。卽爲修人之所當修鍊者。蓋性光內觀。見空而不離乎空。見相而不着於相。不離不着。昧然而虛。寂焉以定。定於炁先。其性天之眞華日永。定於氣後。則

命宮之浩氣自充。故修人只須以大圓鏡智。觀破一切幻象。修去所有癡念。則一覺永覺。一定永定。覺之而不流於俗。定之即克立其體。不流於俗。乃修肉身之目標。克立其體。乃修法身之基礎。

哈哈修者明於是理。皈依佛理。口中誦佛。即覺其先天之靈性。生於禪寂。即定於命宮之本源。是故覺其真性。定其命宮。均爲心通佛理。佛位心田之真旨。即心爲佛。即佛爲心。心者人之真宰。佛者天之所化。心通於佛。即人通於天。佛位於心。即天皈於人。天人相緣。心佛互通。是以真經闡天人之奧諦。釋典述心佛之宗傳。分言則二。合言則一。所謂淨土樂園。與我玄關奧諦。二而不一。二二爲一。既云乎二。何者是界輪之窳。既云乎一。何者爲胎胞之體。論此真銓。則須慧性諸方從靜定之坐功。以探真精。苟克默契真精。恍兮惚兮。法身之真相。即顯於內府。惚兮恍兮。則肉身之後體。即寓於靈中。哈哈諸方。細悟此真境。均須性天進至三度。方克知其真徑。不然將誤於強悟。亦徒自昧性光而已。慧緣諸方。可不精修精進。以迅登寶筏。速達彼岸哉。哈哈勉旃。

時屆臘梅芬芳之月。歲至陽生來復之期。道化自寅而丑。又將一週。道慈兩務。當此之際。當有新化機之啓示。更須有獎勉之訓告。是以下統。乃本歲最後之科。吾師將親臨加以開導。一體來壇聽訓知遵。

癸未年十二月十五日統科

老祖訓

與稽上元紀始。三輪未分。氣子蘊育。三界未判。迨夫太極成形。二與主化。炁成水主。三元周旋。九宮成野。五方定序。天地之屯蒙初闢、乾坤之因显未剖。言語未備。從意化以知。文字未著。從心觀以識。吾老人主宰洪鈞。位育中樞乃於五千紀前。首闡石門經旨。救徒興教。始肇於斯。惟彼際古荒無遠。人不知見。安識其詳。是以就古史之所載而論。從經典之所錄而言。蓋自龍圖授羲卦象斯卓。龜文昇妣。迄今年久禩遠。洪範始傳。一劃開天。聖道乃立。皇極建中。薪傳始闡。儒宗導化。貫諸五教。歷後則青牛去而玄學傳。白馬來而佛教興。聖靈誕而約宗立。天方降而回理傳。合五統六。皆系胞餘。

應運敷化。導掖斯世。普渡東西。厥功甚偉。茲者時逮水運。道展中土。各教證同於華夏。諸門參異於神洲。故吾老人乃得應機導化。與子等同參幽微焉。溯濱壇降靈。首渡紹化。實緣老人不出。教將不能一脉存也。烝旨不闡。道將不能一貫延也。是故自庚申傳經。辛酉設院以來。歷年演進。俟將兩紀。於此期間。老人頗費些許清靈。諸方多耗無量心血。相緣展化。始有如是之局面。依本院而論。位居金陵。坐於南都。天昭南鷄離火。北應箕斗之象。地處鍾阜龍蟠。石頭虎踞之。盛道脉所通。貫于江東。是以老人定斯院爲東南主樞。于此兩紀之展化中。前一紀乃弘道之期。故母壇建極於江左。正經傳紹於勝域。然昔日傳經壇之弟子多已歿來。而足以昭示修範。碩果僅存者。則得之于道開而已。其後一紀。爲展化之期。道慈並進。以圓一胞。應運而入修之傑才叠現。夙慧睿智。堪寄大命。則得之于冠楨。整頓院務。引爲己任。則得之于冠鑿。知坐以修己。明善勇行慈。則得之于黎微。純仁於穆。含德紹化。則得之于靜仁。慎修己德。孝本思源。則得之于明源。遠駕慈航。當仁不讓。則得之于遠航。是以兩紀之敷化。吾老人默察諸方之心。以靈相感。以烝相通。無時不欲諸方內觀己心。無地不欲諸子善養慧根。故當此兩紀將終。辰光立極之際。吾老人更有誕象之靈化。各參與之掌監。瞻吾之像。入吾之靈。引心入聖。默靈歸光。卽克參悟烝旨之真。而充乎六合。退藏於密。既通此旨。則各掌監之靈化。上升一度。氣質體形。俱臻妙境。是以當此兩紀將終。三紀行至之期。終始蘊化。道展於世。故爾諸方。務須悟吾善靈。體吾教言。慎終履始。知始知末。玄微始克展於宇宙。真道斯可化及殊域。將來大同昇平之景象。川流敦化之宏庥。皆賴諸方共同展化。有以促其實現也。哈哈異日萬派朝宗之盛典。吾老人將與諸弟子共樂一堂。是在諸方善自精進可耳。當此紀中。各掌監之修功養候。頗克精湛。茲屆年終。特各賜詩文一則。以示道功之涵養。

真性本爲明鏡台。道心坐得慧光開。潛修早證圓融果。自有祥雲捧日來。示道開也。

日永真華結妙蓮。中宮丹闥導諸鉛。靈光圓覺回坤室。內照心田耀性天。示冠楨也。

天耳達聰曉律音。既能博古又通今。摛文珥筆宗先哲。篤道堅同鐵石心。示冠鑿也。

樂善行慈極衆黎。氣通霄漢與天齊。玄微證得功成日。喜見芳名雁塔題。示黎微也。心天溫煦宛如春。克守殷盤日日新。一縷和光生意足。自從靜理蘊真仁。示靜仁也。後體堪爲百乘家。坎光離火結鉛華。元胞渾化通天象。內府自充五色霞。示明源也。樂駕丹舟渡性河。元充輕似羽浮波。鳶飛魚躍真機現。慶證凌雲聽鵲歌。示遠航也。性河鵲歌，皆中宮之真境。細參是囑。

以上七掌監。各加天靈八度。晉天爵二等。天錄二級。以勵功行。前緣樂道拜黃庭。性海圓融轉妙靈。氣固坐堅真命立。今生幸悟石門經。示文青也。參經之中。頗克定靜。再加勉進。自悟其突。特加清靈六度，晉天爵一等以勵爾誠。

默朝上帝拜丹墀。裕後光先定有期。願爾桃源尋覺域。祥麟自有鳳來儀。示世筠也。今歲之慈助。頗有所樹。甚慰老人之期待。特加圓靈六度。晉天錄一級以昭矜式。澹泊虛明效臥龍。至誠無息守中庸。沂風雩舞同天樂。心履雲山萬丈峯。示道膺也。膺子自今歲任院會之重任。誠靜以修。慎惕以行。殊合道軌。老人喜甚慰甚。特晉爲值日院監。仍秉舊職。着加清靈六度晉天爵一等。以勵前功。

心懷良性善修身。淑氣充揚結至仁。地利因緣研卦象。堅誠樂道守天鈞。示良修輔修也。良掌對卦院之道慈。精心處理。頗合中道。允堪嘉尚。以明修範。特各加妙靈六度。晉天錄一級。以勉功修。

靈輪真體本無方。默坐潛修守典常。肯把慧光藏內庫。元充渾化自輝煌。示都演都漸也。二子篤道之心。堪稱圓滿。特各加妙靈六度。以充正息。

心通真宰識貞元。變理乾坤造化門。極樂真常空色相。禎祥慧定自回根。示道尚道闊也。南磔冠疑同參之。四子篤道之進境。頗爲相合。茲賜一文。以資研究。特各加清靈四度。以增靈光。

何憶前生演杏壇。飛昇贊化練心觀。杏園春煖和風佈。濟世全憑金石丸。示敦復也。修從正軌。以證圓覺。真妄一失。徒費工夫。詳參是旨。以悟正道。特加慧靈四度。以充正氣。

腦宗性海髓如山。氣水充於絳府間。光定丹完空寂靜。堪從妙裏識玄關。示冠厚也。都潛同參。知之。二子各加圓靈四度。以益修功。

茲以時間所限。老人不克一一指示。凡屬未賜諸方。務須靜坐靜修。以圖自成。一體各加天靈二度。以壯形色。知之。

甲申年正月十八日統科

慧聖訓 徧覽秦淮舊日春。閒遊樂得歲華新。江山不改千秋色。風月猶存六代真。花雨壇中思往事。鸞峯寺裏憶前因。披雲俯視烟深處。惟見白門染暮塵。

適出玄天。來自神府。週遊六虛。經無何妙有之仙鄉。雲履塵寰。沐清空澄澈之東風。慧光乍開。金闕四闢。空靈澈照。炫耀八荒。當茲楓宸啓泰。律轉青陽。春光映彩。綠滿山河。重遊故地。憑覽東吳勝蹟。再履石頭。遙觀白水東流。因識鍾山蒼翠。始悉春被江南。蓋春王正月。厥爲歲首。考之古禮。孟春之月。日在營室。昏臨參位。且居尾中。斗柄復寅。萬象更新。故先王每逢立春之日。必率百揆。迎青帝於東郊。實緣先賢聖王。範圍天地。曲成萬物。體自然之撰。察神明之德。通天理而制時令。知氣象以訂典議。若尊太皞以爲木德之君。奉勾芒以爲木官之臣。卽祭祀天德。以敬天命也。如運璿璣於七政。秉玉衡於三階。乃統攝國鈞。以揚天道也。若丙午啓開田之兆。東風來望杏之歌。卽教民稼穡。以順天時也。如入學以習舞。守典以奉法。乃敷化禮樂。以昭天象也。是知華夏古典之傳授。均以天道之演化爲主樞。原夫春之天時。理乎生機。春之天命。充乎和氣。天道清虛。爲生機之本源。天象空寂。爲太和之真境。是以聖王因天時而啓教化。因天理而述憲章。化民成俗。與民同樂。基此而開萬禩之太平也。證諸吾道之導化。亦均以春爲前提。溯自辛酉立春。始創道院。卽順乎天時之生機。以資展吾道。而爲普及萬邦之本源也。論及天命之攸關。則吾道合五統六。一胞建極。中和位育。允符天德。是故道統之推展。乃吾道之責任也。論及天象之昭彰。則吾道以平默之修功。定其氣海。光天盈懷。真華自永。以虛合體。闡示人天合一之真詮也。論及天道之運復。則吾道以三才妙化。通於乾坤之德。以一點靈犀。貫乎日月之光。體道不遺。誠感相通。是以天道之序。卽爲誠之始也。天道之秩。卽爲誠之末也。一始一末。塑梳關定。體用自合。此證三息十動之功候也。是故吾道之闡化。均可從春光顯示之。生

生化化。措措吐吐。悟天道。敬天命。識天象。察天理。則真機貫通。天心入靈。人心圓湛。心心相印。斯合道旨。故諸方當此瑤光初至。泰運始開。務須立不易方。體天德之敦厚。不惡而嚴。悟太虛之包容。無滯之機。機通天象。無感之心。心胞圓化。是在諸方勤坐勤修。堅誦堅參。斯可臻此妙境也。

主院道慈兩務。今歲進行之方策。均須遵守妙山會議之四大原則。此各掌監所當祇遵者也。今歲壇期。因導化之推展。故主院定期壇。亦略加更正。同時卦鎮寧三院。與京主俱有不可分離之連屬關係。是以關乎此三院之導化。更須有定期之啓示也。

師命自卯月起。凡朔望之主統。仍援例於該日申正後六度請乩知之。凡雙月之上弦日。爲女社統科知之。三九月上弦日。及後一日。爲卦院壇期。傳知此囑。五冬月之上弦日。及後一日。爲鎮院壇期。傳知此囑。凡二五八冬之下弦日。爲道德社壇知之。三九之下弦日。爲主院研道壇知之。研道壇內附文壇。專研道旨。不判院務記遵。四月之下弦日。爲甯院壇期。傳知此囑。女社壇及道德社研道壇。均於申初請乩知之。至於卦鎮寧三院壇期。俟機至。隨時導化知遵。

人日證功時。各掌監均指身心氣命四功。各職修均指心身二功。是日氣象圓滿。靈光凝結。自克弭一方之劫運也。知之。

甲申年二月初一日統科

濟佛訓 澄湖山色白雲連。又到江南二月天。西浦近添三尺水。長堤遠接一畦烟。幾行紫燕鳴春曲。百轉蒼鶯繞洞泉。北閣光芒垂萬丈。金星映影滿前川。

大好時光。春味方濃。適值一歲之首。更逢履郊之勝。老衲清遊漫盪。不勝快然。試問壇前諸子。當此豔陽之天。作何感耶。然諸方久經世故。對時光之變移。或視之以近乎平常。須知平常淡念。乃人情恒有者。苟超乎象外。不受陰陽氣質所囿。則天時之美感。自克內合於性光之所照。天之空寂澄清。卽性靈真海之圓湛妙定也。是以修人務須靜以培其中宮。定以養其性光。安以充其圓靈。慮以復其良知。而後則安然自得。始允符潛修之道。既合於道。故文思安仁。欽德敦厚。見素抱樸。以合天心。斯爲潛修

得得。得其與矣。玄關所通。真旨自知。是以諸方祇要體悟大學之修功。於知其所止。則修功養候。均克有精微之進境也。不然。失乎安止之道。其事物之進行。莫不爲邪祟鬼魔。乘機而動。惑搖爾智。味塞爾心。心智一離本位。於是真旨難於澈悟。玄關難於貫通。是故諸方對於平常之細務。舉凡行動坐臥。均宜靜觀自得。體察天樂。與時協行。如是而修。方克得上乘之修域也。

主院今歲道慈之進展。吾

師早已有四大原則之判示。其推展東南道務一目。實寓重大化機。是故今歲對主院壇期之類別。加以調整。同時對主院直屬之鎮寧卦三院。亦有定期敷化之判示。此所以推展東南道化。當先從京鎮道區。開其端也。其調學院會之組織。卽爲整理主院。自復興以來。所有內務之人選。財務庶務等科目之檢討也。是故對此一目。吾

師爲加強值日掌監室之職權。故舉凡院會之一切事項。以及學校診所。莫不統屬該室直接管理。是以該室之職權既定。而後卽命各值日掌監負此調整之責任也。

主院之財政。自復聽後。吾師卽寄大命於冠楨。而楨掌自負此責後。頗能孜孜於該項業務。可謂勞已。其功效之卓彰。乃各方所共知。惟至客春。因慈業之進展。乃應機更派道膺。佐楨掌辦理。一載以還。亦頗有成效。實緣二掌監。不負

師命。始奏此美果也。茲者。將儲計股之組織。略加強化。師命加派明源爲儲計股副主任。以佐楨膺。同理財務。並派冠鑿黎微。負監督之責。庶乎各值日掌監均有指導之任也。知遵。

甲申年二月十五日統科

尙真人訓 憶昔天台臥草亭。丹爐焚起篆烟馨。瑤光直貫長虹日。劍氣橫穿太乙星。崖下晴絲颺落網。溪邊春水逐浮萍。而今紹化金陵院。又覽江南柳色青。

彼夫舜也孳孳。跖也孳孳。何別何殊。善惡別殊。蓋善之美德。義成之也。惡之陋行。利爲之也。集義而行。浩氣充揚。慧光開朗。自順烝輪直運而進。爭利而爲私欲填胸。性靈昧蔽。自阻水輪。而障生機。

。故曰善惡分途。人神界輪。佛鬼仙邪之判分。均在悉解之中。原夫人性本善。秉天賦之懿德。樹彝倫之典常。觀於帝舜睿哲文明。合乎率性之道。溫恭克讓。適於至誠之幾。以致重華協帝。玄德升聞。是以知善以淑身。義以化世。乃聖功王道之真傳也。若夫人爲不善。乃性爲習遷。不葆赤子之天心。而染貪利之污欲。查於盜跖。弗敬上天。乃不知天命。毒痛四海。乃不達人倫。天人所棄。焉得不敗。故遺臭千古。而終爲後世所責難也。是知義之與利。相差幾希。心光澈照。卽爲義之所充。性靈味塞。卽爲利之所障。然欲去私存誠。則當崇於義。苟欲復見天心。則當去其利。崇義去利。卽爲修人成善屏惡之關鍵。蓋義氣一日不居中宮。則利心必乘機而入。其利心一刻不能去懷。則義氣自無從而返。故諸方修道。所當識得之門徑。厥爲義與利之取捨耳。然存義去利之涵養。其進境不外四大法門。一曰窮理以識天命。二曰盡性以澈薪傳。三曰致廣大而盡精微。四曰極高明而道中庸。天命之至理。賴乎精微之演述。薪傳之真詮。賴於中庸之善行。惟精惟一。微妙玄通。斯爲天命之本原。中和位育。庸行敦化。斯爲薪傳之主旨。故諸方悟得此四大法門。相緣之真諦。則對於悉解之放瀾。善悟則善。惡悟則惡。其善者卽敦仁克己之修功。其惡者卽存私自利之邪念。苟諸方從善而悟。不昧初衷。不惑圓靈。不搖善志。不塞性光者。方可返回坤室之化胎。復其中真之恬定。心胸開悟之機。通於天象。內府澈悟之樞。合於天範。天機流露顯乎善。天範照彰明乎義。善性克明。義氣自充。修人之天職。庶乎盡矣。諸方精參。以圖自進可耳。

青木值年。白金主運。木被金剋。金伐木榮。此乃以劫剋數之氣象。今歲甲申。適逢此運。故救濟事業。尚須由各掌監體運會之轉移。加以先事準備可也。各方共遵。

妙山會議屬於慈之方策。厥爲恤老及學校二事。恤老之展擴慈渡。吾

師以清靈默察。諸方頗有勇進功行者。故頻加清光。開迪各修子之心靈。以冀自渡渡他。兩成其美也。該項慈業。在黎掌之策謀運樞中。頗克將慈渡之義舉。擴充於社會。至於施放手續捷便。貧人可蒙其實惠。是爲真功行。是爲真慈渡。是以吾師提爾等先靈。非無由也。各掌監此後更當遵此原則。以維會譽。知之。

學校之基金。雖爲數不多。但儉樸以用。尙無大困難。故各掌監亦須先議定推展擴大之方策。以勵慈行。知遵。

母壇行儀。定爲四立之日行之。含光亭則當于二至二分行之。行禮之機會雖少。但修人對此二項最高神壇之所在。必更生敬仰之誠意也。

朔望院中常儀禮。各方精誠參與。殊堪嘉尙。以後每次來參與者。均默加健靈。以獎誠念。各方共遵。

甲申年二月二十一日特統

濟佛訓 一夢黃梁幾渡秋。前情轉瞬付東流。何如痛飲杯中物。與酒同銷萬古愁。

哈哈。夜靜之刻。人靈團聚。誠盛舉也。老衲以靈光相晤對。不勝快慰。溯自吾道導修以來。倏忽兩紀。客歲辰光閣盛典。乃結束兩週道慈之化機。今歲值三紀之始。是故道化之開展。將有新化機焉。最顯著者。其一自卯朔始。母院值年值季之統掌。其人選均羅致各院之中堅份子。故同圓大化之機。爲期至矣。其二全國總救濟隊之結合。諸方於母總之訓。已參之矣。此舉乃和衷共濟之先聲也。其三爲纂職集中合靈。於默化之道功。將有靈靈相感。光光相網之真機。敷化於乩壇焉。故事之開展。莫不因機顯示。諸方可善體運會之化機。自克悟澈道慈之紹化宏法焉。諸方勉參。哈哈。是囑。

甲申年二月二十三日道德社統科

康聖訓 靈結壇前善氣揚。清烟一炷達穹蒼。祥雲映彩輝金闕。慧日浮光耀玉章。鍊錄修丹通造化。步罡履斗宰陰陽。神龍雖駕青牛去。留得函關紫氣香。

天無適莫。常傳賢者。乃天授人智之至道。履斗瑤光。執衡定紀。爲人承天命之仁德。從無生有。生天生地。道也。由有化無。成已成物。德也。蓋道以蘊德。德以顯道。然道之爲名。視之而不得見。聽之而不得聞。搏之而不可着。用之而不可捉。曰夷曰希。是虛是無。既云無見。從人心之妙觀。可知其形。既云無聞。從人心之默悟。可通其音。惚兮恍兮。其中有精。杳兮冥兮。其中有象。精乃水輪之眞光。

。象乃靈輪之真體。道之涵寓。充乎六合。達於九霄。藏乎內府。納於一壺。大之小之。無所不寓。放之收之。無所不入。是以道爲通天下萬變之正路。並爲證天下殊途之典型。是知天道所以運行不殆者。非無由也。然天道之授與。無適無莫。常傳賢者。蓋善人賢者。修行立德。存乎仁心。充乎義氣。仁氣證真。天德圓化。德以培道。天機始合。故善良賢士。每以存德立道爲修行之正軌。是以通於玄學妙論。窮乎道德精義。縱觀玄教之真理。有謂履斗執衡之妙功。須知此功。乃修德之初基。純爲內心涵養之道功。而非外求陰陽氤氳之氣。以爲鍊丹食氣之說也。原夫心斗。乃人身之極。天以北斗爲宗。而人則端賴心斗之妙運。證諸真經箋語。有謂心斗者。乃週而復指之真諦。心斗建中。則心音不昧。心光不散。心靈不渙。心性不着。故心斗之光輝。可遙通罡星之運化。心斗之真精。可連東青西白之化樞。是知修道之旨。全在內求。苟克返身而誠。俯拾卽是。若能恭行克己。朝暮卽得。所謂執柯伐柯。其則不遠。苟欲求仁。仁斯至矣。故諸方研求玄篇。均須以內功爲主體。所求之丹非天地間別有丹也。所鍊之錄。非宇宙內別有錄也。其丹之修煉。卽諸方坐得定靜。丹圃仁沖。則爲內修之丹。其錄之修得。卽諸方坐於平默。田疆果抱。則爲鍊德之錄。其他步罡。卽良其背。守於黑潭也。履斗卽內觀。不昧心斗之圓智也。諸方明此玄突。從動心靜坐中。體驗其成效可耳。

東南道德分社。成立已逾周歲。道化之機已伏。道展之策已樹。異日之開朗。定可因運會而呈祥兆也。各長監善自培植該社之初步元氣可也。

本社今年道化。當以參經、研訓、研道三項爲目標。其參經研訓。可以自修自勵。惟演道一項。則須諸方共圓此舉。

師命最好每季當由各長監。召集同修。演道一次。以闡道旨。可以普及修者之心中。苟克多加演道之機會。則更佳已。各長監記遵。

甲申年三月初一日統科

昌佐神訓 昔日白門柳。凌空接碧霄。清陰波上拂。翠影浪中搖。虹駕青山路。雲飛綠水橋。荒祠朝拜

斗。幽谷夜聞簫。松下談千古。溪邊話六朝。風光三月勝。又見酒旗飄。

哈哈聊成五韻。以敘感懷。原夫禮義廉恥。乃所以維繫人心者也。法制紀綱。乃所以範圍人心者也。前者重於內修之涵養。後者重於外行之軌範。內修外行。均主於心。蓋心通天理。守自然之節文。即達於禮。心充浩氣。順天命之委蛇。即知乎義。故禮義爲闡示人倫彝德之本原也。然心存良知。不惑事理。乃廉之操守。心胞之化。不昧性光。乃知恥之道。故廉恥爲匡正人範典常之真詮也。是知上元紀始。民智圓慧。通達天理。悟澈天命。持守善念。存性識真。以致天心所化。人心感通。天人之間。無分無別。三代以上之教化。即內修天道之治也。迨夫後世。因事理之奪志。良知之昧蔽。天人不通。人心乃失常態。是故先聖導化。乃以先覺之秉賦。闡天理。明天命。而訂紀綱。法天象。察天道。而立法制。紀綱以樹仁德之仁義。法制以範倫常之懿行。是知先聖之導化。均從天理以制人道也。蓋內修之涵養。注重於自修自勵。外行之軌範。則須顧全公益之道德。內外之鍊達。實爲吾道敷化之源。關於內修者。吾道之坐。已示其真宰。而外行者。即吾道之慈。已括其原委。故諸方對於修功之涵養。均須從此兩大原則爲門徑。修於坐者。心不外放。氣平聲定。自悟禮義之仁德。烝守光回。自知廉恥之界輪。此內功之修候也。關於慈之廣被。胞與爲懷。即克樹紀綱之仁德。當仁不讓。即可昭法象之宏張。是以諸方只須洞澈內外之修。相緣展化。始克得圓湛之妙果也。各方入修有年。其先覺者。乃道修之前進。是故其修功。當從心所欲。不失絜矩之道。體乎慎獨之功。誠於定靜。其始也。可悟澈禮義之仁德。其終也。可通達廉恥之善道。誠之終始。大化所幸。天人貫通。端賴乎此。而坐不昧性光。行不背事理。篤天道。法天德。守王制。明典常。昭紀綱。凡屬天人之至道。莫不賴爾衆修。發揚光大。以挽世道於將亡。以復道德於已淪也。各方可善自參悟。從內修外行中。以體驗天德之教化也可。

道闕道閑。堅誠自勵。勇於慈渡。殊堪嘉尚。苟非具大緣夙慧。不克有此圓智也。

師命二子均晉爲責任院監。加天錄二級。以獎真誠。知之。

江心洲設院。屢次延期。有誤道機。此誠人靈渙散。不能團結之故。負此責者。實難辭其咎。師命該洲設院。須再有堅誠篤道者。共資展化。方克成立。此後開院之期。無限延長。所領之經。歸主院如數

照領。知之。

甲申年四月初一日統科

默真人訓 雲旗采仗出丹林。高閣登臨論古今。石燕飛翔形澹澹。金龍騰躍影沈沈。洲中烟鎖松間鶴。檻外風敲月下琴。識破紅塵原幻夢。樂歸山水聽清音。

運會輪轉。從下元而生上元。由下末而返上始。終始週流。永無停息。然每當運會貞元交替之際。事必有崇。物必有魔。此乃自然之過程也。溯自庚申傳經設教。以奠定初基魔崇之紛爭。屢見不鮮。幸賴彼時恭侍經壇之修者。平定自處。靜默自居。不惑乃心。不昧其性。故魔崇之紛擾。不足以動各修之誠念。魔崇之侵害。不足以攻各修之操守。故靈光圓滿。衆邪均趨歸於無形也。迨至一紀之終。二紀之始。是爲吾道敷化之第一度轉關。彼時幸有立道大會之合靈。集南北之堅誠修者。齊集一堂。共參齊魯之道範。同沐陸渥之眞光。既得燕雲之靈化。兼逢荆楚之人傑。一時之盛。乃奠定十二年之道基。迄於今歲。更逢二季之終。恰爲三紀之始。終始交迭。斯爲吾道第二度之轉關。當此之際。魔崇之紛擾。雖云理數所在。實亦人靈不聚。有以致之然也。是故魔崇蠱惑於中。則修者之心性。均昧昧而不悟。則心之所通。不合於天理。性光所照。有失於絜矩之道。天理不明。絜矩不循。其儀範典常。自然各是其是。而非人之非。是非之理論一分。則系統綱則。亦將有是非之議論已。既有是非之論。魔崇之擾惑。更有助長紛爭之原由。故當斯之際。道慈之進展。均因人事執於是非之理論。阻其發展。障其進行。諸方雖有弘法紹化之堅志。但運會所關。雖進亦止。竟難展諸方之善衷。是以吾師默轉妙靈。以資展運會之進化。趨於平默。故特告爾諸修均宜以謙恭自持。謙於己則心虛。恭於人則志定。心虛乃通天理。志定乃明典常。天理卽道之主旨。典常卽道之儀則。明於道體。通達道用。自克識是非之正路。何別何殊。只有一道。道之正軌。卽修者共經之途徑也。諸方悟此謙恭之美德。實乃聖功之眞旨。允恭克讓。帝堯之德始顯。溫恭允塞。帝舜之德斯卓。是以聖賢之修身。均以是爲主旨。觀於孔聖溫良恭儉讓。卽祖述聖德。加以發揚光大。蓋謙尊而光。爲德之柄。執柄遙光。心靈自通。心光

開悟。性靈澈照。不昧一是。不執一見。道之正軌。卽修者共遵之眞徑。事只一理。毫無假貸。無所謂非。無所謂是。只須從心所欲。自不踰矩。合乎正義。斯爲道。守乎仁愛。斯爲德。道德爲宗。修有正軌。而後同圓一胞之化。始克奏其功效也。諸方共參斯旨。自可促進轉關之化機。得以順利進展。不爲魔擾。不爲崇亂。則道化前途。尙有開朗之機。卽將現於此際也。各方同悟是囑。

救濟隊之復興。已於母總之師訓。見之矣。京鎮甯卦。可組織一聯隊。以作將來救濟之準備。師命各掌監可善爲籌劃知之。

甲申年四月十五日統科

關聖訓 尊王素志在春秋。義氣冲霄貫斗牛。千里江陵爲砥柱。巫山水剩吞吳恨。赤壁烟餘滅魏愁。一片精忠昭旭日。耿光千載照神州。

氣之顯化。厥爲化樞。凝塞天地。彌漫六合。此一氣也。充於人身。納萬萬物。亦此一氣也。蓋氣之與氣所別者。僅氣質之清濁而已。清濁未剖。黃判玄分。人生於此。物長於斯。生之長之。貫乎一系。是以人物之生長。成於天者謂之命。賦於物者謂之性。命乃烝輪之本。性乃水輪之光。烝水交融。烝化乃生。然烝之本體。無影無形。無象無晶。至大至剛。至微至柔。不囿於圓規。不範於方矩。大之徵之。伸縮自如。剛焉柔焉。形骸自若。圓流不殆。變化莫測。忽然而合。眴然而分。倏然而展。杳然而息。試觀天象。卽識其空。風雲捲舒。卽氣運之也。雷霆震驚。卽氣盪之也。山嶽之雄峙。乃氣定之也。川流之潺湲。乃氣動之也。天象之顯化如是。而人文之交迭亦然。舉凡世道之隆替。聖教之晦明。莫不以氣化之清濁而爲轉移。若倫常攸敝。熙皞堂皇。乃氣清之兆。典則淪亡。眞傳已泯。乃氣濁之象也。觀於三代以上之際。氣化清充。故世人之良知。不昧性圓。允合中道。惟三代以降。其氣化由清趨濁。是以揖讓之風息。而征伐之局開。然彼際去古未遠。聖道尙在。故湯武之鼎革。尙不失正道。但自周室東遷。王綱不振。霸業日張。倫常之守失。典常之法絕。氣化之濁。至此爲極。然物極必反。濁必生清。

。乃自然之天理。是故自孔聖杏壇之教化一開。則天地之濁氣。遂因聖靈之光輝。化弭於無形已。然孔聖之教化。實緣春秋立義。亂臣賊子。始有所懼。麟經建極。忠孝節烈。遂有所崇。世風一變。氣亦清焉。是知一人之氣化所關。實爲天下家國之所系也。是以諸方修道。只須明聖功養氣之法。浩氣充揚。其心自正。義氣充塞。其意自誠。正心誠意。均爲內功之主樞。心意安定。氣化自清。一人之氣清。小而化一家之戾氣。大而平一方之濁氛。是故氣引氣化。乃修者對於修功所生之妙境也。今歲乃吾道之轉關。氣化之中。爲由濁返清之期。故終始交替。杳冥之中。而生混沌之象。既有此象。故於最近六庚之內。乃有爾等誦經之功行。蓋誦而集靈。其氣自清。清光上充。自消三界九宮之魔崇。清氣下澈。自弭八方四序之邪氛也。魔崇一寂。邪氛一定。則天地之清甯。多見熙熙耳。氣化轉清。道化之前途。自然坦平。而無坎陷之逆境也。諸方務須明。此氣化之原理。堅修堅坐。完成道化轉關之全功可也。救濟隊之成立。乃當今之要務。京鎮道區。自當相機組成一聯隊。與東南各區之聯隊。互相呼應。而京鎮聯隊。乃包括京鎮寧卦四分隊也。每隊須有隊員四人至八人。而隊員之選定。其(一)由堅誠之修子義務承當。其(二)由職修兼任。其(三)苟人數不足。再聘忠勇之士。任斯重職也。各院掌監。可依所示條例。加以任用可也。

師命派黎微爲聯隊隊長。兼京分隊隊長。派機極爲聯隊副隊長。兼鎮分隊隊長。派輔修爲卦分隊隊長。派世理爲甯分隊隊長。俟隊員足額時。再聽後訓一體成立。知之。

甯院自世原皈真。此時乃該院隆替之一大轉關也。

師命派桑淨阜龍阜合世理爲甯院值日院監。取法於主院。四人輪流。分日負責。以辦理道慈事項也。先期由主通知。四監於下弦日一體到院就職可也。

甲申年閏四月初一日統科

濟佛訓 歌風台下景荒涼。九里山前弔戰場。野老爭傳前代事。牧童拾得舊時槍。因思開國憑三傑。還欲斯人守四方。一自鼎湖龍去後。黃沙白霧任塵颺。

秦宮鹿失。猿蛇共逐。青猿夜嘯。楚室乃屋。金蛇飛舞。漢室斯昌。得失之蹟。僅供人之憑弔。興亡之迹。徒增人之感懷。故烏江之水。千秋永弔。歌風之台。百代常懷。老衲弭難於彭楚。化劫於剡海。靈遊故蹟。百感中來。試觀楚漢相爭。中原塗炭。六載混沌。轉瞬即定。九洲已被漢域。何用鴻溝爲界。神器已歸劉氏。焉用西楚之名。天道之演化。自有興亡之數。人事之紛擾。斯有輪界之分。神州自若。雖強分之。而終成一系。山河如昔。雖強割之。而終必如前。是以人事之界輪。乃強分之也。界輪一分。是非斯作。眞僞攸關。禍根伏矣。既明禍起之因。當思弭化之策。弭禍化劫。首在清除後天輪界之差別。所謂輪界之差別。一則因性光不味。靈充氣定。自識先天正充。此爲靈輪之眞覺也。一則因性爲欲惑。氣變奪炁。性渙命息。不識眞充之光。此爲味輪之魔祟也。故先天之正道。本爲靈輪之化樞。舉凡人物之化生。先天所賦予之智能。卽爲靈輪之軌範。惟人物落於後天。失其本旨。存其妄念。以致眞天外放。眞誠出表。炁不能戀素。素不克統於正。正充之炁一失。則尾氈坐樞不通。河車之路。亦不能順任督而上通下澈。眞機一阻。是爲陷入味輪之境。既入味輪。所見自狹。自是其是。自非人之非。所知既狹。自不能眞覺貫通。而識眞理焉。故凡人物。沈於味輪者。雖具人物之骸體。而實若入於鬼魔輪天也。當今之世。味輪阻化。人也物也。均味本性。故諸天仙佛。不憚煩勞。而降靈導修者。皆欲喚醒各迷惑之諸子。脫離味輪之魔天。而返歸靈輪之覺域。導修之策。卽訓示諸方。務須正其氣。息其影。浩氣充揚。心目自開。塵影一息。陽體自回。心目晶晶湛湛。則魚躍鸞飛。而得化機之開朗。陽體浩浩蕩蕩。則海闊天空。而合靈輪之樂境。是故諸方欲返回靈輪者。只須坐得其靜。靜靈澈照。無所非逍遙之天。無在非極樂之世也。諸方既入吾道。今生同證五千紀石門之前緣。故先進諸修。均須導率於前。以使同修之諸子。同脫味輪之魔天。而啓靈輪覺化之修域。早得被於華夏也。哈哈。諸方同識此後天之界輪。不入於味。而葆其靈。守於本真。既不入乎味。則修功之增益。自克與日俱增。良機莫誤。是在諸修子之自勵耳。

積鑿二掌。赴宗母總一行。與各地修子。聚靈一堂。開誠佈公。所獲者實多。對於此次宗總聯合一體。對峙母院之局勢。已洞澈其化機。此局面之演進。實緣負責各掌監。沾着於己見。強以後天界輪。而割

分道慈圓覺之元胞也。輪界既分。是非之理。亦因之而各趨極端已。哈哈。道運如此。莫可如何。只須六庚之混沌一過。清清之靈光。上冲天霄。以挽劫運。尙可有救益之可能也。二掌躬與斯會。主持公議。頗合中道。可謂爲東南之化機放一異彩。須知北方之道慈。雖一時未能貫通。惟東南道慈。無時無刻不蘊新化機者。此亦各掌監善體訓示之正道也。

母壇乃傳經之所在。敍修演道。均賴於是。含光亭爲建極之中樞。行慈展道。端賴於斯。故母壇與高亭。各爲體用。不可忽視爲一也。若濟之母壇與辰光閣。不能合認爲一體。總院之第四母壇與浩然亭。則爲二壇玷也以主院而論。第三母壇。乃鍾山川之靈秀。得星斗之映輝。爲經壇之主樞也。而含光亭。爲東南一方之總樞。前者纂籍適職未定。乃未詳示化機。茲者化機已開。第三母壇。自有後訓示其機。惟含光亭迄今未設沙盤。故吾

師雖親臨。僅暫假統壇導修者。乃權時之策。此後自夏至日起。

師命含光亭上之聖位前。亦安設沙盤。以備吾師親臨。而開高科。各掌監記遵。

甲申年閏四月十五日統科

尙真人訓 浪送蒲帆淡影來。黃塵消落彩雲開。憑今酌酒臨邱壘。弔古長歌憶霸才。舉首欲窮千里目。披襟更上一層台。而今飄蕩天涯客。怕見蒼烟鎖綠槐。

此時何時。此地何地。時之所值。乃終始交迭之期也。地之所在。乃龍蟠虎踞之區也。時逢天人共展之良期。地位鍾靈毓秀之聖域。故吾道之展化。賴良機之啓迪。得聖域之蘊寓。兩美兼備。宏法自易。是以當今之際。適爲道展江東之良機。京畿之邦。實爲道化寰宇之主樞。所謂良機。乃終始交替。得三輪化一之真諦。所謂主樞。爲地蘊靈秀。得天光射斗之真晶。時機運化。地利開張。相緣資美。道體斯定。烝輪之軌息。自合於度。水輪之真光。自充於內。烝水交融。元胞靜湛。烝不奪素。水不揚波。素統於正。心目自開。水順於脈。陽體卽回。心光澈照。陽體晶然。心靈寂定。陽體湛然。心胞充寓。陽體

煥然。心神安適。陽體默然。故心輪所宰。氣化所通。通於前陽。任督卽合。通於後坤。內府卽定。內外俱平。真體自立。故修者之涵養。首在心性之錘鍊。然心道之闡示。更賴聖道之隆替而轉移。道機昌隆。眞學自興。故修者得道範之導化。而易於成其功候也。但道基不通。異學爭鳴。故修者無所適從。以致難成其功候也。是以修者之功候。均以聖道爲歸樞。然聖道之開闔隆替。則因時而有存亡之異。因地而有盛衰之別。水運之生。卽道機開朗之時。靈秀所鍾。卽道體開化之區。溯自吾道展化以還。二十餘年。道之開展。莫不因時因地而有先後導修之差別。開導於前者。乃因時機地利。均順輪運。悉化之故也。成於後者。則緣時機地利。均順氣化輪轉之因也。悉以輪運。氣以輪轉。運於正軌。道乃先開。轉於後息。道乃後成。道之先進。道之後成。雖有先後之判分。惟宗於一胞。源乎一系則一也。各修諸子。務須悟澈道出一源。無畛無域。所劃之畛。強劃之也。所分之域。強分之也。然則後天輪界。每多因時機之先後。而有畛域之別。更多因地位之遠近。而有疆域之殊。須知此種畛界。此種疆域。均所以欲從後天之輪界。而奠定道本之根基。以收畛界自泯。疆域自消之真境也。各弟子識透此中妙旨。則道心自通。良機之開朗。道修自得。地利之宏張。時以迪爾性光。時以通爾靈光。光光相網。道位乎中矣。各方同參是囑。

智真雲航建業三掌。及華利由北南來。奉

聖命而爲道慈奔走。不避辛苦。不憚艱勞。熱誠堪嘉。篤志允欽。

師靈甚慰。特命各賜福酒一杯。以滌塵氛。壇後於正案前恭領可也。

服膺聖進。厥德日新。大圓鏡智。澈照性眞。智真悟之。道中之師。允稱修範。特加天靈八度。以充性光。知之。

凌霄直節。湛漾清光。瑞雲映彩。普照慈航。雲航悟之。堅誠自勵。足昭修式。特加清靈八度。以定性光。知之。

風來水面。月到天心。建中立極。功業堪欽。示建業也。宗總之豐功。津主之偉業。一人元貞。大化乃定。特加妙靈八度。以充眞光。知之。

功修自勵。慈駕天河。文章華國。位育中和。示華和也。篤志堅定。亦是雋才。特加健靈八度。以定心靈。知之。

真航業諸掌。可與京主各掌監。遵訓辦理道慈事業。以求南北之靈光。共圓一胞。至滬後。可與覺生乾妙和光等。東南各首領。善加研討。總宜道貫一脈。斯合正道。各掌南來之任務。庶乎因此功行。而更進一步之修功焉。各掌同遵。

夏至將近。一陰運復。道化之機。將有轉關。師命是日申初後四度。特開含光亭高科。吾師躬臨。將有重大化機。示爾等各掌監焉。開高科時。用六鎮儀。以昭隆重。其人選則京三甯二卦一。茲特指冠楨。黎微靜仁爲京院之代表。阜龍阜合爲甯院之代表。良修爲卦院之代表。其餘肅儀等職。由人事推定可也。知之。

總會駐京辦事處。應機復興。各監理經圓滿之議定。頗合中道。一切事務。率由舊章。足徵各監理善體聖訓。善悟化機焉。復興之期。以午朔甚恰。陰陽交迭。終始運復。吾道有斯處之更斯。自克奠定道基。而展慈績矣。各監理同參。

道慈基金之籌集。乃當前急務。奠道本賴於斯。展慈渡亦賴於此。二者並重。故師命以道慈二字冠於基金之上。有道有慈。不偏於一途。不重於一系。二者相緣並展。斯顯聖靈之宏庥焉。各掌監記遵。

甲申年閏四月二十三日研道壇

和光真人訓 靜坐窗前鼓瑟琴。欲從弦裏覓知音。近觀澗水流年月。遠看山雲變古今。萬狀奇花明似錦。一盤玉鏡亮如心。興來醉倒蒼崖上。洞府逍遙樂味深。

哈哈龍飛於天。變化莫測。龜潛於淵。神通莫辨。蓋神龍無欲。精神所格。自行於天。靈龜潛默。定靜所趨。自居於淵。龍龜顯化。俱宗天道。天道演化。首在於誠。誠而能靜。靜以生動。動而返息。歸乎靜矣。故人秉三才之菁。具尖披之妙。天性之善。靜爲主體。真知之妙。誠意所在。是以人之修鍊。不

外主靜。不離守誠。誠則無欲。無欲則虛。靜直動。靜通坤體。塑胎乃現。直貫乾陽。梳脈斯顯。塑以成於外。得乎靜已。梳以貫於中。得乎動已。故修人之功候。務宜明動靜之道。不偏於動。則無流走之失。不偏於靜。則無執守之害。靜以定心。誠之始也。動以回光。誠之終也。終始圓融。道體斯成。觀夫心傳之妙。中行之道。孔門之中。惟顏子獨得其姿。所謂仰高鑽堅。瞻之在前。忽焉在後。其高雖雲表不足以喻之。其堅雖渾金不足以喻之。瞻於前。見乎始也。復於後。見其終也。上下四維。均通於心。四合八荒。僉明於性。誠篤於道。心光乃開。顏氏之修功。乃克立天下之大道。闡宇宙之真機。巍然有成功。煥然有文章。克己成仁。屢空不二。斯合中行之論。蓋體用俱備。不失動靜之機也。歷觀後賢。潛修不仕。得於天樂。或參聖經以明道。或繪天象以適意。或鼓玉琴以寄情。或焚篆烟以頤真。此四者靜之真樂。體於衷矣。或臨流溪以觀濤。或登山麓以觀峯。就或清風以蕩志。或移竹影以適性。此四者動之天樂。尋於外矣。修功之進。不偏動靜。守乎中行。得乎天樂。誠之真味。始契於心。各方務須從一始一末。以悟圓通之果。從一動一靜。以體天樂之效。如是不偏不沾。方可得三度功夫已。各方細參知之。

或曰。研道壇之本意何在。蓋此壇專以闡述華夏之聖傳。而遠紹斯文爲主旨。其特標宗於研字者。則示爾衆修。凡欲貫澈道旨者。均須注重內心之研求。始克通其真諦焉。否則雖勤於坐誦。亦不過僅得心平氣定之化機。自難成動靜雙關之妙合。故研之一途。乃靜觀自得之研求也。古聖先賢。既本性天之開悟。法於天則研於天道。法於地則研於地利。研之爲義。所關甚重。各方同參可也。

甲申年五月初一日夏至節含光亭高科

老祖訓 乳泉泛白繞柴門。千古榴花染舊痕。松下僧吟經一卷。岩邊樵飲酒三樽。江濤夜嘯芙蓉國。烟樹朝薰薜荔村。仙島風光推五月。清遊無處不消魂。

哈哈。時逢建午。節近天中。瞻江城之梅落。睹靈谷之榴開。烟花夾斲芳蕊垂丹。雲樓水繞。笙樂飄揚。且看幾朵榴花。又開在紅羊劫後。試聽誰家玉笛。更吹起黃鶴高飛。懿歎懿歎。大千之內。處處均有。

桃源樂土。嘆俗子不自知耳。美哉美哉。塵寰之內。時時皆現明月光天。惜凡夫不自識耳。原夫桃源樂土。俯拾即是。不待外求。明月光天。躬行即得。不須外尋。既不外求。自當內求。既不外尋。自宜內尋。內求於心。內尋於心。苟心目具有桃源樂土。則真境得之於心矣。如心靈顯示明月光天。則天樂得之於心矣。聖賢工夫。首重內修。存仁行義。即內求於心也。素位而行。即內尋於心也。心傳聖學。肇端於斯。觀夫孔徒厄於陳蔡。荒山幽谷。豈是桃源。若姬徒囚於羑里。縲紲囹圄。豈是樂土。然二徒處之泰然。蓋心光寂定。不爲境遷。環境所困。不動乎衷。故孔徒雖身陷荒山幽谷。猶以爲居於桃源。且闡麟經。以尊王道。姬徒雖困於縲紲囹圄。猶以爲居於樂土。更演易理。以昭天象。聖者之心。豈常人所能盡知哉。推論諸賢。均通天樂。若總徒松風水月。以明性天。頤徒光風霽月。以照丹田。風穿松徑。萬籟寂定。月從水見。環姿玲瓏。總徒之性靈已通於天象。然劍光飛舞。急風勇馳。烟霞霽影。玉盤皎潔。頤徒之丹田。已超乎象外。所謂月到天心處。風來水面時。心光開朗。通乎天德。賢者之內心。亦非凡夫俗子可以識透者也。吾老人主宰洪鈞。主樞蘊育。對於萬類之生化。均賦以性光。皆賜予心靈。無形顯化。厥惟主樞。古昔聖賢。尙能悟澈內修之真境。故成賢成佛非無由也。降及近世。物質文明。着重有形。然無形者道也。有形者器也。器固乎象。化機乃障。試觀荒涼焦土。器所破壞者。燐火飛揚。亦器所破壞者。是知當今之世。所有宇宙之奇觀。已失真象。所有寰塵之珍藏。已被掘現。故欲從今世覓桃源樂土。無處覓也。欲從當代尋明月光天。無處尋也。既云無覓。既曰無尋。惟爾諸方。從內心覓之。尙可覓也。從內心尋之。尙可尋也。蓋心光澈照。有似雲空烟淨任鶯飛行。乃得乎逍遙之天矣。心靈圓湛。有如海闊淵深。任魚游盪。得乎極樂之世矣。心有逍遙之天。雖處荒涼焦土中。亦若居於桃源樂土。心有極樂之世。雖位燐火飛揚中。亦若見乎明月光天。咨爾衆修。既入吾門。參悟聖道。心光自開。服膺吾訓。心靈即澈。澈而能通。通以知悟。則真境通天象。天樂順自然。妙化之修。僉積厥躬矣。哈哈。各方共悟以圖精進可耳。

壇前各弟子或問於青玄老人曰。含光亭高科。何爲而開耶。蓋含光亭之建築。久歷年數。巍峨矗立。靈鎮一方。雖落成已久。終未開沙。實緣化機未開。不克建極一域。靈光不聚。未能昭範一區。證諸京主

道運之振蹶隆替。自知其然。時至前歲。午火當令。吾道南行。弘化之機。嘉兆已顯。迨及今年。三紀之始。道運轉關。化機開朗。絜輪之光。照於神洲。水輪之光。耀乎中土。真光含蘊。終始貫通。天人交感。乃啓堯天。以機而言。高科必須開也。况京市之鍾龍石虎。山川靈秀。南都之豪華典雅。人文薈萃。高亭位十聖域。高科開於勝地。自克奠定東南之最高壇玷。自能昭明江左之修儀道範。高科既開。修儀既昭。則主院之地位。即因之而奠定基礎。非若往昔之主院。不過僅具虛空之名義而已。昭明統系。遵守天道。依地而論。高科必須開也。機緣既合。聖地亦宜。神人合靈。豈偶然哉。老人此臨。靈化貫通。天人一體。氣象一新。亦佳兆也。咨爾諸方。同沐靈光。心靈之真華日永。命宮之後坤回光。真氣充體。各增天壽。真光盈懷。各益妙靈矣。各方記遵知之。

第三母壇。老人在母已判定立秋日開科。茲定每歲立春立秋二度合靈。以培壇靈。該壇之職。久未升定。俟開科將有新局面之判示也知之。

本亭高科。即定每歲夏至冬至開科。然此科乃東南各院之壇也。故最少須有三院掌監恭侍。咨爾京卦甯三院掌監。來侍高科。乃取義一生二。二生三。三生萬物。並奠定三界六輪之化樞焉。各掌監知遵。

京處（中華總會駐京辦事處）應機復與。南北之道慈。可貫通一息。茲者一陰運復。夏至已到。終始交迭。道運自因京處之樹立。而現新化機焉。各方知之。

甲申年五月十五日統科

默真人訓 樞府頒詔降玉函。此番應運下塵凡。樂經雲海飄蓮筏。愿借天風送錦帆。駕鶴週遊金谷域。乘鸞閒履石門巖。漫吟榴蕊芳苞色。也似春桃着赤衫。

憶昔五千紀前。兩儀未判。黃玄未分。混沌沌沌。昧昧唯唯。物無實質。人無實形。洪濛以上。物象未萌。太極以前。象兆無徵。彼時之際。是曰太易。太易生水。水數爲一。眞命已立。性形未定。是曰太初。太初生火。火數爲二。雖性已定。惟形未現。是曰太始。太始生木。木數爲三。雖形已定。惟質未顯。是曰太素。太素生金。金數爲四。雖質已顯。惟體未成。是曰太極。太極生土。土數爲五。眞體已

成。氣已貫通。故五行之運化。乃道化之本源。然所謂太易太始太初太素之真境。均爲無極之輪界。無極之真。充乎水光。水德生物。水兆滋彰。蓋無極生太極。太極生兩儀。兩儀既判。天地始定。人物乃生。是以無極之顯化。乃以真水生於前。太極之運化。乃以真土成於後。始以至終。乃運化之道。終以啓始。乃生剋之理也。運化生剋。厥惟主樞。故五行之位於天象。則有五星。列乎坤土。則爲五嶽。鍾於人身。則有五官五臟之分佈。他若五方定序。分其位也。四時成歲。演其化也。昔聖先賢。均通斯理。觀於天文。以察時變。故定五倫。以明紀綱。昭五常以樹庸行。辨五音以正人心。設五刑以齊操守。倫常之道。爲五行運化之美德。音刑之教。乃五行生剋之妙理。聖道既昭。熙皞皇堂。於是乃有化成天下之治世焉。然修功之涵鍊。亦均賴五行爲主樞。若修鉛鍊汞。履罡步斗。皆循五行之原則。而運化不息。生尅不已也。實緣鉛爲木德之元神。汞爲金德之真宰。金木相合。卽鉛汞相投。故真宮恬定之實境。乃克得之於身焉。而天罡得離鷄之德。北斗應坎虎之主樞。離爲火精。坎爲水精。水火相濟。坎離相媾。虛室生白之實功。乃積於厥躬也。但真宮虛室。乃土德之正位。土德既定。真誠自在。性天不昧。光華日永。修功養候。乃合化機。諸修欲得此真功。須坐於定靜。客氣不浮。性田自定。苟坐之一途。不克正誠以主靜。則客火奪主。真水不制。命宮俱灰。又何以葆其真命也哉。各方可不善悟此真諦。以得中真之涵鍊也哉。諸修返身自悟。從心求之。自得真樂已。

京處開辦。事項就緒後。卽當報總。以資聯繫南北道化之關鍵也。知之。

二十餘年來之壇訓。均以演道爲主樞。訓文以前。冠以壇詩。乃神佛聖功之見解。故清超有趣。修人悟之。可識天機之化律也。訓文之後。所判事項。均屬行慈勵道之判示。各修當平心靜氣。順真理而參之。且勿誤於強悟。有滯道機。苟以曲解爲能事。則真旨既失。謬論亦因之而生已。各修當一體記遵神聖降壇之主旨。自不致招來外魔之盪惑也。各方一體知遵。

甲申年五月二十三日道德社統科

康聖訓 聞道林泉足嘯歌。溪邊經舍彩雲過。早知江左才華盛。久慕南中典雅多。寄意詩篇忘歲月。閑

情山水樂清波。心通天籟禪機定。自有妙蓮結性河。

哈哈昔日庖羲氏之王天下也。仰觀于天。俯察于地。貫通天地。易理斯彰。然仰觀乎天。何所觀也。俯察乎地。何所察也。蓋所觀者。不外乎日月星辰。所察者。不出乎山川陵谷。此數者。舉凡有目者。均可知之。人皆可觀。人皆可察。但常人之觀察。僅識品物之形象而已。惟聖者之觀察。則以默識天文爲主旨。以貫通地理爲目的。所謂天文。卽日月晦明之迭運。星光射斗之天象。所云地理。卽山陵之起伏。川谷之貫注。從天文之一往一來。可通運復之機。從地理之一上一下。可明尊卑之道。故聖賢之導化。均本天文地理之真象。以爲倫常庸行之主樞也。是以古昔之教育。注重天文之研討。以知物有終始也。更垂訓地理之研求。以悟事有本末也。終始本末。繫諸一元。元胞所化。乃正充之氣。氣之清者。蒼蒼者天。氣之濁者。渾渾者地。天象若洞洞乾元日月體姿。皎潔清真。而地形若攸攸坤土。山陵渾厚。實質巍峨。天空之象。太虛之眞境也。大地之形。寰域之輪界也。欲通天文。只須心通太虛之妙境。欲知地理。更須心涵六合之眞象。太空之天文。以心通之。坤土之地理。以心貫之。通貫于心。則天光盈懷。心中卽有天文。性海圓融。心中卽寓地理。故不出戶牖而可通天下事也。是知古代之教育。首重心學。觀于八歲入小學。洒掃以習禮。應對以知德。心守乎規矩。行合乎方圓。是以禮義道德。從日用尋常之中。可窺其真諦也。迨夫年十五而入大學。誠意以知善。正心以明德。心通天文。性識地理。天地之演化。從學者之心性中。卽可識其三昧焉。古昔教育。大類於是。降乎近世。心學淪亡。崇尚物質文明。然所謂之文明。亦不過斷傷天地之精靈。僅供人以相尅相化之演進而已。是故劫運之瀰於六合。眞學之絕跡現代。非無由也。但自吾道設立。爰有道德社之組織。欲闡示心學之眞傳。以冀道有正軌。學有正途也。各方細悟往昔之訓示。自知其然。茲更闡導心學之源流。以爲諸方參悟道統之眞詮。各方其并勉參。道德社文會組主任一席。自道霖赴蚌。虛懸數月已。師命特派涵六兼充。知之。

甲申年六月二十日立秋節第三母壇

老祖訓 幾番秋信到江南。雲水溪光曉鏡涵。一笠曇花堆錦樹。半竿烟雨落澄潭。酒旂飄舞千山外。古

剝鐘聞五丈菴。野叟松林無別事。漫將風月作清談。

粵稽五千紀前。黃玄未分。兩儀未判。一炁元中。一份水精而已。吾老人悉解萬彌。靈披二奧。默轉天盤。蒼蒼天成。靜運地盤。渾渾地平。天地定位。五方成野。氣靈所鍾。萬物化生。洪濛既判。桑田始顯。憶昔吾老人率阿闍黎祖百廿徒衆。初履神洲。遍遊中土。靈光所照。萬象生輝。當夫水運默轉之期。乃證坐於虵蛇山麓。一時水光雲繞。祥虹注地。山巒翠蔚。萬籟鏗鏘。青牛龍馬。侍於左側。白鶴神龜。位於右方。引心入靈。返窈回光。心靈達於四表。性光澈乎八荒。千度坐畢。平摩祖師。更恭敬持禮。再三稽首而問於青玄老人曰。神州甫闢。蒼蒼芸芸。演化不已。吾真道將何以傳之。老人曰。咨爾衆徒。俱安各位。聽吾教言。蓋神州之地。乃華夏之邦。位列天中。蘊育土德。崑崙鍾靈。遙接妙山之巔。江流毓秀。遠貫烝海之源。人生其間。得天獨厚。天智聰睿。聖賢輩出。仁君導化。創爲禮義之鄉。聖王治世。造成道德之國。於是老人乃命天冊童子。昇天圖于龍馬。授天書于神龜。昇天籙于青牛。授天丹于白鶴。並招四物同來青蓮席上。碧柳壇前。而告之曰。維爾四靈。從吾多年。修養有素。堪稱中行。茲派爾等留居中土。善護天冊。俟三百六十紀後。水輪重光。天開子運。吾道演化於人間。當自彼時開始。以後萬禩永存。千秋長在者。均賴此時之導化也。時至之際。當獻圖書于伏羲上人。以開儒宗之本源。更授冊籙於廣成眞子。以啓道教之源流。俟諸功成。再證仙果。四物稽首遵命去矣。說法至是。平摩祖師等。心光開悟。始明眞機。是知自華夏立國之初。吾老人雖未臨壇傳經。設教導修。但易圖洛書。吾之眞道也。眞丹寶籙。予之所傳也。吾老人之教化充乎人世。載諸玉冊者。亦達五千年矣。惟後世之修者。限于門戶之成見。關而自闔。吾道之眞旨。反味而不彰。是以乃有此度重授石門經旨再述虵蛇之眞傳。以冀進統得傳。衆生得渡。此吾老人渡世降塵之微意也夫。爰述前緣。以爲諸方共遵耳。壇前各子。一體同參。

考諸傳經壇。其演述道旨。以濟南母壇爲最先。其次者。則爲第三母壇耳。同憶癸亥年。傳授午集正經之次第。由濟而甯。由甯而燕。自知其然。惟侍經壇之弟子。大多販來。撫今憶昔。不無滄桑之感。然母壇之職。因人事之變遷。屢次更迭。于主院復興後。曾經一度調整。其亦不過過渡時期。終未能定厥

適職。故吾老人。乃本健全壇職之原則。而加以判定。以利道基焉。母壇壇掌。仍以允稱靈光魯殿。碩果僅存之道開。領此重任知之。

母壇壇監。則以精通玄微。解識過人之冠蓋。膺此大命知之。

派屢膺天寵。堪成大器之冠楨。求喜若渴。衆流仰鏡之黎微。內圓外方。剛柔互用之良修。夙慧深厚。允持中道之慧斌。爲母壇責任壇掌知之。

派樸厚誠篤。樂善好仁之靜仁。定慧圓通。丹心澈照之明源。心清似水。性照如天之遠航。篤行仁義。心胞圓化之世筠。爲母壇責任壇監知之。

派慈勳昭乎江左。道範冠於南中之覺生。和光。乾妙。重光。及弘法遍于東南。紹化譽載三江之篤慈。靈慈。靈玉。悟修等。爲母壇維護壇掌。以培壇靈知之。

派篤道自勵。久譽甯院干城之桑淨。阜龍。阜合。世理。及廣行慈業允頌鎮院中堅之元恕。機極。與一門篤道。同沐聖化之輔修。福蓬。均爲母壇維護壇監知之。

加派獨具經綸高才。心通仁愛玄德之道膺。道閑。道闕。道祥。爲母壇壇助。以固壇基知之。

加派參經不倦。坐得其交之文青。與老成持重。年高德劭之六也。同爲肅儀。以昭壇儀知之。

甲申年八月十五日統科

孚聖訓。佳節中秋此日過。一年明月今宵多。良辰樂履珊瑚境。美景頻棲桂樹柯。偶駕桴槎臨漢水。閒登鸞鶴渡星河。試聽玉漏銀盤夜。誰唱人間水調歌。

赤樞早退。幾到瓜期。白帝來臨。又逢桂月。瓊樓千丈。塔生八莫呈瑞。銀漢三秋。桂花一葉清陰。此秋成之象也。蓋春華之豔麗。倏然而變秋實之成果。生化生殺。天之至理。然天地之清平。不因生殺。而失其舊觀。乾坤之真炁。不因生殺。而易其姿態。故天地清平。乃自然之變化。乾坤真氣。爲輪息之主樞。炁化交流。自然有開有闔。輪息相關。自然有呼有吸。開也呼也。天根通其體。闔也吸也。玄

窳定其基。天根之顯現。從天象可仰觀。玄窳之所化。從地利可俯察。古聖先賢。所以通天澈地者。卽識得天根之所在。卽默契玄窳之所化。是以從天根演述禮義之教。從玄窳闡示功績之德。若帝堯之峻德。帝舜之玄德。卽禮義之真精神。如夏禹之九洲分野。商湯之鼎革維新。卽功績之事業。是知修於心者。則爲禮義。成於身者則爲事功。聖賢之涵養。豈偶然哉。各修之坐靜其心。卽克己復禮。涵仁存義之主旨。而慈以普渡。卽揚善成德。培其功業。內以靜功。悟先聖禮義之精神。外以善行效昔賢丕顯之事功。道慈之修養。實爲闡揚天道之工夫。遠紹聖功之真道。各方精參是旨。自克以禮義精神充其直養。而發揚光大。以促進事功之美績也。諸修願此而進。則道展六合。慈備四表者。爲期不遠矣。各方旣負展化之使命。可不善體於斯。以圖勉進哉。

醞釀已達半歲之京鎮救濟隊。終已宣告草創。雖規模粗具。但救濟之重任。有所攸賴矣。師命於該隊成立伊始。當有京鎮區振救監理支部之設立。以資監督。策劃整進財務之重責。有所依賴也。

師命派和光。道開。冠楨。冠鑿。黎徽。靜仁。明源。遠航。道膺。雲程。元恕。機極。法清。元世。運著。弘育。機研。元萃。桑淨。阜龍。阜合。世理。世潤。民善。良修。輔修。福蓬。冠岐。等爲監理。分負各分隊監理之重任。知之。

所派各方均爲京鎮區之碩彥。吾

師畀以重命者殊寄殷望各方當同體 聖意。以圖勉答神庥。此後將有召開京鎮區職方聯席會議之方策。研討道慈永久基金。及臨時救濟之方針。務求衆士一堂。開誠佈公。共任展化之勞。同担慈救之任。以俾刷新各院之事務。改善各院之舊習。而促成京鎮模範之區。以爲東南各區之表率也。是在各修善於精進而已。各修另聽後訓。知之。

甲申八月二十三日道德社統科

守壇劉仙訓 天方性理孕靈氛。五教同源渡世羣。虛窳圓融充宇宙。清真至道繫氤氳。一胞心斗玄宮合

。兩弧界輪烝水分。法會重光應有日。再從中土闡經文。

智（劉仙諱）中年而後。卽韜晦自甘。常抱蕨薇之節。不求聞達。深居高閣之中。參悟羣經。撰述天方。幸得 師靈垂注。故能於生前完成使命。飯後屢悟烝旨。以至大通。於是 聖恩垂顧。乃承此大命焉。諸方只須精於參進。當此聖道抗揚之際。克悟真宰。較智之生前。尤屬便易也。

哈哈、回宗以認主爲主樞。以五功爲修候。蓋一胞彌綸，無晶無妍。自烝輪生水。水輪主運之後。乃有二奧之攸分。故儒書有謂無極而太極。太極生兩儀。儀象所分。陰陽斯判。陰中寓陽。烝六生有。陽中寓陰。氣六化無。有者從終而始。無者從始而終。圓覺週流。終始互因。天道演化。有如是耳。依回典而論。從無生有。理世主之。從有化無。象世主之。理世乃烝化之期。草行木語。人無見聞。象世爲氣化之時。山川已定。人物相分。故理世通乎靈輪之本。象世寓乎味輪之機。世運週行。由理而象。從象返理。一胞爲主。兩界成焉。故謨祖應運創回宗於西土。卽以通乎上帝爲認主之宗。更教五功以領教律。五功之謂。曰念、曰敬、曰齋、曰課、曰朝。蓋口誦四偈。乃僧侶真傳。念茲在茲。爲儒者之心道。誦之於口。自識本源。念之於心。自悟先充。引心入靈。以觀一窺。神心寂定。其光安焉。故訂念功第一。克己復禮。乃成仁之本。主敬行恕。爲進德之基。順乎天理。其心自正。合乎天範。其意自誠。正以肅神。誠以格天。履乎天位。其志乃安。故訂敬功第二。耶氏入門。首當洗禮。釋宗皈依。先行受戒。洗滌塵慮。乃戒除色相。爲平其氣也。黃中通理。圓覺精湛。三昧所化。其性寂焉。故訂齋功第三。布施蒼黎。以渡慈航。救濟衆生。廣行義楫。胞與爲懷。善氣充於六合。惻隱在心。坤室通於八荒。精誠所感。自獲天德。勇於行慈。其善超然。故訂課功第四。一紀飛昇。默朝上帝。恭默思道。以悟真晶。玄宮之境。寓於人心。天壇之域。位乎性海。履罡步斗。天人合體。朝拜天樞。其命乃已。故訂朝功第五。五功演述之主旨。從各教經典之訓誥。參異取同。衍述一脈。諸方悟通此理。對天方之眞道。對性理之貫通。自可識其端倪焉。智也不才。謹恭承 師命。聊順烝旨真機。以與諸方一敘耳。

甲申年九月初一日統科

濟佛訓 秋水蘆花逐浪浮。大江千古向東流。因登高閣觀吳勝。欲眺平蕪憶魏愁。適過鍾山尋故友。更臨鳴寺訪前遊。而今重履金陵地。樂弔江南掃葉樓。

秋光黯淡。充乎天霄。劫氛悽慘。遍及寰宇。老衲靈觀。不無長歎。諸方日覩。能不傷懷。故仁者均欲見義勇爲。渡芸芸衆生。同登覺域。智者皆願當仁不讓。化茫茫浩劫。復見光天。然仁者卽修人當盡之天職。智者爲修子應守之軌範。其仁其智。均屬上達。旣爲上達之仕。當知渡化之端。渡化之道其旨惟仁。夫仁者乃造化之樞機。人類之天性也。果能依之不違。操之不舍。則內聖之功可成。外王之業可樹。觀夫聖賢。異於凡愚。仙佛異乎鬼魔者。均不外於充其仁性。成其大化而已。但求仁之道。首在存誠。誠則無欲。存天理之善念。屏人欲之私忿。通乎天理。強恕而行。已所欲者。當施諸人。已所不欲者。當勿施於人。久之自無人我之成見。渾然相化。視萬物爲一體。觀天下爲一家。故孔氏有安懷之志。釋宗具普渡之願。所謂民吾同胞。物吾與也。大同邈化猶夫天地無不持載。日月無不照臨。蓋天地之大。舉凡人物莫不同生。日月之臨。不分南北。無所不照。仁德之所被。有如是也。然徧觀近世蒼生。大多味其仁念。背其善性。惟欲是肆。不識自返。梟獍之毒。鱷獺之爭。以致濁氛日益。正氣乃萎。紅羊之劫非無由也。故當今之道。當思渡化之策。惟此化渡之重任。卽爾諸修之使命。是以各方自宜本乎仁心。隨緣布施。飢者食之。寒者衣之。困者救之。急者濟之。拯衆生均登天堂。泛慈航以渡苦海。出迷登清。入我樂網。此渡化色身之苦厄也。更當本乎仁念。闡化道旨。以俾迷者醒之。昏者覺之。使邪而正。使昧而明。造福德於天下。行慈善於人羣。復其善性。自現本源。此渡化性靈之味蔽者也。蓋渡化施諸君子。則克出凡入聖。體乎天樂。施諸小人。自克回心向善。自新其德。施諸富者。自克導之於善。以便從事義舉。施諸貧者。教之安命之道。以素其位。且德風所化。貪者以廉。懦者以立。仁義之教育。禮樂之導化。爲渡化之至道也。哈哈。各方苟昧是理。則偏於好惡。昧於是非。又何得與天地合德。日月同明哉。任重道遠。當弘乃志。仁義常存。惟善是予。自可盡其天職也。老衲有厚望於汝儕。其各勉旃。

甯會之職。迄未健全。雖一度命人事推定。終無實現。故有此次之派定也。

師命會長一席。和光任之。派道開冠鑿慧斌遠航爲名譽會長。派冠楨民善善繼六也爲維護會長。派黎微良修靜仁明源爲責任會長。派世潤爲首席副會長。特命於和光未返任時。以副會長名義代理會務。知之。派桑淨阜龍阜合世理世藏濟珮爲副會長。派渾嶠阜眞都練都綽世子南岡爲會監。派法如道縵爲副會監。總務部主任。桑淨兼充。渾嶠副之。儲計部主任。阜合兼充。都練副之。防災部主任。世藏兼充。世子副之。救濟部主任。世理兼充。南岡副之。慈業部主任。濟珮兼充。都綽副之。交際部主任。阜龍兼充。阜眞副之。各部另推幹事四名。可由各部主任遴選後呈判。以昭統系。知之。

甲申年九月十五日統科

默真人訓 江涵秋影落蒼霞。對岸楓舟傍水涯。坐看金風吹勁草。漫觀白浪逐蘆花。禪聲寺外聞樵唱。星火橋邊隱釣槎。籬菊清姿迎九月。且從玉蕊獻黃華。

吹到江南九月天。黃花紫蟹共樽前。無邊旅雁悲聲細。也似荒山籠落烟。此時何時。此地何地。時逢秋光遍野。地位靈樞蘊秀。靖久居天府。未履江南。爲時亦久已。今晤對各道修靈氣雖充。但修境之時候。尙未臻圓滿者也。憶吾道演化以還。倏達兩紀。靖忝列先導。生前對聖道之涵養。均從大學着手。本一貫之主旨。承薪傳之餘緒。故首膺天命。乃遵

師道而負創道之宏任焉。是知靖之成就。實得大學工夫之培鍊也。蓋大學以誠意爲主樞。以至善爲本源。誠意乃虛心之眞境。至善乃復初之眞位。人能誠意。自克充其浩氣。集義而行。其圓靈安適。自通天德。而至善之修。首在知止。止其欲念。眞知自復。止其俗慮。神明自格。故古聖之教化。亦一以貫之而已。夫一之所寓。無形無象。蒼蒼之天。得之以成。渾渾之地。得之以平。地平天成。皆系一胞。而人物生於天地之間。所以具靈之秉賦者。卽得一而生。得一而靈也。故人之生也。通乎一。人之靈也。感於一。旣通之感之。自當追本思源。而明眞一之主旨。此眞一之釋意。在大學則謂之慎獨。慎乃心返先天。以識眞宰。獨爲太極眞體。演化生機。均太極之輪運也。是知人之慎獨。卽以誠意工夫。而爲修德致良知之功候也。旣通慎獨之道。更當明乎絜矩之道。順乎天理。卽合天道。守乎地則。卽合地道。

天道無爲乃證空心之妙果。地道有成。乃徵實性之修境。涵通妙化。篤實光輝。則爲明德之聖功。化民成俗。德教風被。卽爲親民之大業。內以潤其身。外以揚其德。聖德之教化。自克傳揚百代。師表千秋也。惜乎道運閉塞。眞精晦沈。所謂仲尼歿。而微言絕。七十子喪而大義乖。斯道之不明於世。蓋二千餘年矣。幸

師道敷化。道運更興。儒宗之眞諦。亦將因聖道之展佈。而發揚光大焉。爰述生前所悟。以與諸道修共研耳。

志清對道之推展。頗具盛譽。此後對主院之道慈。亦當相機勉進功行也。

師命特派爲主院維護統掌。以資策勉。知之。

新修武子文波。夙緣尙厚。若能堅誠自勵。亦可證前生之妙果也。

師命特賜名挹清。以資獎勉。好自爲之。以樹慈助。知之。

甲申年九月二十三日研道壇

昌佐神訓 今朝駕鶴履江東。歷遍名山十二峯。劫禍茫茫隨地是。人情淡淡寓胸中。千秋高閣寒烟繞。萬里長堤冷霧封。多少古今來往事。均同雲水變成空。

哈哈天生斯民。性無不善。民之秉彝。好是懿德。善性常存。自識道義之門。懿德常在。卽通仁愛之理。蓋道義之門。卽水輪天心之眞境。門之開闔。乃生關定。一關則動以定位。命宮自立。一定則靜以立極。性光自明。故道義之眞理。因命宮得立。性光得明。而顯良知之至善矣。其仁愛之理。卽靈輪圓果之眞姿。理之本末。卽生始終。一終則貞下啓元。靈光自充。一始則元以生貞。內府自定。故仁愛之美德。卽因靈光得充。內府得定。而昭懿德之倫常焉。是明道義。乃通天秩之象。仁愛乃含天序之理。既合天道。其本則一。故人乃以藐小之軀。與天地合其德。與乾坤同其位。與日月合其明。與萬物同其靈也。但人自受形而後。客氣所擾。性光易昧。是曰不善。而習俗所引。懿德易失。是謂不德。不善不德。民斯下矣。觀於聖賢渡世導修。首以善良懿德爲教化之本源。若漢學之孝廉方正。節操自守。乃奠德

風之績。而宋儒之窮理盡性。守乎太極。以倡善性之源。是證天理所在。道旨自昭于萬禩。天象常明。仁道自留於後世。地無遐邇。時無今古。山川雖有變異。人物雖有今昔。然道之真體。則千古長存。聖學真傳。則百代永在也。是知善性之教化。懿德之導修。流傳于華夏之中。已數千年焉。雖有時道運昌隆。而昭于史冊。但道途關闔之機。亦有時而晦沈。當此晦沈之期。則演述真傳。乃屬急務也。茲逢道運交迭之際。對於道義之闡揚。對於仁愛之導示。均爲諸修所應自圖勇進之目標。準此以進。天性之善。天德之守。自克得之於身。蓋身之所寓。有絳府之真境。有黑潭之真境。真境所在。道以立體。義以持中。仁以定位。愛以育慈。葆此天德。卽合於虛。守此真境。卽歸諸空。經曰欲尋真境。從吾身始。既從身始。則諸方之修道。均不待外求。返身而誠。道卽在是。虛心以尋。義卽在斯。躬己以求。仁卽在此。持禮以守。愛卽在是。諸方務須通此真境。始克言修。否則欲身外而尋真境。均屬自誤。道不遠求。我欲仁仁斯至矣。諸方明此聖訓。卽克脫小充而入大充矣。

研道壇乃示爾諸修對道旨之探求。首重於研。蓋由研而悟。由悟而澈。由澈而通。卽以研道爲初基。各方果克致力於研道。自識真境。乃得天樂。此研道壇之因緣而設也。各方明乎此旨。可一體精進。庶得窺道旨之真諦也。此其入門之指示。至於登堂入室之功夫。均待諸修自圖自勵。自勉自進耳。

甲申年十月初一日統科

濟佛訓 天際長風陣陣涼。蘆花洲上水泱泱。一輪明月驚歸雁。幾片白雲隱夕陽。野水半篙平古渡。蒼烟數縷落前鄉。長江萬里征帆急。兩岸漁歌路短長。

說道談慈。訓示所宗。其中奧旨。諸方盡詳。然道慈聯屬之關鍵。諸方所知者。不外二端。一曰以道宏慈。一曰以慈護道。前者乃上始而返下末。後者乃下末而返上始。道爲慈之主樞。慈爲道之妙用。道慈演化。有動有靜。有始有終。故兩者相緣之化樞。必有所本。大本何在。卽烝解放瀾爲道之源也。水輪天心。乃慈之本也。何以云然。試察道字從首從辵。首者首出萬物。先天地生。渾圓之胞。蘊育陰陽。疋者走堅分途。有關有定。二奧相化。太極形成。故道爲烝解之真晶也。更觀慈字。從茲從心。茲者念

茲在茲。性光內潛。澈於乾宮。肇乎內府。心者虛靈不昧。眞冲自在。坤室回光。眞華日永。故慈乃水輪之真機也。炁水交融。天地人物均生於是。胞包相蘊。山水沙木。具孕於斯。是以人之初生。命宮得真炁之貫通。故生時天已賦道心焉。性靈常善。得水光之充寓。初誕生之際。卽賦慈念也。故人身之道心。人體之慈念。本天賦之德。不待外求。諸方對道慈之真義。認識眞境。則惻隱之心。卽仁德之源。有此仁德。修於內者。自合乎道。渡乎外者。自合於慈。諸方只要具此仁德。不求道而道已積厥躬。不行慈而慈已被化域。無心而得之。無爲而致之。純任天機自通道矣。廣結善緣自宏慈矣。是在諸方心光內修之涵養。有以致其功也。不然有心求道。已失諸空。有爲而爲。已滯乎機。雖修道已是偏修。雖行慈亦是沾名。故真修之士。自宜悟澈內修之真道。不特內功可成。而外慈之業。莫不一舉兩得也。老衲時見諸方。每論及道慈。則強分畛界。曰若某者爲道。則不知道中已寓慈焉。曰若某項爲慈。則不知慈中已證道焉。道慈一體。分不能分。故諸方須通此點微細玄關。否則差之毫釐。謬以千里。諸方對此平淡之主旨。可有悟於衷乎。老衲謹依炁機而述道慈之釋意。有如是矣。

值日掌監乃道修之中堅。吾

師昇爾以大命。均經審慎而判定。非偶然而任之者也。旣膺此任。則院會之隆替。均寄爾等之身矣。主院自復興後。壬午之際。已得禎鑿黎仁四掌。自壬午迄今。經 聖靈之測驗。更有斌源航膺四掌監之任命。是由四掌而演爲八掌監焉。負責之人員。應機而增。則道慈之進展。自宜於開朗焉。咨爾八掌監。對維道宏慈之大業。當有豐功以樹。而揚東南之盛譽也。各掌同參。知之。

京鎮救濟隊。已分四隊分別成立於各會。惟聯隊則附設主會。其組織若總務、文書、會計、保管、庶務各股。亦當先事成立。以俾統系昭然。且責有攸歸也。

師命卽派定主院掌監及職修分任各股主任。以示道慈之真機。師命派冠性爲總務股主任。濟軒副之。暫派如爽代理文書股主任。天錫副之。而以天錫實行負責。派道膺爲會計股主任。道疑副之。保管股主任暫由冠性兼代。道疑副之。派道祥爲庶務股主任。濟岩副之。各股人選。由訓示判定後。卽須負責。以利慈渡。加派堅玄冠發爲幹事。玄掌收發。發任錄事。

師命加派明源爲副隊長。此席雖有二員。但宏慈之化機。當易於開展也。明源雖不必領隊出發。但從旁襄佐黎長。以理隊務。而分其勞耳。

甲申年十月十五日統科

都巡使訓 萬古綱常一脈延。乾坤正氣結胸田。生前也慕嚴光釣。飯後亦登范蠡船。碧血九泉留燕地。丹心百代照中天。忠貞自是孤臣志。任將千秋信史傳。

天地之大德曰生。宇宙之秘蘊曰化。二者相成而相運。乃顯烝功之力。相結而相錯。斯徵乾坤之界。有生生之機。萬物始克滋育。有化化之功。萬類方克轉移。故物之本末。事之始終。均此生化之演變也。眞經有謂合化生天命之源。蓋生者天命。化者亦天命。生之與化。一而二也。化之與生。二而一也。生化之妙。顯於天地者。則有位育之道。證乎人身者。則具參贊之德。天定其位。四時八節。各適其序。地載其育。八挺九埭。各順所私。故通者參於天道。自通陰陽斡旋之力。貞一而動。持中而進。賢者贊於地利。自知玄關靜定之姿。順義而進。執道而前。是知聖賢之聖功。卽爲通達參贊之機。而履於天地範圍而已。是以君子修身淑世。欲內修聖功而外成王道者。端賴默契生化之機。生機肇於性海。平淡無爲。乃見良知。化機始於命宮。虛極靜篤。乃蘊眞誠。生機化機。均通天道。原夫天之生化。則氣流之一呼一吸而已。地之生化。則萬類之一潛一放而已。呼吸乃現洞洞之蒼天。潛放斯成攸攸之坤土。天之空也。何所至極。地之質也。何所自成。曰、天命主其運。成其象。定其位。蘊其形。天地之本原。乃烝解之放彌。水輪之運轉。而演化之機也。諸子先明天命之原。更須體中和之道。人於宇宙中。上下爲天地。人以藐小之軀。而列於三才者。以其得乾坤之菁華。尖披之靈。可以雙鍊故也。尖者離之。披者合之。離而生動。合而返靜。動靜之機。乃生化之本也。諸子悟通生化之本原。則坐以通一潛一放之眞體。卽法乎地矣。誦以悟一呼一吸之眞機。則法乎天矣。既法天地。自合於道。既合於道。自返自然。自然之眞境。卽爲平默靜定之功候也。諸子進修有素。對於人身生化之機。當從坐悟之中。以修其善果也可。諸子勉參。

京鎮區振救監理支部之人選。前已判定。此支部自當應機成立。以利化機。師命於冬至日午刻正式於主院成立。各會之監理等。當來主參加。以研振救之方策。知之。冬至日未初

師命開含光亭高科。各監理即可侍壇聽訓。冬至次日。可由各監理開聯歡會議。作小組之職方會議也。特派冠縹籌劃會議之原則。餘聽高科詳示。知之。

甲申年十一月初八日冬至節含光亭高科

老祖訓 百代時光逐水流。幾臨魁閣掉輕舟。雲中盡覽三千界。海外窮遊十二洲。一葉庵前尋古渡。七星山下覓烟樓。天心又到復初日。樂見梅光嶺上浮。

子半陽生。一元來復。雲台獻瑞葭管灰飛。律應黃鍾。斗樞向子。太音聲稀。玄色方淡。時值節序之遞嬗。當呈獻履之麻儀。運會交迭。度化展進。各修子自宜順時篤修。應機展化。以貫通天人。化及萬類。庶乎萬劫無形之化。六合一身之求。內功外行。兩不偏廢。自得上乘之功候。然運會之迭變。忽然而開。忽然而息。僅一瞬之時光。而人靈之團聚。亦倏然而合。倏然而分。亦只一秒之時間。故運會之演進。人靈之團聚。僅限於一秒之時光而已。憶昔五千紀前。吾老人石門傳經時。合眾靈於一堂。體天和之化律。若彼之曠典。亦不過一瞬之時光。一秒之時間。雖時間只爲一瞬一秒。但應機而進。順運而展。一瞬之合靈。雖千年之坐不若也。一秒之演化。雖萬代之傳不逮也。故運會之開展。雖一瞬亦不可虛度。人靈之團聚。雖一秒亦不得渙懈。終始如一。至誠不息。一瞬之靜定。一秒之平默。即可弭百歲之劫氛。亦可啓萬載之道基。以時爲貴。不其然乎。試觀兩紀以前。吾老人得證前緣。修子聚於濟壇。重演天樞祕籍。然演述之時。不過三四月耳。侍壇之人。亦僅三四十人。以時而論。乃一瞬之化機。以人而言。只一秒之合靈。雖云一瞬之演化。雖曰一秒之合靈。但數千紀之真傳。傳於一瞬。千百禩之靈光。定於一秒。由是以證。諸修自知一瞬之化機。一秒之合靈。均不得虛度也。是以諸修。對於道慈兩務之進展。首當順守時機。共圓眾靈。同登覺域。但常人之見。每以一瞬之時間。僅只一息。更以一秒之

時光。亦不過一轉眼間。以致易於虛度。考慮度之主因。皆緣矜進之心。不自知也。故道慈兩務之進展。每多誤機於一瞬。更常失機於一秒。然何以誤機。何以失機。曰。諸修人矜進之氣。易於猛進。以致一枝一縷之事項。皆從忽略。事既忽略。其始也未作。其終也無成。既無其始。亦無其終。道慈之進展。焉得而不誤機失機耶。諸修進修之涵養。首須誠敬自守。謙恭自勵。誠者篤於道也。敬者奉於天也。謙者虛已以下人也。恭者尊人而愛物也。誠敬於中。自無矜進之失。謙恭在體。當無矜進之患。故吾老人鑒於諸修之通病。乃於傳經之後。更傳六箴。以明道統。再傳四誠。以導修境。矜之爲誠。首在於不知不覺耳。諸修子既入吾門。對於矜進之屏除。尙須自進。矜字一去。順運而展。自不失一瞬之化機。應運合靈。自不換一秒之時光。一瞬得成。一秒得立。則道慈之進展。卽合於輪系之化樞焉。茲當下元之世。仁義不修。利欲是圖。人道之規是重。亂時之世不易平也。然若化一身之規。欲平一世之治。尙須各修自正其心。自平其氣。蓋天人一貫。氣息相通。人之心正。則天地之心亦正。人之氣平。則天地之氣卽和。天心既正。天氣亦和。天道乃昌。故諸修務須致乎中和。而天地位焉。萬物育焉。天地既位。一瞬之化機。均可通天命。萬物既育。一秒之德化。皆可施諸衆生。孔徒抱忠恕之志。釋徒寓渡世之願。無非均應運順機。以爲導修之表率而已。諸修苟克效聖賢之志願。則他日之大成。定可待也。各修勉參是囑。

京鎮區監理支部。應機創設。各監理及諸職修。向機來京參與。但此度之聚會。以化機而論。亦僅一瞬之時間。以人事而言。實只一秒之合靈。但一瞬一秒之時光。各掌監當思化機難得。今既有此機緣。各掌監自當順守天命。共圓道化。雖一瞬一秒之聚靈。亦須有一瞬一秒之成績。更須有一瞬一秒之代價。如是而精進。方符吾老人導化之原意。各掌監等。善於參悟。知之。

監理支部。既經創設。此後救濟之重責。自有所攸歸。故各監理當善於研討。以資共進。茲命爾等共研之。方策如下。

其一。由各監理中可公推總監理一人。副總監理一人。常務監理四人。值日監理二人。以便分任各職。此次老人未加判定者。卽欲爾等推賢讓能。以昭大公。推定後下統卽呈判可也。

其二。經費之籌劃。各監理先預定成數。然後再按各院之經濟力量。分部担任。議妥後。即限兩月內一體交報。集中財力。方可做到大慈行也。各監理記遵。

其三。監理之職權。當對各院會有維護之重責。各監理可議定各院相互維護。共同資展之方策。以便共展共進也。

明日未初開會。會前對祀旗先行三鞠躬禮。并誦

老人號二百四十稱。以圓衆靈。除討論訓定之案件外。人事可先期準備案件。亦可同時討論也。務使一瞬一秒之時光。得以應機。自可發揚京鎮區之道化也。知之。

鎮院機極來主侍沙。并列席會議。此爲貫通京鎮各院靈氣之良好機緣。汝之此行。所負之使命極大。汝近年之功行。頗堪欣贊。茲賜一詩。以資參悟。夙緣深厚樂天真。篤道堅誠德日新。前世會修仁者相。今生始證菩提身。慈揚京口三千里。譽展丹徒第一人。道化東南應有日。全憑義楫導前津。善自參悟。自通詩旨。此行多勞。即加天靈六度。以充靈光。知之。

今日侍沙各方。靈氣頗爲圓滿。足徵京鎮區之道化。尙有日進之現象也。各掌監一體加清靈四度。各職修加健靈二度。以示優遇。冬至陽生。各掌監可於壇後。在 老人案前合誦宗籙第三節三十六稱。及化劫咒百二十遍。以助陽光之開朗也。各掌監知之。

監理部既成立。各監理俟明日推定職務後。即須實地負責。莫忽略職守知之。各組人員。亦當共進。知之。

甲申年十一月十五日統科

和光真人訓 舉目山河景色殊。蒼烟萬縷繞南都。道人常作仙遊夢。老叟時談太極圖。白髮盈頭非故我。黃衫著體感今吾。降壇今日臨塵界。誰識當年舊宋儒。

攸攸坤土。衆生繁育。人以微小之軀。渾然中處。天之所賦。各各具足。然人之智愚。又何有覺與不覺。智與不智之別耶。蓋天德具全。皆有道用。所別者惟後氣之清濁而已。氣之清者。心明神通。是爲智人

。氣之濁者。心昧神暗。是爲愚夫。智人上通天道。下澈地理。性光之覺悟。堪承天命。而愚夫昧乎事理。悖於天道。性靈執守。囿於私欲。故智人乃先覺也。愚夫乃後知也。先覺承天命。自當導於後覺。愚夫善守命運。自宜遵從聖教。以順先知。爲先覺者。當從事立厥道範。爲後知者。應順承教言。是以自古以還。乃有教之敷化。惟在上元之世。政教至明。相緣導化。上長其親。而民興孝。上愛其兄。而民興悌。所謂上行下效。風行草偃。德之流行。速於置郵者也。迨夫中元以後。政教分途。居於政位者。不克言教。居於民位者。乃導乎教。故有五教之敷化。各教教主。應人、應時、應地、應事。乃各自導化。各創一教。教之導化。其枝雖五。但真義之本原則一也。是知儒耶回子。皆系胞餘。一胞所化。一脉所通。教之演述。雖有異同。而門戶之歸樞。只吾一道而已。若儒以忠恕主教。釋以慈悲渡人。道以清淨明心。耶以博愛行仁。回以清真保性。修守之教義。雖有不同。但修於己者爲道。導乎人者爲慈。道慈兩字。已盡括其主旨焉。教主既廣爲導化。而修人更須具堅誠信念。其始也如是其終也亦如是。而後誠信所感。卽通乎天性。性天開悟。自爲先覺。心靈湛定。卽是先知。諸方旣入吾道。則願渡衆生之信念。願得真諦之初衷。須以先覺之任自任。以先知之命自命。而後衆生仰爾儀範。入我樂國。展爾慈航。以渡羣黎。則芸芸衆生。皆登吾之天堂矣。諸方明教之進展。務宜慎守自勵。將來卽可揚吾善道。傳我真諦。吾

師對衆修之倚望。實寄無量之默化也。各方自宜善體 聖意。而作道之先覺。德之先知可也。監理支部。旣經成立。對於救濟之重任。當負督導之大命。各監理知遵。

師命加派志清、文青、道閑、道閱、世筠、挹清等子爲監理。以資勉進功行。而圓衆靈。知之奉 命判單

一目

前奉訓示由京鎮區監理支部監理中公推總監理一人副總監理一人常務監理四人值日監理二人以便分負各職此次 老人未加判示者卽欲爾等推賢讓能以昭大公推定後下統呈判等訓謹遵前訓於冬至日成立監理支部是日出席監理二十六人闕席者三人當經於監理中公推弟子和光爲總監理慧斌爲副總監理道開機極冠植良修爲常務監理冠濠靜仁爲值日監理分負職責當場一致通過理合呈報伏乞

判示

已悉。所推深慶得人。各監理善自導進。則道慈之開展。將早日得圓滿之佳譽也。知之。冬振事項。乃應時之臨時事業。對冬振之救濟。可於年關前。施放現款。以資振濟。且可便於進行也。知之。

甲申年十一月初一日統科

尙真人訓 世事如梭交迭臨。茫茫幻境夢中深。劫來大地浮雲變。忍見虞淵白日沈。誰爲兩間開正氣。願從一貫見天心。楓橋多少前栽柳。雪後婆娑感不禁。

天天談道。日日說慈。道慈之演述。諸修子對此二字。不可作口頭之空談。惟在躬行實踐。方克通悟道心之涵養。洞澈慈行之義舉。蓋道心乃慈之主樞。慈行爲道心之善舉。故有形之慈行。則以道心之修鍊爲歸樞。所謂道心。卽孟氏所云惻隱之心。羞惡之心。所謂慈行。卽濟人之急。救人之難。道慈二者。以表面言之。殊爲易解。但攷其真理。則同於一源。化爲二奧也。原夫道心乃一心也。一人之心。心靈至善。舉凡人類同得天之賦予。則人同此心。心同此理。真理所在。卽爲仁義所由生。善心常存。卽爲禮智所由顯。故萬物之心。卽天地之心。天地之心。卽聖賢之心。聖者之心。曰仁義而已。賢人之心。曰禮智而已。是以聖賢建中立極。可以位列三才。與天地共存其德。與乾坤同運其化。天心位於人心。天體卽在人身。心心相印。卽爲天理人文之化合。合化合生。天命之原。命原所通。道心寓焉。故人人自有生以還。皆有道心。既有道心。則胞與爲懷。人人皆可作義舉。痾瘵在抱。各各皆可樹慈行。義舉之仁風。慈行之德業。雖愚夫愚婦苟不失赤子之道心。均克有不忍人之善念。充其善念。則見急者自然濟之。若見難者。自然救之。或曰誰使濟之。誰命救之。蓋濟之者。道心之良知也。救之者。道心之真覺也。良知不昧。真覺不失。自然善性所充。善氣所貫。而於不求人知。不圖人見之中。自己作個人之功行。自己作個人之善舉。如是而修者。謂爲真修之士。如是而行者。謂爲真慈善家。苟反此而行。道心已昧。專從事於假仁假義。此輩之人。雖亦濟人之急。乃有所爲而爲。則偏於沽名。雖亦救人之難。總不免盡求人知。則偏於釣譽。是以本道心而作慈行者。方可得上乘之修功。始克臻圓滿之果報。苟昧

道心。則從假仁假義之中。而作沽名釣譽之救濟。雖一時可欺於人。但天理所在。終有是非定判之日。故各修子對道慈之涵養。首須培乎道心。以求真功行。以樹真慈業。不然昧於正道。則所事已偏。自不足以云功行矣。真偽之判分。只在道心之有無而已。各掌監得吾

師之靈光默運。其道心均早有悟澈。所樹之功行。已昭垂修範。惟不明道旨者。尚有所偏。故闡其真理。以供各方參悟可也。

每屆年關。對各掌監均有攷績之判定。以明化機。茲援舊例。一申述之。

道開爲南道之先進。二十餘年來。本一貫之信心。樹萬人之修範。近年來專事坐功。已有深造。而得古稀之慶者。實篤道之果報也。此後善修定功。以樂天年。即可得道功之真境也。好自勉參。

冠楨一歲之中。南北奔馳。闡揚主院之地位。聯通各院之聲氣。爲京鎮之重要份子。乃東南最堪嘉尚之弟子也。此後克盡職守。以爲一院之主樞。大命所在。尙賴爾之攸揚也。知之。

冠鑒爲京處之要員。對於道本之奠定。於安定從容之中。以樹功行。且身兼壇掌。今歲展化京鎮各院。均曾參與。靈化之中。氣象圓滿。茲者更有印訓之倡導。可謂克盡職守。本此以進。自有上乘之功行。將昭於異日也。知之。

黎微心靈安定。已得參經之要旨。道心常在。慈行即昭。恤老之義舉。已爲衆流所景仰。當本靜功以修。則圓滿之時候。即得於厥躬。此後更當直養浩氣。勇於前進。庶可作救濟之表率也。

靜仁敦厚成性。仁義是行。故允稱道中之佳弟子。在京在卦。均有功行卓樹。篤道之堅誠。足獲後福。德之垂蔭。顯及後昆。望爾始終如一。勇於邁進。其進展之功。實不可限量也。

明源膺宣道之重任。培植道本。頗樹功行。所行所爲。吾

師喜甚慰甚。矢誠以進。自得修之正途。道慈展化。尙須再接再勵。以底於成焉。細參是要。

遠航對道之眞旨。已增進一度之見解。故勇於維道。樞籍早錄其功矣。此後仍須從仁義而進。以昭修範。知之。

慧斌雖屬新修。然廣結道緣。爲時已久。今歲基金之奠定。頗著殊功。以後之展化。卽爲爾樹立功行之

良機也。體時而進。尙望勉諸。
道膺心與道一。對於診校之支持。財務之整進。均可造上乘之功行。爾智慧圓融。務自勉進。以昭懿行。知之。

甲申年十一月十五日統科

孚聖訓 飄迹東西印雪鴻。閑遊樂得御長風。甫看松柏深冬綠。迴憶梅花舊日紅。寺院重來前度客。雲壇又到昔時翁。古今無限滄桑事。都寓乾坤一袋中。

哈哈。甲申歲末。又屆年終。今歲適值吾道演化二十四週年。是二紀之終。卽三紀之始。終始交迭。化機廣開。但眞機展化。事必有崇。物必有魔。故道途之演變。必有魔祟之擾惑。蓋此魔祟之叢生。自然有滯化機。但平默處之。定靜應之。雖一時爲魔祟所擾。惟一息之轉關。卽克風平浪靜。復見光天也。吾道今歲之演進。卽有如是之現象。是有仁者見仁智者見智。所見相異。而後天轉界。卽味其真知。惑其智慧。自不能通眞覺之大化。於是自是其是。而自執一見矣。所幸各修諸子。從平默定靜中。共圓眞靈。同培眞氣。乃得逐魔驅障。而返光坦之眞境也。以主院而論。當此魔祟叢生之際。各掌監頗能善悟眞旨不昧事理。故東南一方之靈光。從未稍渙。此亦各掌監修功有所涵養之明徵。靈光旣合。是以道慈之展進。有進而無滯。試觀今歲事實之演進。主院本妙山會議之原則。敷化推進。道慈併展。道途之開朗。有高亭兩度開科。以奠定主樞。更有母壇一次合靈。以圓道化。眞機所通。道化乃昌。而京處之復興。更能貫通南北道化之交流。主院之地位。不僅爲東南之重鎮。且進而爲華夏道脈之中樞也。屬於慈渡之展化。救濟隊之擴大成立。監理部之規模完備。集京鎮甯卦四院之靈光。共圓一胞之大化。故京鎮慈譽之發揚。將因該隊該部之展進。有所光大也。道慈基金之集募。各掌監更能精誠勉進。是以乙酉歲之經費。須先因之而有所攸賴也。此外寧院之改組。鎮院之調整。卦院之工程。從靈化之導進。莫不奏圓滿之效果。憶此一年之道化。實足以允稱圓滿。不過尙有因化機所滯。而未實現者。其一、京鎮區職方會議未得全體招集。其二、院中各職修之生活。未能澈底解決。是兩端均屬維護道本之重心。前者不果

招集。則京鎮各院之靈化。未能一息貫通。後者不能解決。則院中各基本幹才亦將難以困守。故此兩端之問題。今歲所不果討論。而乙酉年中之道慈原則。卽以此二者爲目標。各掌監亦當善悟於是。以使其歲未了之餘案。終須於明歲圓滿解決也。再者當此大廈難持之際。各掌監肩此院會之重任。其堅毅果敢。勵勇直前之精神。殊堪慰佩。同時各職修忠誠任職。抱道自樂。不避艱勞。清高自守。不怕困阨之真誠。亦足堪贊許。是故各掌監各職修。此後當仍本以往相緣合作之義舉。堅誠團結。共度時艱。此余所以爲各掌監告者。亦所以爲各職修勉勵者也。

監理支部乃京鎮區最高之組織。明歲道慈之展進。均須以支部爲中心。目前和光久居滬濱。總監理一席不便久懸。故在和光未返任前。師命特派冠楨爲代總監理。以便負責有人。當可強化內部之事務也。師命加派元恕阜龍世理爲常務監理。分別在各院辦理部務。以求一息貫通。於明春母壇開沙。各常務值日及總副監理與京鎮寧卦四院之壇掌。當一體聽訓。以昭示重要之化機。各監理知遵。先期通佈。以便來侍知之。

世筠爲主院之中堅。維護道本。久著盛譽。而熱心事業。乃志堪嘉。惟對於前途之考慮。當先有所運幄。仁者之行達人之見。方克得其中道也。茲賜詩文一則。以資參悟

龍門百尺憶前遊。范蠡清操第一流。但等光風吹曉月。白雲自上曲江樓。光天化機。卽在目前。惟須善盡功行。以圖自進可耳。

道闋、道閑。維道興茲之功行。已造乎上乘。好自精進。以圓後果。特加妙靈四度。以定心光。知之。

師命加派雲航改派槎濟爲道慈名譽統監。改派悟靜爲道慈責任統監。免兼舊職。知之。

改派月印爲責任統掌。免舊職。知之。

加派雲程、志奇爲道慈副統監。知之。

加派道閻、道基、冠閣爲責任院監。改派冠岐爲維護院監。加派機極爲名譽院監。知之。

改派六也爲坐附掌。派挹清爲經附掌。知之。

坐掌卽派道開兼充。知之。

派南磋爲道贊長。派冠嵯爲道宣長。知之。

鎮江道院壇訓

癸未年二月二十八日鎮院統科

如爽
天錫 侍纂

守沙仙訓 此次流通。乃主錫纂職。合靈於鎮。其中關於靈化之重要。實非人事所能盡知也。訓文之導化。二十年以還。神佛之訓教。已琳瑯滿架。茲因書科之重要。乃免示訓文。僅因機導化。略示道德社籌備事宜。及院統之要務。知之。

慧聖訓 哈哈。吾道自庚申傳經以來。道統之基礎。乃肇其端。其後更於辛酉設院。道化之根源。亦奠其本焉。故道院之導修。實爲一元真宰之淵泉。但乾元闢闔。乃生兩儀。故道院亦因是理。而當有兩部之組織。以促進道務之進展也。此二部之組織。卽卍會與道德社也。卍會乃行慈之主體。而道社則爲研道之所在。但二十年以來。卍會既早已相繼成立。而道社之創辦。尙多付缺如。是以道社一日不成立。卽道院之組織。一日未能完備。此次道運南行。則東南各院之道德社。自當應機剏立。而鎮院之剏辦道社。尤爲當前急務。蓋道社一經成立。則諸方卽當共研道旨。如是心通道化。而慈善之懷。自克因良知充寓。以生惻隱之心。而後道慈之進展。自可指日而待已。諸方務當共明斯意。策勉前進可耳。

鎮院道德分社。

師命於己月望日。康聖誕期剏立。暫派元恕弘育機瑞運著諸方爲籌備員。對於圖書室之設備。及道社辦公室。均當先期辦妥。至於社長社監等職。

師命辰目下弦。於主社專壇判示。以昭鄭重。判後傳知。再爲照章如期成立也。元恕等同遵。

本院自客歲開沙以來。道化之進展。頗有成效可述。此誠諸方堅誠爲道之功助也。

師命各負責掌監。各賜詩文一則。以示化機。併論功行賞。而慰助勞。知之。

蒼松白石鎖烟扉。隔岸幽禽款款飛。落葉疏簾皎月影。梨花滿樹柳依依。示元恕也。元恕功行所在。已

如前統判示。師命晉爲責任統掌。仍兼首席院監職。好自爲之。是囑。

漁火隔灘灑落烟。清湖春水滿前川。江流不管閒鷗夢。焉曉蒼天月幾圓。示元世也。

曾記當年泛海遊。滄桑倏變幾千秋。鸞鳴清曲臨灘際。漁笛聲揚古渡頭。示機極也。機極因機由滬。來

鎮侍沙。足徵心誠之善秉也。師命晉爲維護統掌。仍兼舊職。以樹功行。知之。

三經菊開楓葉紅。青萍玉露蕩金風。慧光瑩閃輝雲樹。充寓芳霏細蕊中。示運著也。

默靜水生。烝守光回。維新厥命。化天廣開示弘育也。

正位居體。烝海圓融。迴風混合。百日靈功示機恕也。

遜世無悶。白賁無求。中立不倚。和而不流。示機真也。

主敬行恕。立不易方。太和充溢。履踐天光。示法清也。

黃中通理。幹旋貞元。含弘光大。直運而輪。示弘大也。

元萃機研。對通慈之進展。頗能出力。實吾師之佳弟子也。此後更須多盡功行。力圖自渡渡他。著記大功一次。以獎前功。此囑。

癸未年十一月十八日鎮院統科

慧聖訓 哈哈。京鎮一區。考諸古籍。均爲東吳之故郡。並同沐江左之文風。人傑萃薈。地蘊鍾靈。茲者重游舊地。頗具興感。聊集古句。以賦一韻。

妙轉靈鳥幾度秋。扁舟隻影劍光浮。佛狸祠下寒鴉怨。北固樓前旅雁愁。京峴孤峯臨渡口。金焦兩點峙中流。荒烟已漫揚州路。弔古空悲歲月悠。

哈哈。篆烟雲繞。丹舍飄黃。神人相聚。皆大歡慰。蓋神人之感通。端賴烝靈之貫注。一命主烝。爲形性之化樞。跌轉妙靈。乃精氣之主宰。觀夫烝之真光。無方無體。無垢無品。惟人心之感通。可從任津以見。不親不聞。不結不散。惟人心之感着。可緣督道而通。是以烝之所化。烝凝成水。水光森森。卽

真色之顯化。而靈之所通。靈光盪動。化合而生真音之天籟。卽克顯示太音。故色之本原。肇乎水輪。聲之真精。通乎靈輪。聲色化機。莫不以炁靈之動靜。以顯以逝。形而爲色。自合天然之真機。震而成聲。自通輪息之主宰。自通輪息之運轉。證諸四時。天象之妙觀。卽克驗斯理之當然。若鳥鳴於春。乃炁之充也。雷震於夏。乃氣之盪也。蟲叫於秋。乃炁之動也。風行於冬。乃炁之流也。是知聲音之發端。俱宗炁之化機。若秋梧之碧。乃靈之聚也。虹霓之赤。乃靈之顯也。礦金之黃。乃靈之結也。膠漆之黑。乃靈之潛也。是知色之實相。俱緣靈光而現。故聲色之化機。卽天道運行之顯示也。然天人同體。天之靜定。人以炁通。天之默寂。人以靈感。通於炁者其聲定。感乎靈者其色玄。是以定靜爲修人練實還虛之工夫。玄妙爲修者遜志時敏之實功。苟修子明於是理。從耳聲目色之涵養。非禮勿視。非禮勿聽。不動不搖。其志乃立。無爲無思。其心乃澄。志立心澄。則退藏於密。無所不得極樂之世。觀其真色。聽其太音。如是方克證三昧之真功。然致此修功之初步。則賴於修坐誦悟。實緣修一刻則有一刻之進展。坐一度則增一度之展相。功候進展。展相革新。斯合乎炁之所充也。此外誦一聲。則收一聲之效果。悟一句。則了了一句之因果。心通圓化。因果盡脫。斯證乎靈之所化也。炁充靈化。卽爲修子收視返聽。平默定靜之真境。坐以垂簾。卽屏除色相之工夫。誦以振鈴。卽合太音之修功。是知諸方修煉時。要不離日常之坐。不輟平素之誦。無有不同登覺域之真境也。各方善悟斯旨。從坐誦修悟中。以證炁靈聲色之化機可也。

京鎮兩院。非僅得境域地利之接近。而入靈之貫通。實有促展化機進行順利之主因。故京鎮實爲一體。無別無殊。京院之開展。須賴鎮院以佐其成。鎮院之昌興。更須京院導於前。相緣紹化。始奏厥功。故兩院之負責掌監。務須善悟京鎮一體之主旨。和衷共濟。不分爾我。共渡時艱。更無畛域之分。兩院各方一體同遵。

元恕自鎮院復興以還。主持院務。始終不懈。領導有方。設施得當。功勳昭著。殊堪獎掖。師命特加天壽一紀。晉天爵二等。免因十次。以勵其功。知遵。

元世夙慧旣深。善靈尤充。運著根緣旣厚。信心尤篤。二子好自勉盡功行。均克同沐

聖靈之默化也。知之。

機極對道堅誠實篤。熱心救濟。頗克發揚會譽。造福斯域。誠吾

師之佳弟子也。須知爾之善念格天。頗得聖靈之默佑。一切化機之進展。莫不一帆風順也。此後鎮院之道慈兩務。尚須賴爾之肩負。以推以進。以昌以隆。責任之重大。務宜念之於心。而促展機宜之妙轉可也。

師命升爲維護統掌。及維護會長。仍兼壇掌。及首席維護院監職。以勸其勳。極子勉遵。

元萃機研。前於主統命其來壇聽訓。是機也。亦緣也。二子入修。年雖未久。但善懷充寓。頗克助展道務之邁進。可嘉可慰。若恤老之領導。惠及羣黎。實可增益修功。而化除因果。此後須得

師靈之運化。其環境之充裕。泰運之亨通。莫不因機而至也。茲特賜詩文二則。以示前緣。

翠柏蒼松夏木森。高山流水奏清音。東園桃李隨風舞。近水樓台月夜深。示元萃也。化機正有進展。好自修持。知之。

富春竿釣倚清泉。古剎楓林碧水邊。紫閣星垂新宿象。漢家烟樹滿晴川。示機研也。夙緣實佳。大運斯通。細參自可悟其前生因果。知之。

師命特派元萃機研爲責任院監。並徵爲責任副會長銜。俟功行再樹偉績時。另行升定。知遵。茲特獎志奇元朗雲程三掌。各賜詩一則。以勵其功。

學宗遜志屬英奇。樂道堪爲萬衆師。莊靜緝熙參造化。修成慶得鳳來儀。示志奇也。

乾元開朗迪眞光。霄漢通輝五色章。樂道興慈開覺域。慧緣自克致禎祥。示元朗也。

鵬歷雲山萬里程。梵宮悟道證前生。因緣紹化來東土。設院興慈莫與京。示雲程也。奇朗程三掌。對鎮院之功行。口碑載道。神人共欽。今雖寄滬。但顧慮鎮院之道務。從未去懷。茲特獎掖。以昭前功。傳知此囑。

癸未年十一月十九日鎮院統科

尙真人訓 蓬萊祕苑訪仙蹤。時與倉公月下逢。鳥雀齊鳴驚曉夢。神鴉社鼓振潛龍。時經台榭尋芳藥。偏履峯嵐採綠茸。莫道瀛洲爲幻境。桃園千畝白雲封。

哈哈。重遊北固。弔千古之江山。再履金焦。泛滄海之一粟。久別勝地。俟逾數載。茲者奉

命來臨。地靈充寓。已示復興之機。人靈團結。更昭昌隆之兆。今與諸方。同聚一堂。靈光凝結。頗克弭一方劫運。烝息所通。實堪鎮萬里邪氛。氣象圓滿。堪爲神庥。溯自華夏之典。墜落。聖賢之禮教淪亡。異學爭鳴。道旨失傳。人心愈趨愈下。人性愈染愈惡。以致神靈上升。人靈漸降。上下不分。故道心失其精微。人心沾於幻象。倫常失其正軌。典則失其目標。是以後世之人。乃不得識聖賢教化之門徑。所謂渾厚之氣少。真誠之學衰。氣質偏汚。真誠出表。不識真宰。不悟玄宗。以致道喪德敗。一墜而不克復興也。幸

師靈出清入濁。設教導修。重演石門經旨。再述樞藉祕傳。闡性理之修功。講倫常之彝行。由精而微。從妙而玄。放之可充寓於六合。卷之可退藏於密。忽大忽小。其大則風雲之破浪不足以喻其形。其小則芥末塵埃。不足以喻其狀。形狀顯化。高則充乎須彌峻巖。其低則涵乎滄海深淵。日月之明。不足以並其光。雷霆之震。不足以合其韻。仰觀於高。不克識其首。俯追其尾。不克見其後。忽然而天。倏忽而地。一刻闡烝輪心始。一刻演靈輪妙合。從性理以證覺。由玄篇而致用。是故真經在世。人不得而解之。雖有夙緣。亦不過略識其端倪而已。蓋吾道既有如是之經典。合五統六。天昭德範。是故諸方入修。務須善悟經旨。以俾倫常之儀則。從經中明其奧諦。丹書之玄竅。從經中通其至理。禪緣之圓湛。由經中可識其源。耶書同典。由經中可闡其真詮。故五教同宗。俱本一源。烝輪建極。萬派莫不生於是。水輪合化。萬類莫不宗於斯。烝水蘊育。卽吾師昭化之主樞。苟諸方能悟澈烝水之充寓。則天地之大。可從心而觀之。人心之小。可緣天象以識之。天人感通。通於至誠。誠以格天。乃成於己也。成以生育。乃成於物也。成已成物。相緣資化。天之誠以肇乎生始。人之誠以歸於終止。以始而開。以終而闔。開闔之路。卽輪息之正軌。此正軌之運化。天象不能離其位。人心不能離其宮。心堪守舍。善性斯充。浩氣斯定。性光開朗。自明修煉之道。氣息圓通。自知涵養之方。如是以坐。如是以煉。坐而養氣。方

合真經。教化之原則。諸方務須時加坐悟之功。始克振道德之餘緒。紹聖道於無疆也。鎮院關於今歲慈業之敷化。頗有功效可述。屬於永久慈業者。若學校將於機極之運轉下。而奠其根源也。吾

師屢以清靈默導於無形。故極子言必有中。行必得當。此皆靈化之妙用。爾慧心思之。自悟其然。該學校之成立。即指定元恕機極元世法清爲常務董事。更指派元萃機研機恕機瑞、運瑞弘閔等爲經濟董事。以相助經費之籌劃。再加派志奇、元朗、雲程、冠禎、黎微、靜仁、爲名譽董事。以參贊指導。如是方克加強內部之組織。而造福利於社會。啓迪童蒙。樂育英才。均克揚聖職之美譽也。各方勉遵。

屬於臨時之慈業。若粥廠之義舉。賴法清之勉盡功行。而成立冬賑。師靈甚慰。不過慈業之化機。方興未艾。尚有重大之使命。須賴清子之籌劃也。爾善自修養。不離坐誦。以益修功。多行善舉。以了因果。一人得道。蔭福後昆。光裕先靈。皆可致也。汝其勉遵。

黎微對鎮院頗具前緣。數度敷化。頗樹殊勳。靜仁此次奉

命前來。實爲促進京鎮一體之先導。此後主院各掌監。均將逐次隨機來鎮。以共同團聚靈光。庶乎京鎮一體之主旨。在兩院掌監歡聚之中。炁靈貫通。慈業之擴展。始克相緣合作也。黎靜二掌。此行多有辛勞。師命各加天靈四度。賜福酒一杯。知之。

本院各掌監。務須時常到會。以參贊一切。最好效主院值日之成例。方可使事務之進行。責有攸歸也。其值日各方。可由人事推定。知之。

濟佛訓 哈哈、老衲已半歲有餘。而未與諸位道修弟子相晤對。今靈感之下。炁化盤旋。直通雲霄。氣象優良。頗慰神靈。蓋鎮院自復興以還。已開沙三次。所幸者。老衲每次開壇。均奉

命來臨。機緣所在。實可同慶。溯自開沙以來之敷化。第一次乃暫頓院務。而奠定元恕機極諸子護道之根基。第二次乃聚主錫纂靈。同圓大化。以靈異之顯示。而了機極之因果。此次開壇。更獎發元萃機研。諸新修之功績。以昭大道至公之精神。是以每次開沙。均有每次之目的。靈化所充。自有人事所不可測料者。故諸方此後。均當聽訓示之導化。惟遵惟從。不惑不貳。則更佳也。

鎮院各弟子。若機理機智機真弘大等。均有夙緣。不過自修自得。凡欲登覺域者。惟須自渡乃心。誠篤乃志。不惑不搖。福獲於中。各子均須本此意旨。以修以養。方克造乎上乘也。諸子同遵。道德社雖有訓勅立。但規模尙未草創。道機故未能通行無間也。是以該社此後應遵章報總而成立。以促進修方之導化也。知之。

本院女社。停頓已久。坤德之不修。以致男女兼渡之本旨。尙有未合。最妙本院各堅誠掌監之家屬。共同入修。開導於前。况社基及神龕等物。均易於修理。只須各女方肯盡功行。當此復興之際。發願倡導。其功行更可以昭卓於人。且功候之涵煉。均克獨膺。

師靈之倚重也。良機難遇。各有志女方。盍興乎來。恕極各掌監。務須加以注意。知之。

老衲靈感衆心。清空一片。適以法身現示。凡有夙緣各方。於侍沙時。心光忽覺開朗者。卽人靈貫通於老衲之靈光也各方細悟。自知境遇焉。

江甯道院壇訓

癸未年十一月十一日甯院統科

如爽
侍纂
天錫

孚聖訓 北閣梅花處處新。瓊枝芳影沐清塵。離羣恍似天涯客。孤傲亞如世外人。時得高賢吟色相。常聞潔士賦天真。冰霜寒雪摧殘後。香蕊迎開六合春。

哈哈。梅鶴爲羣。高賢雅士。花開東苑。香氣衝人。蓋花之實體。先炁所充。色之實境。真水所通。一炁迴光。尖氣通其突。一水返源。披靈寓其體。炁水貫穿。故耐雪經霜。清姿自若也。尖披充蘊。故金光枝葉。百卉不如也。是知梅之所以歷風霜寒雪而不避者。實有由也。然人之生於六合之內。寅亮天工。贊參化育。得炁水之精華。尖披之靈。可以雙鍊。故人得天地之生育。獨厚於萬類。是以人類渡世化人之使命。實爲重大。觀於古聖先哲。尙消息盈虛。識天機化律。皆所以闡述天理之眞道。傳授一貫之眞教。是故華夏道脉。舉凡演述修功之法則。莫不取象於天地。法形於自然。天地自然之演變。大而風

雲之卷舒。小而芥毛之微末。均克從人之性海中證其生化之道。法其進退之則。卽人卽物。均宗一道。是知梅之清操。卽人之隱逸高士也。但細察梅之生化。蘊其固有。以藏烝水之眞精。存其眞晶。貫穿尖披之妙靈。故超然自處。不沾後天之色相。不受幻形之挫折。是明隱逸高賢。均克參透生物之玄機。乃克順守天命。安行於素。雖遷居無悶。白賁無求。中立而不倚。和衆而不流。持中守一。皇極建中。證之傳籍。孔聖曲肱而枕。猶有其樂。顏氏之簞食陋巷。不改其樂。是爲聖徒賢子。皆得天樂。故人之修養。當以聖賢之懿行爲表率。苟人人均克安命守己。敦土培仁。內心通於天理。外形合乎正道。雖入幻而能高操自守。雖入塵而克清幽自處。不惑於後天界輪之幻相。則中真恬定。眞誠自在。何者是性光之真。自從丹心證其果。何者是天命之位。自從慧緣以悟其因。內心弗昧。河車自通。通乎黑潭。則玄姿可知。通乎絳府。則玄關可悟。玄姿以任津而證眞色。玄關以督道而聽眞聲。聲色不昧。卽不迷於幻色。卽不染於幻聲。耳聲目色。氣不能觸。功至此候。其中真一點精明。充於內庫。煥於內府。性光開朗。內觀自定。外觀自明。察識眞覺。則素位而行之進境。自克由中宮之回覺。而生超然自守之善念也。諸方修道之主旨。卽在錘鍊此烝泉之本。坐通水源之玄姿。能知自然之軌範。克通天人之眞詮。故諸方當此瑞梅欲露清姿之際。自宜察於物理。返身以求。苟先通其端倪。則一念之善緣。卽可證三昧之修功也。諸方居此潛修之際。務須內培心田。外行慈渡。一內一外。均足以證各人修功之進境。苟不克如是而行。其一念之差別。卽爲佛鬼仙邪之判分也。善成者自成。人人均能超然自守。潔然自愛。其成於己者。可化除因果之輪迴。其成於物者。可資助物質之生存。是在諸方精修精進。以成此修候也。各方同參。此囑。

甯院自復興以來。其始也。因人靈未克相合。其次更緣地利未能宏張。以致客歲突遭焚如之回祿。雖云天數所在。亦人靈不凝而使之然也。茲者經週歲之經營。始而由植掌力資復興。繼由原掌更孜孜不懈。是以賴各方之利衷共濟。以底於成。故本院始有此一度合靈之盛舉。不過本院處於南北交通之中樞。其將來道展東南。所負之使命。實爲重大。是以本會之局面。俟化機運復。將更有新機之奠定也。是在諸方同心協力。以完成修人之天職。有以促其實現者也。各方知遵。

世原爲道。奔馳南北。歷十數載如一日。堅誠自守。亦自可取。好自加勉。以培後果。知之。

和光善繼二掌。於前者下關院會之功勳。昭昭在人耳目。故此次復興。均膺重任。雖一時不克躬親主持。俟化機暢通。則此院之昌隆。卽二掌功行完滿之全功也。特各加清靈六度。以益正充。傳知此囑。

桑淨濟珮二掌。夙慧深厚。才堪重任。桑淨見義勇爲。濟珮堅誠自守。二子務宜協同致力於院會之昌興。庶乎成己渡人之功行。昭於修範也。知之。

丹心已悟元關竅。慧性更通內府中。渾嶠悟之。爾修功養候。均宜從坐修以定以靜。矢誠矢默。順自然而修。從無爲而養。自克得其真旨也。知之。

世理阜龍阜合三子。對院中事務。自宜時加調整以助世原共同負此重擔也。

師命三子均派爲維護院監職。世理阜合仍兼舊職特各加清靈六度。以定心神。知之。

世子都練。心誠意善。亦道中之佳弟子。惟功候全在自謀。始克明先果。而後證修功之進境也。二子詳參。知之。

濟佛訓。哈哈篆烟雲繞。靈光凝聚。喜見寧院。更有再度合靈之盛舉。蓋京甯同位一區。自屬一家。况道無二道。院本一院。京甯兩院。在系統之連繫。自屬難分。在道功慈行之研討下。更爲一體。故京院各掌監。卽甯院之掌監。寧院之職修。卽京院之職修也。二而爲一。共展道化。同圓一胞。此爲老衲期望各方同明是理。則兩院相資緣化之開展。更將有分功合作。昭於修範也。兩院各掌監。及職修各方同遵。

阜真都練二子。心光寂定。常葆圓湛。亦道中之傑才。民善老成持重。碩德服衆。法如心有定規。不踰修範。各子均宜精修精練。以圖前進可耳。

世藏前者於院會之功行。頗有所樹。惟堅恒持久。乃見天心。莫解初衷。莫輟修功。此老衲特爲告爾者也。知之。

飛升贊化憶當年。皎月凌空耀目前。何憶風雲忽交作。奔馳僕僕亦陶然。示世潤也。風雲所作。運之所通也。細悟於斯。自明所宗。爾修功尙稱圓滿。允符性田。知之。

南岡篤道不懈。肯於自勵。亦不失修人本位。知之。世悟。濟瑞。心有定才。性守天光。均堪造就。知之。

甯院諸掌監及各職修。均具夙緣。其中所以担任道慈者。若以上所示各方。均爲肩道有徒之人才也。各方務須化除爾我之偏見。滌清是非之私念。一致從大公之精神。以進以展。一切均由共濟之善衷。聚合衆靈。以資進展。斯爲吾

師所示爾修子之主旨也。各方勉參。

開植塗三掌。應機敷化。是機也。亦緣也。各賜福酒一杯。以充眞靈。知之。

甲申年四月二十三日甯院統科

尙真人訓 磊落胸懷意自如。篆烟一炷繞茅廬。堪嗟五霸爭周燼。可笑三分拾漢餘。坐看羣兒尊孔孟。不觀豎子頌唐虞。飛虹橋畔清霄月。常照乾坤一畫圖。

哈哈。吾道之展化。端賴天人共成盛舉。所宗於天者。則以化機之闢闔爲轉移。所屬乎人者。則以靈光之聚散爲主樞。是故化機宏張。乃天道之興也。靈光圓滿。乃人道之精也。天人共展。相資紹化。天道人道。相緣其美。故道化之宏張。得乎上乘之效果也。其次天道之化機已開。而人事之靈光未聚。或天道之化機未開。而人事之靈光已合。蓋得之於天。而失之於人。或成之於人。而敗之於天。雖天人之展化。不能并美。但得之於一。亦克維持道途之平坦也。是爲得之於中乘之效果也。再次則爲天道不張。人靈不聚。天人俱失。道運自阻。化機未展。靈光未定。斯爲下乘之道機也。是知道途之隆替。均不出乎天人二者之展化。然天道乃順乎自然之理。當其闢也。自然生長。當其闔也。自然收藏。化機如是。運命如此。數之所在。不能稍變。是以吾道依天理而論。每逢一紀之始。卽爲化機開朗之期。每當一紀之終。卽爲化機晦暗之時。故道之隆替。就天象而推測。乃自然之度數。非人力所可轉移者也。道之進展。天道既有自然之理。而人事之靈光。則可由後天而定之。蓋人之靈光。本出一胞。烝輪之體。卽靈之質。水輪之光。卽靈之形。合之則歸一系。分之則演萬派。他人之靈。與我之靈。無別無殊。無清無

濁。一而爲二。二而化一。既爲一系。故合衆靈。自成一圓胞。合靈之人愈多。則圓胞之體愈大。圓胞愈大。則靈光之眞品。飄然而升。上冲天霄。可弭一方劫運。下澈於地。可化萬里邪氛。邪魔俱化。則道化之前途。自然無坎坷之現象矣。是知欲吾道之昌隆。屬於天道者。固不可測。而屬於人事者。則可由諸修子共負成敗之責。其成也。靈聚而不渙。其敗也。靈散而不合。故各修子。只要能團結衆靈。合於一胞。自可促進道化之進展矣。故人事之靈。得於團聚。苟逢天道開朗。自成天人上乘之效果。苟遇天道之未開。只要人靈不渙。亦不失爲中乘之論也。各修弟子。務須悟明道化進展之基礎。而後能泯除四相。不失中道。各人培養自己之性天。諸方共圓一系之氣胞。則一己之修功。賴之以進。而吾道之開朗。亦因之而臻妙境矣。

哈哈。成已成物。自渡渡他。共彰其美。而修功養候。自得中眞恬定之妙境矣。諸方可不共策其力。而圖道化之進展哉。今歲乃吾道三紀之始。化機已開。欲道途趨于上乘。只須各方共圓其靈耳。茲者。世原應機飯來。而甯院之局面。則當更有一番之整進。蓋此次之整進。卽欲集壇前諸子之元靈。共圓一胞。是以乃有新化機之啓示也。師命自此次開壇。乃爲甯院復興後一大機轉。故院職之調整。實此刻之急務。前者於主院所派之四監。卽爲增強院務之初步。蓋淨、龍、理、合四監。近數年來。修功有進。慈譽日揚。吾

師屢以靈光默察。知爾等之性靈不昧。眞天自在。故畀以大命。而負此重責。爾等務須善體 聖意。勿二乃心。勿昧乃性。終始不懈。自可完此豐功。以達 神麻。師命各賜詩文一則。以資勉進。

憶昔逍遙洞府游。今生應運挽狂流。學宗洙泗人稱善。道展江淮旨趣優。文采宛如司馬策。經綸亞似臥龍籌。潛修祝汝功成日。譽滿東南十二洲。示桑淨也。

生有經世之鴻猷。德合修者之師範。好自加勉。自有善果焉。師命仍兼首席院監職。特加清靈八度。以充正氣。知之。

石門弟子證前生。曾駕龍飛萬里程。絳闕丹書題錦姓。雲台玉冊載芳名。心如秋水澄清色。意似春潮淨籟聲。道展江東機已至。行慈賴爾作干城。示阜龍也。誠篤之志堪嘉。堅定之心常具。如是行慈。自有

善果。師命特派兼充本院統筭掌籍。并加健靈八度。以定心靈。知之。

曾於青史頌流芳。樂駕慈舟萬里航。道範清超昭鳳采。文靈錦耀射龍光。天生雋士賢聲著。世篤忠貞善譽揚。修得中宮丹圃定。自觀妙果結田疆。示世理也。堅貞誠篤。允符修道。師命仍兼壇掌。并加妙靈八度。以益靈光。知之。

服膺吾道樂參玄。紹化南都亦是緣。金粟前身通聖道。瑤華粹質悟真禪。槐堂德瑞倫常敘。珠樹家珍福澤延。慧性圓融充浩氣。能從濁世啓堯天。示阜合也。心光澈照。性天日開。師命特派兼充統筭掌籍。加清靈八度。以增浩氣。知之。爾等四監。一體善悟斯訓。自克明其主旨焉。知遵。

師命派世潤爲維護副統掌。仍兼統藏掌籍。派渾嶠爲坐掌。派世藏、世子、都練、都綽、爲責任院監。派阜真、道縵、爲維護院監。此次院監之派定。乃以值日院監爲主體。維護責任院監佐其成。故有此次之調整。職方表中之院監名義。均以本訓爲標準。蓋以前所派定者。均由此次訓示。盡括之矣。各方知遵。

民善老成練達。乃甯院之先進也。仍居原職。特加清靈六度。以充性光。知之。

南岡對道慈之參與展進。頗抱熱誠。故致力不懈。數年以還。亦有助績可言。功成而不伐。勞而不怨。殊合正道。

師命特念前功。派爲本院記名院監。兼統筭副掌籍。好自爲之。自有後望焉。加健靈六度。以充性真。知之。

本院統掌乃和光兼充。惟光掌旅滬。非一時可能到院任職。是以代行統掌之職責。自當由首席院監桑淨充任。故以後之祝文。則可書代理統掌。以正名分。知之。

甲申年六月初一日甯院統科

守壇謝仙訓 哈哈。各位道友道兄等均好。能等於此稽問。伏念能等生前。恰逢大道敷化之期。乃恭承守沙葉仙訓

天命。應運導修。自問毫無微功可述。惟飯後。蒙師恩特予錫封。始克超升靈界。故

師恩蒙被。惠及諸修者。亦云厚矣。今歲適值道運轉關。能等更經樞領優旨。承乏斯位。然守壇守沙。何等重任。而能等何德。拜命之餘。不勝悚惕。惟天命所在。只得順承化機。以資闡化而已。今逢甯院復興。三週慶典。各道友道兄。齊集一堂。亦樂事也。能等不才。謹同獻祝詞一則。以資紀念。祝曰。靈光兮魯殿。雅化兮金章。瑞氣千層兮橫穿佛國。祥烟萬丈兮直貫仙鄉。復興兮三載。紹化兮八方。道範昭儀兮千秋共仰。慈航普渡兮萬里馨香。

濟佛訓 敷化雲壇烝旨傳。均從性理闡真詮。無知無識藏知識。非妙非玄隱妙玄。孤鶴夢中飛海月。雙堯影內落江天。心平養到圓湛日。不起風波不染烟。

哈哈。時逢三夏。序屬未宮。律應林鐘。卦占遯爻。綠陰茂柳。山嵐起色。芬芳瑞蓮。湖光俱瞻。彤雲呈瑞。歡筵集南中之人仕。管樂歌揚。慶典效華封之儀則。復興三載。靈聚一堂。合心合德。盛況空前。老弱躬參佳會。靈感衆修。性光映照。一息相通。共參道範。同悟玄微。只此一渺時光。瞬息卽合。諸修同沐靈光。其功候之進境。則增一度之履相矣。回憶下關院會。自壬戌朔始。闡化十六載。及丁丑後而中輟。彼時剏院之修子。若能靜肖嵐等。多數皈真。繼起之士。若和光福航善繼等。又遷居滬上。此十餘年之道修。乃第一期之道化也。迨辛巳復興。因人靈之不聚。其間曾一度遭焚如之劫。彼時世原總其成。兩年多之敷化。雖未有進展。但能奠定永久之基礎。亦屬不易。迄今歲世原又飯來。道運轉關。故院職之調整。均所以培植甯院之更興。故三年以還。草創之局面。乃第二期之道化也。自今日始。至復興一紀止。乃甯院之第三期道化之時間。此後九歲之中。以桑淨之心與道一。堅誠自矢。以阜龍之見義勇爲。樂善不倦。以世理之慈心爲懷。樂度羣黎。以阜合之智慧圓融。善於導化。同心合力。敷化一方。足以奠定道體。他如民善渾嬌。乃道中先進。都綽都練道縵道網。心誠好義。乃仁者之善行。若阜眞法如等。恭參道機。均可推展慈用。體用兼備。道化自興。故第三期道化。惟須各掌監。善體時機。以完其功。蓋道化始於今日。實亦成於今日。慎終履始。道興慈展。而大同之氣象。爲時不遠矣。化

機已示。各方遵此以進。自可成其功焉。各方同參。知之。

甯院院基。前歲主院已有詳示。今日之局面。乃通權之所在。俟第四期道化。自得隆重巍峨之院基。各掌監勉盡功行。以促化機實現可也。知之。

道慈基金。須剋期完成。一切判獎。均聽主示。各負責人員。一體勉盡功行。以膺後命。知之。

甯隊已派世理負責成立。須本前訓於母壇一體報命。

師命加派南岡爲副隊長。以資進行。知之。

統文一席。雖掌籍早已判定。但離職已久。暫存原任。其代理統文之職務。

師命暫由冠性兼領。此席既由性子暫代。自須來甯確負責職。此亦効京處之文牘。由主院各員兼理也。

各監記遵。

第三期道化。事務日增。人神相機合靈之期愈多。實緣一歲僅止兩度合靈。不足以盡行判示。故有特科

之加開。以重化機。然特科加多。甯院之慈款。担負必重。故吾

師有鑒於是。乃將壇務加以調整。調整方策。首將一切特科。均免開。更本主甯一家之主旨。主統卽甯

統也。兩統合一。甯院道務。附於主統。判示一切。如是特科既無。而化機仍順利進行。只不過職纂耗

靈之處。雖云功行所在。而各掌監亦當善維纂靈。以重修誼。自立秋壇起。凡主訓每科有關甯院或甯院

掌監之訓。均另錄寧簿。以便考查。知之。

此次添派統文。調整壇務。均本京處之先例。而加以判示。甯院各掌監。只須通澈。京處之方策。及道

機之進行。卽可默識於衷。况甯院乃主院駐下關之辦事處。故吾

師之判定。均有前例可循。各掌監悟遵。

八卦洲道院壇訓

癸未年二月初六日卦院統科

孚聖訓 卦院自創辦以來。年歷三載。道慈進展。敷化宏張。今逢此佳會。特撰祝文一則。以資紀念。祝曰。

乾元肇始。坤判玄黃。炁成水主。帝籍輝煌。聖靈誕降。五教同昌。皇極經世。燦爛文章。水輪運轉。吾道重光。首述經旨。奠定紀綱。洲名八卦。蘊育陰陽。應機設院。地利宏張。湍流幽雅。宛若仙鄉。鍾靈毓秀。萬里馨香。卍幟所樹。懿徽飄揚。江心舟楫。水中慈航。禪坐潛修。功候允臧。同躋仁宇。熙皞堂皇。年歷三載。風動四方。憲章斯道。遠紹無疆。

哈哈。一命主炁。貫極人天。天理運化。藉人靈以闡明。人道倫常。假自然而攸敘。相資緣化。兩自無爲。順炁輪之妙轉。合靈化之因显。故華夏數千百年前。因聖賢之克明天道。乃導民設教。其教義所闡揚者。皆以天人一貫而盡述之已。觀於儒宗易理之流行。論天人之主體。道教之玄關奧諦。講天人之涵育。蓋天地定位。山澤通氣。雷風相搏。水火不相射。八卦相錯。原始返終。天垂象。地成形。天道乃立。河出圖。洛出書。人道斯定。故易理變化。因卦爻而流露天機焉。再者。若道祖所謂。人法地。地法天。天法道。道法自然者。亦深括此玄機秘旨。蓋攸攸坤土。渾渾大地。所法者。法其無所不載也。洞洞乾元。蒼蒼昊天。所法者。法其無所不包也。有物混成。先天地生。所法者。法其無所不生也。炁解放瀾。水德生物。所法者。法其無所不育也。故儒道兩宗。得天人一貫之經義。實相合宜。均以自然爲主樞。皆以道化爲歸根。是以炁靈所通。妙化生焉。觀於龍蛇居淵。並處而不相害。松榛共野。同長而不相侵。炁靈充寓。德化流行。故有如是之顯象。所謂道並行而不相悖。萬物並生而不相害。卽深言此妙化之真境也。攷諸史乘。上元紀始。原始人民。靈化炁合。開物成務。精明內蘊。上合天心。故雖茹食穴居。同處一團。毫無爭執。此三代民風敦厚之由來也。然降及茲世。聖道淪亡。禮教不興。真誠之學衰。渾厚之氣少。人質之薄。莫此爲甚。故當前急務。乃從匡正人心做起。蓋正心誠意。爲淑身化世之根源。諸方苟欲致力於斯。則更宜以復興禮教爲主體。然聖經中。足以參贊化育。貫通各教者。則以易經爲基本。故吾師有言曰。且昌卦爻。稍得門徑。卽天人攸關之真諦。易理盡述無遺。曰立不易方。體天德之教化。不惡而嚴。悟太虛之包容。故吾師以訂功導修。懲忿窒慾。以滌塵氛。改過遷善。

。以益道心之清明。如是而修。則心包圓化。氣運洪鈞。先天不違。後天奉時。無慮之心。心空天地。無滯之機。涵育萬物。民胞物與。並列三才。天人貫通。俱體悟於身心焉。

卦院自創設以來。經良修倡導。主院及本院諸方之贊助。敷化之擴展。其迅速之發揚。實院會數年以來所罕有之功行也。故當此三週紀念伊始。吾師更望良掌。及諸修方。仍本已往和衷共濟之精神。再接再勵。共圓一胞之大化。此聖靈所共期望者也。諸方務須懷受 師意。一同勉進。方不負神聖之雅望也。但本院因道慈之淺鮮。及地位之偏僻。雖化機未至。而人靈之團聚。尤爲當前之要務。况地處江心。鍾靈氣之蘊育。目前之幽雅。實宜於修功之涵養。是以當吾道南行之始。吾 師乃有設立道德分社之命。蓋此分社。實爲東南道修證功證候之真境。將來主社宏布時。亦必賴於此分社爲擴化之根源也。諸方務須體吾 師意。以發揚分社爲諸方之責任。庶乎道之敷化。慶得人已。

卦院道德分社。於上弦日午正。安 康聖位於統院。用五獻儀。知遵。卦院道德分社。師命派良修爲社長。派冠岐爲責任社長。懷仁派爲副社長。派輔修爲社監。餘者由人事推選。選妥呈主社壇判正。知之。卦院三週慶典。主甯燕蚌滌宿各院。均有代表來卦合靈。實屬盛舉。師命凡參加慶典之代表。各記大功一次。加天靈六度。以示優遇。

明日巳午交。師命卦院職修各方。及各院代表。合坐十二度。屆時 達祖親臨。以靈相感。而糾正坐候。諸方務須平默定靜。則神人合靈之妙化。自有一番新景象也。諸方勉遵。坐前誦 聖號三百六十稱。坐後誦化劫呪七百二十遍。則清靈團結。自可化太空之邪氛也。

明日午餐畢。師命卦院諸方。與各代表。共開道慈演講會。派良修爲主席。同時由代表中。訓派根淨、文青、天琳、象佩、爲各院代表。對道慈兩務。均須有所闡明。同時良修可報告卦院三年以來之進展。以資促進合靈之妙意焉。師命明日無壇。上弦日未正後四度開道德分社專壇。諸方一體到院恭侍。知之。

傳 師命派黎微爲卦院流通統掌。派世原爲卦院維護統掌。派文青、明源、阜龍、道祥、象佩等。均爲維護院監。以示優遇。其餘代表。未派者。將於卦院道德分社有所任命也。知之。

癸未年二月初八日八卦洲道德社社統

康聖訓 玉壘青山紫岫悠。斜風細柳蕩輕舟。江中波浪連天湧。洲上煙雲落地收。鶴舞遙蟠荻港月。雁聲遠播岳陽樓。今朝已覺韶光滿。千古無情水自流。

天地之大德曰生。聖人之大寶曰位。蓋生之源也。因炁水之蘊育而肇端。位之定也。由道德之涵化而奠基。原夫天之成也。炁主其樞。地之成也。水通其根。故持載包荒之大德顯焉。而聖王導化。道蘊其理。賢哲設教。德致其用。故倫常仁義之大寶形焉。是以炁水爲天理之根源。道德乃人生之主宰。然道因炁定。德因水成。道德之敷化。實以天理爲歸樞也。但貫極天人之至道者。惟性能通之。按性字從心從生。此生之本位。卽天地之大德。而心之基礎。卽聖人之知能。故性之所化。順命宮而動息。本水輪以致用。是以聖賢澈悟斯旨。乃以性善之原理。教化於人者。非無由也。然性之善惡。實以一念之差別而判分。善悟則善。惡悟則惡。觀於孳孳於善者。舜之徒也。孳孳於惡者。跖之徒也。夫一意念間之界輪。卽佛鬼仙邪之判分。故性之所通。其關係實莫大焉。蓋善之爲善。因自省以致其功。惡之爲惡。因自肆以截其源。自省類仍。則炁水主化。萬物具通。吾人感之。自覺適合天理之同然。是故見善若不及。日常克己。自能集小善而成大善。若一勺之水。積之可成河海。一簣之土。堆之可成山嶽。而善之成也。亦如是耳。但自肆不悟。則後坤不克回光。眞虛不集。諸鉛無導。以致錯機達度。吾人見之。自覺是非之難容。是以見惡如探湯。苟迷而不悟。不知皇天宰理。則一錯而再錯。將伊於胡底耶。如此而行。曾積惡以自作。若星星之火。可以燎原。滴滴之水。可以汪洋。而惡念之爲崇。亦猶是也。故聖道設教。皆以正心誠意。爲教導之原則。正心而後浩氣所充。自無往非善焉。誠意而德之流行。卽暢於四肢。發於事業。慎行謹言。又何有惡念雜生耶。是知心道教化。實爲人生之目標。若上元時代。民風淳樸。心道流傳。達乎六合。故人民自幼。卽教之以正心誠意也。察於年八歲。而入小學。坐戶立齋。明善復初。因遜志時敏。以志於學。年十五。而入大學。明德親民。止於至善。因靜寂極歸根。玄關奧化。以澈悟於道。故三代之治化。而能輝煌百代者。卽斯之論也。迨於吾 師導化。猶以坐功之實練。以爲收

放心之主體。蓋坐之一切。易旨所備。默轉妙靈。則三息十動。均順天機。思不出位。則五宮玄關。俱合自然之寂定。如是而修。如是而坐。平默修功。卽臻虛室生白之妙候。丹心內結。善念所充。坐功成焉。故諸方只要堅誠於坐。葆此一點精靈不滅之性光。物來澈照。無所不應。烝海關定。走堅分途。自合於善性之涵育矣。諸方悟透斯語。從不矜不躁中。悟回先光。從毋必毋意間。明通道德。庶乎完成修人之天職焉。諸方共悟。切勿使一念之差別。造因造果。自塞本源可也。各方勉遵。

自容歲午火當令。吾道南遷。故道德社之推展。實爲目前急務。是以今歲寅月。東南主社。創設於前。以後東南各院。皆將創立。以負研道之責也。然主甯卦三院。同列京市。主社旣設。則卦甯二分社。亦必當因機敷設。是以卦院。奉 師命。先於東南各院而設立。其化機之含育。實有攸關焉。然道社成立。非僅爲名義上之創立。其中要義。更爲諸方闡明。當此社成立後。均當躬行實踐。對道旨務須勤於學習。對道功更宜堅恒鍊達。此設立道德社之基本原由。諸方共體此義。以圖自進可也。道社與 聖會。表裏一致。道社爲體。奠聖功之真義。 聖會爲用。啓王道之闡化。一內一外。實道院之門戶也。蓋各院道社一日不成立。卽一日道化之組織。未曾完備。諸方更當明瞭道社。非泛泛之創設。各自凜悟。切勿猶疑。自生魔惑也。卦院前派各職外。茲更派數人。以共肩斯重任。

師命派覺正爲責任社監。派瑞徵爲維護社監。派道潭爲責任副社長。派阜龍爲維護副社長。派靜仁爲維護社長。諸子務須膺此大命。共行推展道化。各子勉遵。

良修、輔修、福蓬。共同資展。卦院道慈兩務。功勳所樹。誠昭昭在人耳目。此後更當善遵。 師命。堅誠不二。則慧光日足。淑身化世。實屬攸賴也。各子勉遵。

靜仁在主卦兩院。負敷化重責。堅誠不懈。數載於茲。功勞之宏化。樞籍亦因之而生光也。除派社職外。其院職。 師命晉爲責任統掌。以獎勵績。靜掌勉遵。

阜龍在甯卦兩院。精誠自勵。和氣充蘊。善衷擴化。殊堪嘉尙。除派院社重職外。更記大功二次。加天

靈八度。以示優遇。知遵。

冠岐、懷仁、道潭、覺正、對卦院道慈之推佈。功行亦殊宏大。

師命各記大功二次晉天爵一等。此後對院會社三方事務。須襄佐良掌進行一切。而勿因細目。各生已念。共稟圓覺之正義。以促進道慈擴充可也。知之。

癸未年二月初八日卦院續統科

濟佛訓 哈哈。漪歟斯域之地利宏張。善哉。諸子之法華盛會。蓋卦地鍾易理之變化。本卦爻之流行。烝靈充蘊。眞水寓焉。此地乃前二百五十萬紀前。吾師與諸阿闍黎祖百五十人具默靈合坐之域也。今當法會重光。卦院三週慶典。適合證坐之紀念佳期。天時地利。允稱合宜。而諸方於穆一堂。更得人和之涵運。所謂三美具備。老衲以靈相感。欣慰奚似。昨日合坐。

達祖奉 命以靈感化。實數千百紀以來。未有之盛典也。查諸方合坐之功候。其履相頗合中道者。不過三四人而已。餘者。昧於放肆者有之。坐於昏沉者有之。泥於守窳者有之。惑於縈思者有之。此四端實爲諸方坐功之流弊也。達祖頗費清靈感化。但多執而不悟者。亦無可如何也。此後諸方。共悟四端流弊。細心體驗。從圓覺性海中。自有魚躍鳶飛。海闊天空之眞境也。諸方共悟之。可耳。

卦院慶典。象珮、天楸、志道、三子共參盛會。實機緣巧遇。

師命特派三子爲卦社名譽社監。以示優遇。三子善作功行。將來俱吾道之干城也。好自加勉。老衲有厚望焉。特傳。

師命加派根淨、冠塗、爲卦社名譽社長。知遵。

凡昨日誦經呪各方。頗能團結清靈。各賜統寶二尊。加清靈四度。以獎功績。各自凜遵。此囑。

傳 命主院。初九日之週議。暫免開一次。

鑒掌記遵。

卦院女社因人數寥寥。實難收圓靈團聚之宏麻。傳 命各女弟子。善加坐誦之功。以圖自渡渡他之善衷。早達其志願也。各坤方勉遵。卯月 蓮聖誕日。主社行遷位盛典。傳 命東南各女社。能派代表參加者。尤所歡迎。苟不果來人參與。各地女社亦當有祝

文對聯等贈送。既藉資紀念。更克敦行道誼也。各地女社同遵。凡此次來卦參與之各院代表。返院後。即當負辦理此項祝文也。卦院最好能有代表參加。更能促進京市靈化之圓滿。知之。此訓由主院統文案。遵訓速爲傳達。鑒靜二掌記遵。此囑。此次卦院開沙。乃專爲慶祝三週紀念。及道德社創立兩務而敷化。諸方當共明此壇之任務。切莫期待其他壇之續開也。知之。

甲申年三月初七日卦院統科

守壇徐仙訓 江水環流燕子磯。鈞天浩月夜增輝。山河不改千秋色。天築玄禽頂上飛。

守沙袁仙訓 麥浪平舖八卦洲。青邱依舊枕江流。仙鄉亞似桃源境。世外逍遙歲月悠。

慧聖訓 願隱山崖傍水邊。今生了却舊因緣。酒薰花煖同猿臥。夜靜松高伴鶴眠。坐看平湖穿燕影。立觀江水共蒼天。悠悠世外消閒客。不管塵凡幾度年。

原夫文化之源。本諸卦象。道德之本。宗乎易理。是以龍圖呈體。孕乎八卦。河書獻瑞。蘊結九疇。八卦以演易理之流行。九疇以敘道德之紀綱。蓋易理爲道德之主體。道德乃易理之妙用。故倫常之顯化。須以卦象爲宗。而卦象之真諦。須賴倫常爲證。是知卦象倫常。乃相緣資化者也。觀於卦象有乾坤之奧理。而倫常則有君臣之至義。家人之卦明。而父子之親定。咸恒之理彰。而夫婦之職別。同人之象卓。而長幼之序分。中孚之象闡。則朋友之信立。是知易理之經義。括述人倫之憲章。及典禮之儀則也。旁及萬類。品物皆合。若雁行陣列。乃闡乎序。鶯求於聲。乃敦乎信。蟻之擁王。體於義也。鸞之和鳴。知於別也。鳥之反哺。明於親也。試察物象。盡合卦理。故易理爲天道之主樞。卦象爲倫常之軌範。天地之大。易理盡言其妙。人物之小。卦象以明其用。是故天地人物。均以義爻爲歸樞。然倫常教化。因古聖之闡述精微。乃能敦化。而其教化之施。則賴禮義以敦庸行。義以治心。禮以治躬。內心之涵養。常順天理而委蛇。外躬之修範。當守天道以演化。義者。善性之良知。不味真光。禮者倫常之操守。不失儀則。故修子欲進窺聖道之門徑。須從外而治內。外躬所行。守於五倫之道。合於五常之德。即知乎天命。達乎天象。外躬苟得其真修真養。則心光開朗。洞現良知。慧光圓湛。內修成焉。內修之成。即

所謂合其真矣也。故修子果克以禮範身。以禮制躬。則非禮不視。心目合於窆己。非禮弗聽。則太音通於窆己。非禮弗言。則黑潭塞於兌也。非禮弗動。則絳宮定其位也。窆窆貫通。真體乃定。定於至靜。心君自守。定於平默。心神自安。是知禮以修身。其心自善。諸方只須以禮治躬。一舉一動。均順乎倫常正道。其修功未有不臻於妙境者也。况洲蘊陰陽。遙通真炁。各方苟以易理爲修道之正軌。則天地之鍾秀。卽克助長諸方之功候。是望各方。詳參斯旨。以培懿行之教化可耳。

卦院未曾合靈。又已一歲於茲。縱觀一載之時光。各修之功候。已臻於妙境者。大有人在。然自守不進。荒於廢弛者。亦不乏其人。是以成者自成。廢者自廢。考其成者。不外坐修參誦之功。孜孜於不倦。有以成其妙果也。此次合靈。各方踴躍來院。實徵諸方之修功。已略有開悟。是故此後各方對於修養。當以坐誦不輟。爲不二法門。不然。一誤再誤。終鮮解脫因果之時日也。各方同參。

卦院第二步工程。人神均有詳慮之體驗。雖一時因物資之缺乏。難於實現。但建築之策謀。與募捐之進行。仍須由各掌監。體悟時機。而樹立規模。以便後日建築時。可以順利完成也。吾師運轉妙靈。助爾修、仁、諸掌。迪爾等之靈光。資爾等之性光。故人神合靈之展化。可得天人具美之宏庥也。各掌遵訓進行可也。

第二步工程落成之日。卽爲華夏之諸佳弟子。重證前二千五百紀時之研坐慶典。有此慶典之集靈。而後八方風動。正氣充揚。精微妙旨。闡示眞陽。壇前弟子。頗多彼時集會之人。故當加開示。以勵諸修。且明示第二步工程。實有關於道運之進展也。各掌監務須樹此天人共仰之功助也。

良修靈光日益凝定。慧性已見開朗。篤道堅恒。頗堪嘉許。輔修心有餘智。心光澈照。平默端方。頗合中道。福蓬智慧圓融。心靈平默。道功日進。允符正道。一門誠篤。德宗餘蔭。此後更須本已往之善衷。以進以勵。造福利於人羣。樹慈助於天籍。立修功之精微。昭道範之修式。吾師對爾等。頗有莫大之期待也。爾等同遵。特均晉天籙二級。加清靈八度。以示獎勵知之。

靜仁在卦。俱膺重職。阜龍在甯在卦。承擔任任。二掌監之資展道慈。不拘一隅。可徵胞與爲懷之念。是以二子。此後對京鎮道區之展化。當勉進功行。以成爾等之善志。師命各晉天爵二等。加天靈

八度。以充性光。知之。

冠岐對道頗具誠感。惟性理之所求。尙待勉進。以促進化。師命特晉天爵一等。加健靈四度。以迪真光。知之。

樹蓬對道。而今亦略識門徑。以故道功。尙克自勵。好自爲之。將來自有福報焉。師命特晉天籙一級。加圓靈四度。以充性光。知之。

甲申年三月初八日卦院統科

尙真人訓 重遊仙島。再履芳洲。感昔日之徘徊。念往者之閒遊。聊成五韻。以記感焉。
駕鶴朝天闕。雲隨彩鳳飛。階前春色滿。窗外雨聲霏。劍氣穿千樹。瑤光繞四圍。灘頭鷗夢醒。獨立笑人非。

哈哈。古往今來。世代交流。滄海桑田。瞬息萬變。故現於古者。不見於今。出於昔者。不來於茲。是知天道之運復。往還不息。天地之間。凡屬有形有象者。莫不如是。然不因世代而消滅。不受炁氣之變化者。其惟聖道而已。是故乾坤自若。依如疇昔。日月交明。依然舊觀。然其長存而如乾坤。光明而如日月者。則惟聖經而已。是以道統賴經籍而流傳。經籍賴道脈而發揚。道載於經。經闡夫道。相緣存在。雖歷萬古。而不得泯滅。雖經千劫。而不得淪亡。蓋道通烝輪之源。生化萬類。一元肇始。天心初動。道爲之始。而經集天地之精。先覺靈化。金光充寓。聖心所鍾。經爲之授。故秦火一炬。何能滅斯道耶。邪說充塞。何能傷斯文耶。不過道有晦明之別。經有消長之分。其晦其消。自難脫天道之運行。其明其長。自易得天道之資展也。溯自孔聖立洙泗之真學。述而不作。憲章先聖。以天賦之聖。溫恭自處。儉讓自居。故遠頌於唐。則峻德可傳。近稱乎周。則郁然可從。演古證今。乃通於乾坤妙理也。追昔懷茲。乃所以光昭日月也。斯文不喪。道統永傳。數千百代。尤宗其學。數十萬世。尤崇其論。道派之貫通。以成千古之教化。經文演化。以延遠紹之聖功。是知華夏之聖賢。演道傳經。厥功偉矣。迨夫近世。異學爭鳴。道統幾乎失傳。萬派相擾。經文幾至墜淪。幸

師道敷化。始將道統發揚光大。更將經文闡述天理。以致合五統六。治於一爐。百教所宗。合於一系。所謂儒耶回子。皆系胞餘。卽言此旨也。諸方生於道統重光之際。適值經文再授之期。貞元交會。從下而上始。水運重生。從金運而至水輪。道統因天時而宏張。經文賴人和以感通。天人交感。故道之紹化。兩紀以還。遍及神州。茲者。本院位於羲爻之靈化所在地。地利相長。更克與天時人和共圓大化。同集衆靈。故諸子得於地利之資展。更克培德業之輝煌也。慧心各子。可肩斯展道之宏任。可負此紹化之重責。既成於人。兼成於己。既渡於他。兼渡乎己。一舉兩得。其樂奚似。惟道不遠人。苟欲仁。仁斯至己。而經籍猶在。苟欲文。文斯通己。是知仁義道德。祇須諸子返躬求之文章事業。只須各方奮身得之。求於躬。得於身。是爲夙慧弟子。所樂於勉行者也。各方共參斯旨。自當以身作則。而師表修範。莫自悟道機。可也。

卦院四載以還。所派之院職。多係創院時有功之佳弟子。然時歷四載。於此短促之光陰內。職籍諸方。似依妙山者有之。離院遠行者有之。以致院職已不健全。雖屢經派任。亦尙有未能適符所任者。故師命將本院院職。凡有畝眞及離院之重職。可由人事推定。以健全內部之組織。修仁等記遵。推定後。寄主判示。以昭神人合靈之展化焉。知之。

主卦兩院。本同一系。二而爲一。一化爲二。故此定期壇之敷化。卽促進京鎮區。諸院聯屬之關係。茲加派主院道開、冠楨、和光、爲卦院道慈統監。派鎮院雲程、元恕、爲卦院道慈附統監。以資展各院共圓一胞之宏化也。知之。

師命晉福蓬爲責任院監。晉樹蓬爲維護院監。以增厚本院之靈氣。知之。瑞徵慧性圓融。八誠道有所悟。慈實心胞已定。精誠靈已略充。各方均須善自修持。以臻於上乘。各加清靈四度。以資優遇。

女社之昌興。須賴二步工程。以促其機也。守性等可善於自勵。每月朔望。均須集數修者。合誦聖號三十六稱。化劫呪三百六十稱。以培社靈。傳知此囑。

明日午後。鑿掌率纂職返主。仁掌行程自定。俗務未了。緩行亦可。特加冠鑿清靈八度。以滌塵氛。知

之。

甲申年九月初八日卦院統科

濟佛訓 雲水溪光一片明。荻蘆深處釣舟輕。一川木葉隨潮長。三徑菊花伴影生。風雨千年驚夏夢。江濤萬里助秋聲。南屏故郡閑來往。喚起前緣舊日情。

哈哈。老衲未臨卦壇。又已半歲。諸方靈聚一堂。集四方修子。展八方慈渡。奠院基以昭千古。立修範而示懿型。誠哉盛典。老衲恭參是會。亦與榮焉。哈哈。

俗謂千里之行。始於足下。百尺之樓。成於砌土。旨哉是言。蓋千里之遠行。自始點以達終境。其間跋山涉水。非一日可達。故明智之人士。自然不避艱辛。勇於前進。終有完成使命之願也。而百尺之高樓。自砌土以至落成。其中安樑架柱。亦非一時可完。故上達之修子。必當堅毅勇爲。不渝乃志。終有告成之日也。觀夫玄奘步履於西方樂土。雲游於釋宗聖地。萬里長途。無阻乃志。千慮崇擾。未障其行。是知賢者之堅誠信念。終始不背也。耶祖之手築九層高臺。以濟蒼生。親修百丈之碑。以祭諸天。九層之台。非爲小也。百丈之碑。非爲短也。然聖者本其度世之宏願。雖亦不見其苦。更本敬天之正道。雖長亦不以爲勞。聖賢之事功。由是可知。所謂有非常之事業。自有非常之人。有非常之人。始建非常之功。古往今來。多少聖賢豪傑。那一位不是自勉自勵。而成功者哉。蓋非常之人士。乃得天獨厚。具大圓之智慧。抱渡世之使命。諸方認清此點。自知各修子。承吾師之大命。分途敷化。均是非常之人士。皆可樹非常之功行。是在諸方自圖勦進。順天理而委蛇。守天命以自進。行天職以自渡。惟慈航而渡世。成己而成物。自渡而渡人。人我一體。渾然物化。渡世之初念。作如是觀。而建功行之終念。亦當作如是觀。以如是爲如是。則天耳所通。達於四聰。天目所開。澈照八荒。如是我聞者。天命也。如是我觀者。天道也。所知內觀之道。更應信受奉行。躬身自進。克己自勵。庶乎非常之事功。得以樹立焉。諸方於壇前相聚。實爲重晤前緣。緣分所在。安心自勉。將來之建樹。當有永垂千禩。流芳百代者也。老衲殷望之至。凡爾衆修。一體恭參可耳。

卦院得地利之開張。自古爻象。故吾 師屢述前緣。以勵衆修。實冀上下合心。一同邁進。只要一本初衷。非難作到天人同慶之偉大院基也。是知各方。在修掌堅毅領導之下。諸方抱絕大信念。盡極大功力。方克築樹非常之功。諸方切勿昧於人見。以爲世界上之艱難工作。非易完成。須知九仞之高峯。其成者吾進也。一簣之土。其止者吾退也。進之與退。雖均吾也。然始成終敗。僅一念之差別耳。諸方悟通是旨。卽明瞭卦院之第二步工程。所以落成者。乃諸方共進之功業。反之。則自退之俗見而已。各方細參。是囑。

第二步工程之醞釀。雖已經年。但化機所阻。未得實現。殊爲憾事。茲者砌土有日。距落成之期雖遠。但覓模策劃。均寓修掌之胸中。加以以剛克突進之誠信。自今後果當有待也。故吾 師念爾修掌。一門篤道之執誠。並勵獎前功。是有超昇之前命。持准入祀三代。以蒙天庥。其三代先靈。乃會祖

師命錫爲真華真子果位。乃祖師命錫爲篤化真子果位。乃父

師命錫爲玄智真子果位。均超昇靈界。

師命明日未正行安位禮。先家屬朝拜。而後同修祝賀。以敬天命。而敦道誼。知之。

重陽日已正請乩。提前合靈。乃促進已午交。神人合靈。以弭靡氛。而利工程之進展焉。知之。

志清與老衲廣結善緣。老衲雲履南北之邦。爾亦足遍江淮之域。故合靈晤敘。隨地有之。相接之緣。不亦厚哉。今來恭侍。氣平心定。修功頗有增益。特賜靈酒一樽。以充靈光。知之。

輔修熱心道慈。善體 聖意。故此次吾

師特畀以陰務之重責。此隊在爾之籌劃中。當速爲辦清除員任職證。及願單。而資完備。此後相機救濟。自可發揚慈譽也。特加天靈四度。以充清靈。知之。

象珮爲宿院之中堅。客歲吾 師特畀汝院會之重責。爾尙克順承天命。殊堪嘉許。今與老衲合靈。實爲樂事。爾性光圓湛。已通三昧。

師命加天靈四度。以資充靈。知之。

實修來壇聚靈。亦難得之良機。爾慧緣尚厚。自當好自爲之。以樹慈功。

師命加健靈四度。以充正氣。知之。冠植久未來封。茲逢二步工程之時。故須賴爾之清靈。化弭邪氛。更昭示爾之堅誠。以勵衆修。此行多勞。着加清靈四度。以充靈光。知之。

師命於第二步工程開工後。不無廣崇叢生。是以先期常有化弭之策。適逢四方雲集之會。特命冠植爲巽方主鎮。阜龍爲艮方主鎮。明源爲坎方主鎮。象珮爲乾方主鎮。志清爲震方主鎮。冠鑿爲離方主鎮。靜仁爲坤方主鎮。輔修爲兌方主鎮。良修爲中宮主鎮。於壇後在聖案前。八方主鎮。按後天卦位。面內朝立。中宮主鎮北向。餘者各方一體排列中宮主鎮之後。而造成四方雲集。八方分野。九宮定位。衆星排列之圖式。各主鎮則誦聖號二百四十稱。化劫呢三十六稱。奠基呢三十六稱。餘者默誦。如是則可化萬劫萬魔於無形也。各方知之。

甲申年九月初九日卦院統科

慧聖訓 黃玉照眼感荒涼。霄閣登臨興味長。風急天高排遠岫。烟蒼露冷隱孤航。雁啼塞北三秋調。樹染江南九月霜。嘗慕松山雲外叟。更將美酒話重陽。菊蕊呈黃。蟹樽染紫。茲逢登高佳節。更值渡化良辰。美景天成。盛典聚靈。誠樂事也。善諸方入院求修。所求者爲道。所修道亦爲道。道之所在。聽而不聞。視而無形。既不可聞。所求者何從。既不能見。所修者何守。是知諸方。對道之從守。當順自然之輪運。不沾於象。是謂真求。不染乎聲。是曰真修。象不得見。乃道之真體。聲不得聞。乃道之真晶。道之本體。渾然虛胞。大小自如。不固乎象也。道之真晶。潔然自立。輪變化合。天籟鏗然。聲之飄渺。無從着想。故道之真境。不染幻聲之鳴蕩也。觀夫聖賢聞之於心。聽之於心。即可通天命之運化。更能明天性之善良。故智者聞道。遵守空象。達者明道。不味幻聲。存其天性。守其天德。道之修練。始積厥躬。然道之真境。深而言之。雖神聖仙佛。猶有未解。淺而言之。雖愚夫愚婦。均可行之。其理雖至玄至妙。不易測解。其行則至平至淡。盡人均宜。知之維艱。行之厥易。證諸書經之聖誥。自知中

庸之操守。乃參贊位育之主樞。爲川流敦化之真德也。

哈哈。諸方共參道旨。卽明求道之宗旨。更澈修道之途徑。道旨旣通。當賴乎坐。所謂修從坐始。成亦從坐始。諸方旣能堅修於始。必克達成於後。終始貫通。善性常存。則修人之真樂。當體乎衷矣。各方一體詳參。以圖自進切囑。

卦院將來開展之化機。將因二步工程之奠定。而發揚光大。各方切記。俟十週慶典之際。院基完成。則集坐演經曠典。更將召開於此域也。時至彼刻。八正玄微之天籟。亦將應機而廣佈人間。以爲修者之資鑑也。將來之化機。尙賴爾諸修。自此刻卽抱大誓願。堅持到底。乃奏全功焉。各方同遵。知之。福蓬智圓行方。修功有素。此次承

師命委以除職。自當具揚慈護道之誠念。以廣濟蒼生。而自膺天德。特加妙靈四度。以定心光。知之。冠岐對卦院之工程。亦當應機贊助。以資策進。爾近來對道。已有進益。心光澈悟。尙堪自勵。特加清靈四度。以充靈光。傳諭知遵。

靜仁在主在卦。阜龍在卦在窞。所樹之功行。昭然盡知。自知前進。無待贅言。爾子同各加清靈四度。以定心光。知之。

樹蓬對道之涵養。亦有進境。性定氣平。尙堪自勉。此後當好自爲之。以樹功行。特加健靈四度。以充性光。知之。

覺正對道慈之展化。尙須勇進。必須勞而不伐。功而不驕。自合諸中庸之道矣。特加清靈四度。以壯行色。知之。

正誠潛修自守。樂於參玄。自宜勉之。以獲後果。特加健靈四度。以定心光。知之。

精初頗知自修之道。半歲以還。修功雖未進展。但魔崇已不滯於中。此點亦爲好現象。且再精坐。卽可進益。特加健靈四度。以定心氣。知之。

冠蓬明源。應機展化。對主卦之貫通。頗有所供獻。特各加天靈四度。以充正氣。知之。

涵六對卦院。具維護之誠念。

師命特派爲卦院維護院監。以資獎勵。此行多勞。更加清靈四度。以充性光。知之。冠性對卦院之內務事項。當肅道誼。善加導進。以勵功行。特加健靈四度。以定心神。知之。卦院各職修方。均須自圖精進。以求後果。各方一體加清靈二度。以資充靈。知之。

東南女道德主社壇訓

壬午年十二月初十日女社統科

如爽
侍慕
天錫

班仙昭訓 庚嶺梅花逐次開。籬邊殘菊倚蒼苔。松幢竹葆標寒節。振美形徽頌素材。夫頤眞養性。克敘彝倫攸德。揚徽闡道。堪奠醇樸之風。蓋里仁爲美。則尊其貞。倫常克守。則歸於靜。貞也靜也。道體寓焉。靜也貞也。德化形焉。故貞靜之道德。爲聖賢作綱則之本鐸。是以伏羲訂婚禮之嫁娶。而貞德始明於典籍。男女居室。人倫乃立。故默靜歸根之道本。立其端矣。周代有關雎之化。而肇二南之美。文王有太姒之賢。而啓國風之揚。女德教化。蓋本此貞靜之道德而已。然貞德顯化。則乾剛艮止。德化源於巽順。震兌坎離。道體資於坤德。蓋巽順之德。則相夫立業。可著婦賢之稱。而坤德之美。則教子成名。克彰母範之儀。故史乘所載。有夫婦同輝。母子齊榮者。曾屢見不鮮。觀夫貞觀之治。長孫佐王業之功。他如榮紹之娘子軍。朱序之夫人城。光耀史冊。傳爲盛事。此婦德之實例也。但母範之賢着者。以短檠畫荻。破屋牽蘿。爲最膾炙人口。他若堂室之傳。韋逞之業也。登櫟之訓。曹穀之賢也。母德教化。類如此夫。至於敬上孝親者。亦婦職之操守。若崔氏登堂之乳。宴于納楹之書。僉爲孝績。故三從四德。胥以貞德爲其主樞也。至於靜淑莊嫻。尤爲坤性之本然。故靜淑以肅雍。莊嫻以媲美。俱爲和順簡能之鴻庥也。既有此靜德。則內體正直。智圓行方之至德。皆克因涵養之功。而得悟澈道旨之端倪。此靜淑爲坤修之本源。合此貞靜。而行於日用倫常之中。則孝悌和睦。仁義道德。皆可合乎天則。焉往而不臧耶。但降及茲世。禮樂不興。倫常頹廢。趨向物質之貪求。失靜體之真。專尚

炫異之文明。失貞德之守。貞靜俱失。又何足以談婦職母教哉。故吾師有鑒於斯。乃有倡導設立女道德社之組織。以坐功言道旨。而使人歸於靜。以倫常敘德化。而求人通乎貞。貞靜兼修。斯爲導化之方策。亦卽諸方所以入修之起因也。哈哈。諸方務須通澈貞靜之道德。則茂幽谷之貞蕤。流德門之馨烈。俱本於斯。諸方可不善自養心修性。以圖自渡渡他乎。所謂中流砥柱。以挽狂瀾。而爲巾幗之英俊者。皆在此涵養之中。而盡括之矣。汝儕勉遵。

本社自復興以來。時間雖短。而靈化之團聚。實臻佳境。此吾

師深爲欣慰者也。善事之進行。雖有開掌及諸院職導之於前。但完成此豐功偉績者。則端賴爾衆坤修。有以促其成也。哈哈。諸方須本已往之誠意。奮勉前進可耳。

本社光長。自社務更新以來。而能克勤克勉。導衆修以共圓一胞之大化。成可嘉也。

師命記大功二次。晉天爵二等。加清靈六度。以獎勤勞。光長勉遵。

本社各長監。自入修以還。僉以護道維慈爲初衷。善念可欽。自任社職以來。更克忠誠於事。不有升獎。何慰衆修。師命晉似華爲責任社長。晉範康爲內課理事長。晉範蔚爲外課理事長。至於副社長一職。

師命翊華充任。並兼宣講部主任理事。知之。所晉諸方。務須不矜不躁。佐光同辦社務。善此爲主社。係東南各社之模範。一舉一動。皆須默守綱則也。各子同遵。

癸未年正月二十六日女社統科

蓮聖訓 白浪蓮天一望悠。沿堤春色鎖江頭。三蹲石虎臨灘渡。百轉流鶯繞畫舟。雲樹千尋浮六合。金焦兩點峙中流。逸情山水通天樂。了却塵氛無限愁。

哈哈。世初惟黃。一蒸罔圖。乾元統天。輪界判分。妙山之北。有有形物。妙山之南。有無形物。坎水生藏。故曰有形。離火文明。故曰無形。原夫水中伏陽。得乾剛之本體。火中潛陰。得坤柔之化樞。是以陽氣所充。品物流形。陰氣所合。兆乃潛伏。故生也化也。乃形成物物之後天輪界。既有輪界。則色

之顯化以定象。聲之衝蕩以鳴音。聲色化機。由斯肇端。然色之判分。因春肝以至冬水而顯象。聲之鳴音。本金扣木鳴乃定律。界花花爾。音隆隆爾。依色而言。則凝虛陽光。本乎先輪者。其色爲白。本乎後輪者。其色爲玄。先後交合。其色爲黃。是知黃色。爲炁靈之本質。依聲而輪。蓋丹田以內。皆是真聲之源。華蓋肺俞。皆成聲之子。是知中宮爲炁靈之真境。故聲色化機。炁靈所蘊。夫炁輪之運轉。聲色之顯示。雖亦因之而變易。故春行木令。震宮主之。鳥鳴於郊。直聲所充。春山黛染。青色寓焉。夏行火令。離宮主之。雷震於天。剛聲所蕩。虹霓燦爛。赤色顯焉。秋行金令。兌宮主之。虫叫於野。肅聲所合。玉露凝霜。白色現焉。冬行水令。坎宮主之。風盪於空。柔聲所激。萬象蕭然。玄色示焉。故聲色之化機。因炁靈之變遷而不同。然人日處於聲色幻相之中。自易因外界之聲色。而搖動內心主宰。因此聖賢有鑒於斯。乃因時制宜。設教導修。對此聲色之教化。均有所闡明也。若視聽言動。非禮弗履。乃孔聖導化之言。去聲色相。五蘊皆空。爲釋氏教化之本。五色目盲。五聲耳聾。乃道祖之明言也。如是而言。聲色之於人生。其關係則異常密切。自吾道設教以來。對聲色之闡述頗詳。而諸方可以入手實修者。則當以坐爲主樞。蓋坐以垂簾。乃收其視也。坐收靜息。乃返其聽也。雖曰耳目二竅。爲習坐形式之目標。但錘鍊炁泉之本者。則仍以心爲主體。觀於書曰。天視自我民視。天聽自我民聽。蓋天視乃心觀之祖竅。天聽乃意化之根源。天人一貫。靈犀所通。天視天聽之建極。卽心靈澈悟真覺。是以心自通乎三界。天耳達於四聰。心胞圓化。則性成焉。故諸方當悟澈聲色之主體。不使性海原靈。惑於幻色之污染。心田意志。不使昧於幻聲之擾亂。則不動不思。靈味俱合。耳聲目色。炁不能觸。如此言修。如斯練坐。則功候之進展。自克早臻於清境也。諸方勉參。

主社自客腊開沙以來。人靈之團聚。克奏一番優良履相。實乃諸坤方克於勉進之效果也。故師靈頗爲欣慰。但此後化機宏開。諸方更當勉進不懈。以共圓一胞。而宏敷教化也。各長監一體勉遵。當茲法會轉機之際。師命各賜詩文一則。以示化機。惟此詩文之判示。因每次壇務煩多。不克一一賜畢。故暫以每壇四五人。望諸長監。善自精參。以悟神靈之妙化也。

瓊樓玉宇迪宏光。萱樹堂前蘭桂芳。菊頌椒銘稱慧靜。松筠芝瑞顯端莊。示宏光也。

采蘋歌舞木蘭舟。駕鶴曾遊百尺樓。還似洛妃乘霧去。烟波春水滿中流。示似華也。
琴鶴雙清鼓瑟妃。姮娥清影映斑衣。祥雲旖旎幡龍柱。萱草馨香振玉徽。示範康也。
青虬馭節樂增輝。何憶風塵戴月歸。寶婺凌空揚玉範。蔚然毓秀蔭春暉。示範蔚也。
虹光霽色籠蒼霞。烟裊風絲拂岸斜。荻港泊舟雲樹繞。清溪飛絮點牕紗。示翊華也。
餘者俟下壇。依功行逐次接賜。知之。

主社自復興以來。內部之組織。尙未完備。若各部主任理事。尙未派專人負責。是以師命暫派數人試習知之。

師命派範本爲責任社監。派閻開爲習坐部主任理事。派保如爲經籍部主任理事。派昭華爲庶務部主任理事。派閻蔚爲文藏部主任理事。餘者。務當自修自勵。吾師自有後命也。知之。

按女社之社址。居於僻狹之所。對各長監之辦公。及諸方來社叩幕合坐。均感有相當困難。前者。雖有遷移之動機。惜乎爲化機所阻。未果實現。而今歲當東南道化擴展之期。主社之任務。已行將重大。况主社乃東南之主樞。一切道慈兩務。均當爲各地分社之模範。是以發展主社。乃當前急務。主社之社基奠定。賴人靈之團聚。以默弭邪氛之化力。尤爲宏大也。基此。前度妙山會議。

師命將主社。遷移至週議所選定之校址。以利道慈之進展。况該地位於母壇東南。爲巽宮所在。對於主社尤有地利之適合也。然女社既遷學校位置。而教室之選定。亦爲當前重務。

師命將刻下乾普閻開所住之房間。闢爲教室數間。則道慈之宏佈。亦無所滯機也。

主社遷移。師命成立遷移籌備委員會。訓派宏光爲主席。似華範康範蔚範本保如翊華範源閻開等。從明日起。卽開始討論各項事務。逐日加緊籌備。卯朔院統。可呈壇判正。以示化機。知之。

癸未年二月十九日女社統科

蓮聖訓 哈哈女社遷位。典禮隆重。人神合靈。誠盛舉也。茲獻祝文一則。以資紀念。祝曰。
南都風雅。燦耀宏光。龍騰霄漢。虎踞仙鄉。

京華秀翠。文獻金章。慈心惻怛。譽載琳瑯。
 女懿貞慧。坤占黃裳。嫺淑萱德。夔倫攸彰。
 社基采美。常保輝煌。徇素如羣。輪奐巍昂。
 遷於喬木。藻麗巽方。昭明闡範。蔚發芬芳。
 位通牛斗。天象垂芒。羣星拱向。徹照明坊。
 慶逢佳節。瑞雲呈祥。香篆似錦。華麗堂皇。
 典儀肅敬。浩氣充揚。範圍天地。永兆平康。哈哈。江海之所以爲百谷之王。以其善下之。百川注焉而不滿。尾閭泄之而無損。蛟起龍騰。鱗族繁衍。未爲多也。雲蒸雨施。潤澤天下。未始少也。蓋烝凝成水。水輪運化。是以山之高上。水能通之。岩之堅硬。水能寓之。蘚之微末。水克往之。菌之細小。水克灌之。是知水德化物。必有本源。其基本至德。曰虛、曰剛、曰柔。有此三種化力。故無往而不善也。譬若坤德。亦猶是耳。善貞誠之範。本於至虛。溫良之資。基於至剛。嫺順之才。原於至柔。唯其有貞誠之範。故貞一而動。誠意涵容。則丹心內蘊。德化生焉。試觀湘娥之英烈。秦女之節風。載於丹書。傳於玉牒。是以真誠乃修道之關鍵也。唯其有溫良之資。故春風惠物體諸溫。流水潤澤通諸良。則溫良充寓。品格端焉。觀於從容中禮。乃曹大家之型典。發言有章。爲王夫人之矩度。是以溫良之資。乃淑身之大本也。唯其有嫺順之才。故莊姝端雅。靜順容人。則以處世接物。均本忠誠之善念而爲。證諸史乘。江東攜隱。伯鸞之高風。隴畔僮耕。淵明之遺範。是以嫺順之才。乃化世之泉源也。故坤德培練。皆須於斯三者爲本鐸。諸方務明水德之宏化。而體驗坤懿之美德。則大化得於身。善念發於衷。庶乎修道之涵練。從虛德以致靈化之初階。而後更本剛德以克己。以柔德而待人之主旨。發揚德化之美績。則平定靈明。心通造化。自進於清宮內府之修域也。諸方善自參悟切囑。

女社遷位。氣象更新。圓靈團聚。真息相通。誠東南坤方之模範也。此次諸方立此不世之功。實乃諸神佛所共欽佩者也。考其有此豐功偉績者。則端賴於範康之至誠格天。宏光似華等領導有方。而諸坤方亦能襄贊一切。故此項工程。進行順利。未及彌月。而功行圓滿。誠可嘉尚。此後諸方。仍須本此堅

誠善衷。不懈不怠。自能發揚主社之美譽也。諸方共勉。

遷位工程。諸方可謂辛勞。今按功行賞。以資鼓勵。師命晉範康爲值日社長。仍兼內課理事長。蓋範康慧緣深厚。少年參經。已通奧旨。中年樂道。復悟玄關。此次膺命。而升社長尊位。可謂連陞三級。自足以慰汝之功行也。善自參悟。自克早證圓滿之修候。勉遵切切。

師命派似華兼慈善部主任理事。華長自入修以來。頗多善績。今對遷位事項。更克勉盡功行。實坤範中之佳弟子也。此後務當主持社務。襄佐光長。以促進社務之進展。汝其勉遵。

師命派竹傳守性爲主社名譽副社長。以增厚主社靈化之宏敷也。

師命晉範蔚爲首席社監。仍兼外課理事長。晉範源爲維護社監。派明坊爲副社監。派華慈爲維護副社監。派明崇爲內課副理事長。派閻實爲外課副理事長。

查新修遠航之眷屬。江方菊如。前者因機入修。實爲適宜。汝夙根深厚。亦社中之幹材也。師命賜名慧萱。並派爲責任副社監。以爲將來作功行之張本。傳命知遵。

癸未年三月初八日女社統科

孟母訓 春色江南滿，宸光木運舒。鶯啼鳴翠柳，燕語讚芙蕖。桃李雙枝舞。鳶魚兩躍如。滿空生意足。造化蘊玄虛。

哈哈。春風送暖。萬象蘇然。麥苗綠漲。碧草青鋪。彤雲畫戟。苔蘚芳菲。一片生機之瀰漫。滿空造化之充蘊。莫不現自然色相。呈天地妙觀也。試察宇宙因化之機。自明無解運行之道。悉輪關闔。一闔一定。關則德生。闔則德化。草木因青宮淑氣。太和充溢。而生於春。絳宮文明。日麗中天。而榮於夏。金風凌霜。而收於秋。黑潭寂靜。陰陽始交。而藏於冬。由由化化。措措吐吐。俱順消息盈虛之理。本循環剝復之象。豈真天地不仁。以萬物爲芻狗耶。當茲萌蘖之際。萬物向榮。但時光轉瞬。迭至秋冬。生於春者。莫不因秋霜而萎落。由冬寒而枯謝也。然經霜雨雪。菊梅色豔。不彫不殘。松柏常青。雖經造化之流露。而菊梅充其水養。松柏葆其蒸精。自能常生常榮。非若夭桃稷李。虛闕一場。真精外現。

英華盡洩。物如是質良者。其化必劣。故草木之自然顯現。卽道化流行之本源。然女德之涵養。貞淑自如松柏之堅恒。嫺姝本同菊梅之姿態。故一烝回光。則貞淑卽敦坤範之化。一水還原。則嫺姝卽臻彝倫之教也。但時至今日。道德淪亡。絜走不守。何以培貞淑之化。水流不定。何以促嫺姝之美。世風日下。此其因原。若矜奇炫異。趨尙物質之貪求。好高鶩遠。專尙名利之偏得。鄙傷回靈真覺。人人如是。而行深者。其輪必凶。既曰乎凶。則因果報應。定屢見不鮮矣。况習於污俗。就於安逸。自如春日花花世世深山淺道有百草百鳥。千奇萬錯。炫耀我目。色相之化機。卽心靈外弛之起因也。故諸方修道。自當本固有之圓靈。充其直養。倫常之攸敘。卽隨性天之智能。而現圓覺之天德焉。諸方共悟斯旨。從草木循環之化機。證悟人生之大本。則虛心誠意。不動於中。圓靈內斂。不肆於外。庶乎貞淑嫺姝之美德。涵寓於厥躬。諸方共參可也。

詩文之賜予。原爲獎諸方之功行。並示化機。以明因果。及未來之途境也。諸方務須勉參。切勿輕視。有失神佛賜予之本旨。茲順機緣。暫賜數則。以明化機。

千尋雲樹瑞光融。萬丈峯嵐曲徑通。原野平蕪瑤草碧。登巔四顧水連空。示範本也。
雲巘蒙烟罩翠微。桃花放處雨霏霏。鳴泉如奏琴絲樂。白鷺和音天際飛。示華慈也。
霓裳仙子證前生。玉女頻吹駕鶴笙。竹葆松筠鍾淑氣。凌霜翠柏蘊瓊英。示保如也。
蕉影穿窗透碧紗。春光幾日遍天涯。帆飛雲外輕如葉。猶怕金風湧浪花。示明坊也。
寒潭秋月照青萍。萬頃澄波映列星。菊色芳菲如錦蔚。慧光萱草頌德馨。示慧萱也。

所賜諸子。對道慈之維護。尙須多盡功行。以俾渡化之宏敷。而立豐功偉績。可以傳流百代也。各方均爲吾師所倚重者。此後當襄助光華康諸長。策進社務之處理。各方勉遵。主社乃東南半壁之樞紐。其責任之重。訓示早有明言。諸長監旣膺師命。任敷化之。重担。自應遵訓辦理一切社務。而爲一方之表準。以促進道慈之宏化。庶乎可以安慰。師靈之期待也。否則何以爲一方之首領耶。此後對訓文更宜時加研討。對道慈兩務。始克有顯明進步。諸方共遵。

女社值日各方。旣經人事推定。俱當本值日規定之日期。務須負其全責。以觀後效。各方一體勉遵。

癸未年四月十八日女社統科

守沙孟仙 傳命。

本月朔日。威貞坤懿雨毗盧安位。屆時二先靈同格神歆。誠空前之盛舉。該先靈雖生前頗有涵養。但歸後未能解脫。以致久沉而未超升。今蒙吾

師殊恩。乃得以同登天堂。豈非華康二長功行昭卓。有以致之然耶。故當二毗盧入祀時。特留數語。命余代傳。其所留者。卽期望在社諸方。既同人 師門。則宜善作功行。以圖修己渡人也。蓋善念所充。雖神人界輪 亦得以解脫輪迴之果報。各方當共悟於斯。而善爲邁進。此乃二毗盧所殷望於諸方者也。各子勉參。

濟佛訓。哈哈老衲未與諸方相晤對。亦已久矣。今神人欣聚一堂。相研道旨。亦樂事也。當茲主社氣象一新之際。各方頗能融洽諸靈。以圓一胞之妙化。老衲靈感之下。實不勝欽慰也。原夫人秉天地之菁華而蘊育。其所以貫通黃極者。卽緣炁水之充溢。合化合生。天命之源。既本諸天命。故承天時行以立德。敷化天道以立言。寅亮天工以立功。蓋立德立功立言。雖云三事。但貫通三者。化樞之主宰。則一天道。而盡括之矣。證諸史乘。堯舜承平無所作爲。乃立德之本原。禹湯樹勛。皆有所爲。乃立其功。孔孟宣化。以述道旨。乃立其言。故立德者必立其功。立功者必立其言。立言者必立其德。德以成言。言以成功。功以成德三者之本體。實一元真宰。蘊化而生三才之妙化也。是以坤德之修練。亦當由此三者。而培彝倫之攸敘。蓋謹行以立言。禮義以立功。孝悌以立德。立言之本。首在淑身修養。不惡而嚴。立不易方。正位凝命。自克合乎謹言慎行之主旨。而立功之基。則主敬行恕。合於天序。非禮弗履。以虛下人。自通於立功化世之真義。而立德之原。則果行育德。一炁返原。篤實光輝。一水飯根。自明於忠信孝悌之善衷。故修此三者。均克從倫常之中。以致實功。由心性之間。以培元化。內外兼修。表裏一致。而後善言所化自立功。善行所樹自立德。善意所充自立言。故修其一端。而可獲全體之修功。此誠諸方入修之門徑。苟本此三步工夫。善自修持。其立德立功立言之敷化。均可促進道德之進化也。所

謂德功言。化而合一。此唯一真宰。卽心靈之本位。是以涵養心靈。乃三者之初基。觀於心有所着。其言則失。心有所惑。其功卽渙。心有所迷。其德卽泯。故心靈苟不建極。則言功德俱失其本常焉。是以各坤方。修此三者。尤須以練達心靈。爲通先天之至道也。各方苟能慎終履始。不卽不離。心通精微。意合至誠。精固神甯。卽爲修得正途之效果也。諸方善自坐誦。從貞靜以立德。從賢淑以立功。從莊姝以立言。自能合於三寶真覺。八剛真源之化樞。是在體道不遺。而善於修練可耳。

悟妙參玄萬象空。心靈凝定致修功。貞姝蘊結浩然氣。充寓丹心慧念中。示昭華也。

佛心原與我心同。悟澈玄微本大公。保合太和知性命。先天自克闡黃中。示闡源也。

各方對於社中。頗能團結衆靈。不急不躁。乃有篤實之修功。須知主社自遷位以來。已步入昌興之化機。此後若能長此以往。道化之開展。豈徒爲一方之表率耶。望諸方善自勉進。老衲有厚望焉。此囑。

癸未年五月初八日女社統科

大喜菩薩訓 時逢建午屆天中。榴火垂丹照眼紅。扇畫曹娥崇節孝。盤分楚稷弔孤忠。龍舟夜泊千潭月。雲樹朝暉萬丈虹。綠泛蒲觴歌水調。端陽氣象古今同。

哈哈。節氣運轉。倏忽端陽。當此佳節。弔屈原之忠正。逢斯盛會。念曹娥之孝行。蓋忠之所傳。雖百代而常榮。忠之所至。雖萬禩而留芳。是知忠孝。乃人生修養之主體。然忠之涵蘊。從禮教而現。孝之謹行。因仁義而明。故禮教之敷化。實爲忠之主宰。仁義之闡明。實爲孝之主素。忠孝之行。在中土古乘所紀者。各代均屢見不鮮。因忠之所關。非僅邦國蒙其惠。小而言之。雖身家亦有攸賴。何以言之。蓋忠乃人心因正理而行美德。苟順天理而行。屬於身者。則可奠定高尚人格。屬於家者。則克培其和氣。而啓昌隆之機。是以忠之所至。實爲人生所不可少之美績也。至於孝行。乃事親之懿德。觀於孝子賢婦。能敬養其親。能善侍其長。所爲順自然之天理。而充寓於日用倫常之中也。然忠孝之行。人皆能知。人皆能行。但推而論之。忠雖易知。而行者則鮮。孝雖易行。而知者則少。是以知行之道。實爲內心所當涵養者也。夫良知良能。俱本天理自然之道。乾以易知。而明乎忠道。坤以簡能。而闡乎孝行。既

有良知。則忠於事。忠於物。卽合乎道。既有良能。則孝於親。孝於長。自體乎仁。夫忠孝之德。雖行於外。但內心之涵蘊。實不可不知也。然內心之涵蘊。首在於誠意。而誠意工夫。則以坐功爲根基。惟其誠意。而得黃中通理之功。坐功而成內府生白之效。是知誠以坐爲體。坐以誠爲用。卽坐卽誠。卽誠卽坐。坐誠一致。故內心之鬆拏。卽合於中眞恬定之功。而後氣穿自通。真無旣通。則禮義忠信。孝弟謹行。自可爲約穿之緝。卽克爲護丹之寶。故因坐而誠。由誠而忠。因誠而孝。忠孝之道。卽克從內功而生也。諸方對此忠孝二字。雖早有澈悟。但關於忠孝之涵養。尙未窺其門徑。此後各方。務須詳參斯訓。從內功之修養。以培忠孝之美德。始能修入天職。而道積厥躬。德積爾身。自能得上乘之修功焉。各方均夙慧深厚。對此訓一參自明。好自爲之。吾師有厚望焉。其各勉旃。

此次徐海、皖北開沙。實負推創女社之重責。對於旣成立之女社。均有所導進。關於徐蚌淮諸社。雖人靈亦甚團聚。但較諸主社。尙不能并論也。諸方旣掌東南女社之主樞。有此優良現象。亦足以安慰吾師之聖靈也。旣有此現狀。尤須持盈保泰。不矜不躁。而促成圓滿之大化。則更嘉已。各方勉參切切。女社組織。原分內外兩課。內課注重道功。外課專重慈行。然外課更列有織繡、蠶桑、等四部者。對道而言。似屬無關。須知此事務。乃中華聖哲。教化坤範之主體。今雖有不切實用者。但古制盛揚。吾道實負其責。是以特訂此四部。一則發揚聖道。一則注重實工。况德容言工。爲坤懿四育。有此四部。自克使婦德有所攸歸更藉茲而教育爲工也。

師命外課六部。除慈業已派似華兼。宣講已派翊華兼外。其餘四部。亦當派定。以完成主社組織焉。至於此四部主任理事。師命壇後。各方推選。六度後呈判知之。

何童瓊樓結善緣。風光瞬息幾經年。而今坤範昭明德。樂伴觀音共話禪。示昭成也。飛鸞觀象赴瑤台。緣證今生敷化來。久歷風塵通道旨。一朝坐悟性光開。示範源也。靜坐松林鼓玉琴。高山流水奏清音。湖光萬頃明如鏡。物化渾然證此心。示闡實也。芳草連溪雨後青。階前流水幾灣經。雲開曉日初晴處。香篆輕烟繞竹庭。示闡開也。主社中。亦當有圖書室之設備。集各種道德書籍。及坤範婦德經典。以爲各方來社互相研討之資也。光

華康諸長。蔚本諸監。一體負責籌備可也。

癸未年十月初八日女社統科

濟佛訓 勁柏凌霜劍氣橫。金莖承露結丹晶。鶴棲雲樹長空唳。猿倚蒼梧子夜鳴。江海千濤波北逝。關山萬里雁南征。禪鐘一杵無尋處。常使癡人夢裏驚。

哈哈。秋光將盡。亥運已交。目觀山河氣象。一片荒涼。而聽萬籟虫聲。盡屬哀鳴。老衲久歷風塵。時遊濁氛。承渡世之使命。救萬類以同登。是以終日奔忙。究竟所爲何事。念茲在茲。實緣尙與諸方。仍有未了之前因也。溯自入秋以來。老衲兩臨主統。因機之所在。亦藉此沙木之杏壇。凝靈一處。會晤一堂。以了前緣耳。

溫柔敦厚。詩之教也。恭儉莊敬。禮之教也。詩載國風之德。坤道斯卓。禮闡內則之法。儀範斯彰。故詩有所謂。淑人君子其儀不忒。蓋坤道承天德以示範。坤德顯化。卽爲倫常庸行之紀綱。故能守天德。卽合乎典常之儀範。惟其能守儀範。而後懿行之昭示。始得垂諭後昆也。此外禮有所謂恭敬尊節。退讓以明禮。原夫禮者履也。能本天道而行。卽合乎天理自然之節文。然天理之闡揚。莫顯著於天地之位育。天虛而蘊發生。地盈而載萬象。天以虛德昭示。卽禮之謙遜也。地以盈德形象。卽禮之樽節也。雖云世人所遵守者。爲禮之儀範。但禮之大源。出乎天。以斯而論。諸方淑身修德。卽無時不以天理爲主體。苟明斯義。則對於經典之研討。當勤而力行。虛心以悟真旨。則丹心通於天體。雖於行動坐臥之際。所行所爲。盡合道。如是修養。始克闡發中土教化之奧諦。如是而行。方合師道渡世之真詮。當茲世道淪替之世。水運重光之期。石門經旨重述。妙山主宰斯定。故諸方所以修身者。卽欲崇古禮之遺風。啓後修之儀範。諸方所負之使命。卽在每一動之頃刻。而心不忘禮。一行之時間。而心不背義。合禮中節。履和之至。自顯貞淑之坤德。居仁行義。謙尊而光。自明順天之休命。哈哈。諸方以老衲之所囑。加以力行。自驗言之不謬也。

主社自今春遷位時。卽明示東南女修之普渡。將有新化機之演進。故各長監頗能致力於不懈。始克助展

道化。推行慈業也。然當此辰光閣落成。又爲吾道之一大轉機。有此妙機妙轉。而主社之擴張。更當將日趨昌隆已。

癸未年十一月初八日女社統科

班昭訓 適朝南海。路經竹林。時白虹屬地。巖谷生香。禽鳴松影。相彰其美。聊賦一韻。以誌盛焉。靈山養性樂清氛。僧侶逍遙喜得羣。鶯苑莊巖空谷嘯。梵宮瀟灑暮鐘聞。清溪直貫寒流澗。紫岫橫飛太古雲。世外潛修忘歲月。心通佛理識天文。

哈哈。世初維黃。乾坤未判。炁輪主運。水輪主生。迨自天地立其體。而後萬類賴水德之滋潤。以生以榮。故人生於天地間。莫不賴水輪之充寓。莫不倚水德之運化。是以上元之際。民德敦厚。所守者爲自然之則。所奉者爲自然之法。蓋自然之本位宗於天。天時運行。自然之演變。五行之生尅。乃自然之蘊育。是以自然乃天德之歸樞。觀書經有謂。天敘之典。天序之理。原夫自然之典則。乃天敘之常規。自然之禮儀。乃天序之輪界。故典則昭彰。天敘斯顯。禮儀尊行。天序斯明。天敘旣彰。是以倫常之教化。有所的從。若君臣有義。忠之屬也。夫婦有別道之立也。父子有親。孝之至也。長幼有序德之化也。朋友有信。誠之源也。蓋倫常大德。均以天敘爲主宰。彝倫常規。自合於天道之典則。至於天序之範。聖賢鑒諸天序之敷化。而演述爲禮儀之教育。若婚之奠人道之本。喪之導慎終之行。冠以教成人之德。祭以配神明之靈。享以示尊天之則。故禮儀之教育。莫不體天時行。範圍天地之道。典成萬物而無遺。如是方合於天道之範也。是以聖王教化。均以天爲歸依。旣歸於天。則天心人心。務須圓湛合一。天心之位育。卽人心之中和。人心之建中。卽天心之立極。會其有極。乃人心反宗於天心也。闡於無極。乃天心演化人心也。心心相印。心心相合。其敘典序禮。焉有不相同者乎。由是證之。坤修之主體。闡範之昭明。均須以修心立善爲基礎。苟諸方之心。不能平默靜定。必不能契天心之真境。天心心心。如是相將隔闕。焉得而能悟澈人文典則哉。故諸方務須先修己心。心能明善復初。虛極靜篤。則天心之空虛靜定。自充於人心。以靈相感。以氣貫通。天人旣合。修道之能事畢已。然修心之原則。又須以坐爲本

。坐之途。大而言之。天地定位。已坐於炁中。小而論之。人身立地。即坐於氣中。炁氣交融。即天地之坐與人身之坐。從無形之內互相演進。從有形之間相緣展化。故無形之坐。是爲真坐。有形之坐。乃爲定後天之修養。以爲返回先天之途徑而已。諸方之身坐。乃爲有形者。其心坐即爲無形者。由有形之坐。則克從禮儀之規範。以悟回先天。從無形之坐。即克於典則操守。以充寓後天。諸方悟明斯旨。則坐之真旨。得之於身。倅面盜背。無所不通。任督之化機。萬絡千肌。無在不合自然真境。既有此修候。而後天心貫通。知乎天敎。其倫常庸行。歸於有極。守乎天序以修行立德。奠定紀綱。如是之修。即進於三昧真覺之修域。又何淪於報應相化不已哉。諸方好自參悟。

華康二長。應機參與辰光閣大會。靈化之間。貫通南北各社之聲氣。將來一胞圓化之效果。自易於完成已。此行頗樹殊勳。師命各記功一次加天靈四度。賜統寶三尊。自望前一日逐次於案前領服。自有化機寓焉。

癸未年十二月初八日女社統科

蓮台聖訓 巾幗英風卓。貞嫺作女師。彝倫宗善性。闡教本良知。渡世昭仁道。淑身守孝慈。巽光千古耀。坤德百年垂。養志闡修範。頤真樹典儀。鉛華藏白府。采果結丹墀。水運重生際。靈輪再化時。斯文傳一貫。紹法始今茲。

哈哈。法華妙運。靈輪再現。是以天生天化。均以此際爲闢闢之關鍵。觀於吾道值此貞元之會。當茲水運之期。以宣以導。以敷以化。故

師靈之默運。首傳真經。闡石門之經旨。繼則設院。開萬載之道統。然經之參悟。不分男女。而院之所設。指導乾方。是以院之成立後。更有女社之奠定。蓋社之導化。胥爲坤方。院以渡乾。社以導坤。乾坤兼渡。男女同導。何別何殊。斯合真道。是知女社之設立。雖爲院中之部份。然坤之凝靜。足以化乾剛之氣。同時乾靈之定。更克兼濟坤柔之氣。炁氣交合。其感自通。通於有形。即可相輔而圓一胞之化。通於無形。即能輪息相關。以化一方之劫氛。有形無形。莫不相緣而化也。故女社之設立。雖云專渡

坤方。但相緣之化樞。實無分畛域。方言爲二。院社之基同肇於一胞也。合言爲一。男女之別。竟爲二。奧之化樞。二二不一。一而不一。是爲上乘道旨。斯爲輪界祖竅。是以各坤方。首須參透院社合化合生之主旨。所謂合化。卽內研道功。外行慈業。所云合生。卽克持中守一。共悟先光。合化之功。乃修身之實功。合生之本。乃靈光圓滿之本境。實功本境。皆爲天命之源。天命之化。肇乎烝輪。輪息相關。合化卽從後返先也。合生卽由先趨後也。一始一末。均爲立命主烝之真詮。是知諸坤方祇要悟澈天命之主旨。卽克充其真養。葆其原靈。不沾後天之色。不染後天之聲。命宮寂定。坤室回光。內觀空而不空。外觀不空而空。何者是真源之境。何在是真竅之源。均須各方善自坐誦。以平以默。克定克靜。如是而進。功至三度。以斯修功養候。斯克臻於妙境也。旣入妙境。自合正充。自通命宮。自返性天。自合真覺。慧心所觀。物我一體。院社一家。何分彼此。何別爾我。至此修候。則脈通經合。氣實體輕。飄然而升。廢然而降。一化飛升。一元降化。是爲不上不下致中和之妙功也。各坤方善悟之可耳。時屆年終。各方在此一歲之中。功候之修鍊。頗有成效。今特示各方之修候。以資開導焉。

丹心純白。性天始開。知觀知止。祥光自來。宏光悟之。特加天靈六度。以勵功行。此偈語範源範本同參之。

川流敦厚。一元真華。主敬行恕。善意可嘉。似華翊華同參。特各加妙靈六度。以充心光。知之。

仁以直內。克充性光。義以方外。允占黃裳。範康、範蔚、同悟之。特各加健靈六度。以定真充。知之。不沾不滯。心神相依。培德克己。萱樹斯輝。明坊、慧萱、同參。特各加清靈六度。以養內府。知之。潛修得得。眞旨自知。坐通玄竅。道貫於斯。闡源、昭成。同悟之。昭華、闡開等同參。特各加清靈四度。以平乃氣。知之。

宏運主化。天耳自通。內觀寂定。心目斯聰。範娛、明隆同參。範根闡源同悟。特各加心靈四度。以靜丹心。知之。

事略功勳萬衆知。心胸磊落屬英奇。坤懿賴爾昭修範。莫負辰光水運期。示辰光也。好自爲之。眞機自通。當仁不讓。乃得時中。特加妙靈六度。以益正充。知之。

德範昭如旭日光。黃裳昶雅耀金章。潛修慶得功成日。慧性圓湛淑氣芳。示範旭範昶也。二子功修。雖屬新進。但夙緣篤厚。亦道中之俊才，好自加勉。知之。

鳳凰池畔訪嫦娥。日月昭明映碧羅。知爾夙緣多福壽。慈航性海寓金波。示昭多昭波也。夙緣所在。惟在功行以修其德。惟在慈行以培其果。二子細參。切莫忽諸以上各子均各加清靈四度。以助心神。知之。闡隆、闡昶、昭隆等。亦皆生有自來。是以一念充寓。卽克勵行不怠也。特各加清靈四度。以充三昧。知之。

冠植之祖母錫爲咸璋毗盧。黎微之祖母錫爲咸珩毗盧。靜仁之祖母錫爲坤瑤毗盧。道尙之祖母錫爲坤璜毗盧。冠鑿之母錫爲咸瓊毗盧。遠航之母錫爲咸琅毗盧。世筠之母錫爲坤琦毗盧。都潯之母錫爲坤琬毗盧。道膺之母錫爲咸珮毗盧。此九毗盧果位合坤瑤毗盧同於明歲遷位一週時入祀於祀室。

甲申年二月十九日女社統科

本社提渡之女先靈獻祝詞

東來紫氣。鳳舞丹墀。靈充霄漢。雲獻金芝。坤元典雅。女範昭儀。黃裳貞淑。婦德之師。十菩薩祝詞

百里聞絃樂。祥光似碧瑰。鸞從天上降。鶴自雲中來。玉樹琪花合。靈芝瑞草開。社基如紫府。人世有瑤台。

蓮聖訓 竹林默坐悟真禪。養性傾心南海邊。普渡蒼生登覺域。光昭萬姓庇鈞天。一枝楊柳垂甘露。七寶祥雲捧瑞蓮。慶得杏壇開法會。今朝重敘石門緣。

淑氣千尋。結善緣於六朝勝地。祥光萬丈。現法身於九霄蒼天。氣光所充。天人交感。美哉盛典。善哉良機。溯自卦象昭明。人倫始定。坤元闡母教之範。黃裳啓女德之宗。母教之典雅。載諸史乘。女德之貞淑。見於經傳。故中土言坤道之真諦。佛國述女修之衣鉢。中土所化。重於倫常所篤行者。佛國所教。

。重於清虛之默坐者。一修外行。一鍊內心。然欲外行良善者。必賴仁心以培其念。而欲內衷誠意者。更賴懿行以成其美。是以內外雙修。允符中道。觀夫吾道之導化。則以內外雙修爲主體。非僅乾修如是。而諸坤修亦當如是而修也。故吾道自設院以後。又有女社之創立。以便乾坤並渡。男女同登。是以女社之敷化。其職責異常重大。南海老衲。自奉 師命掌此化樞。主宰坤靈。時以金光迪爾諸修之靈光。時以真靈啓爾衆修之性天。默轉妙靈。以運以導。潛化神光。以渡以救。故各方從靜中以自觀。卽克默契老衲之真相。諸修從定裏以自悟。卽可識得老衲之法身。惟爾諸方。秉賦各異。智慧不同。其上乘者。具大圓鏡智。自克識老衲之真光。其中乘者。具妙觀察智。自克識老衲之清光。諸子夙緣均在中乘以上。故慧心以觀。靜性以識。皆足以證諸修之涵養有素也。今午老衲一現法身。諸方彼時清靈空洞。如夢非夢。若有見然。如醒非醒。若無見然。入吾之靈。合吾之光。其間僅三秒之時光耳。慧緣諸方。共思前境。自可悟到眞實之妙境也。諸修精憶可耳。

主社自復興以來。不過三載。自遷位以還。僅只一歲。時光雖短。但功行卓著。此誠可欽可慰者也。數年以來。老衲以靈光默感諸方。其道修善行所可嘉尙者實多。若默默寡言。心通於修。不昧於事理。不惑於細行。吾得二人焉。曰宏光闡源。誠篤以通天心。內心可嘉。懿行達於仁里。外儀堪頌。吾得三人焉。曰似華、範康、翊華、行圓智方。不沾不染。自新自省。均合中道。此最難能而可貴者也。吾得二人焉。曰範蔚範本。心達權宜。智通衡理。應機而不惑。當事而立斷。此內心之涵養。位乎天德也。吾得二人焉。曰慧萱保如。年愈增而德愈劭。心愈空而智愈凝。久經事故。不惑流俗。施德存仁。可稱俊傑。巾幗之範。不愧男兒之志。吾得一人焉。曰辰光。諸方之心性。均在老衲靈光之中。故取其善德可以昭彰者。略示化機。以冀善行有則。諸方修道。當以是爲準繩。各子苟克如是而行。其挽世風於將墜。維倫常於將亡。庶乎吾道之進展。有裨益於人心之補救也。

師命每單月之上弦。各方均須來社。合坐八度。以圓社靈。一週慶典。普天同歡。 師命特准普渡三庚。以示殊恩。知之。

查新修之中。頗多夙緣深厚者。若葛舒氏卽其一也。按該氏智慧圓融。對道化之進展。尙有攸賴也。

師命特賜名錦華。取義於錦里楓丹。華堂藻耀。以寓近來之化機也。好自爲之。有厚望焉。

甲申年四月初八日女社統科

孟母訓 清和時節草如茵。翠幄青青不染塵。燕浣波濤江水碧。雲封玉樹蔣山新。歌笙繞閣燈千點。鳴鶴橫林月一輪。悟透前緣識覺路。乾坤不息永長春。

厚夫母子相依。乾元開始。烝烝輪系。坤德始著。萬物資生。坤德所育。含章可貞。坤德所蘊。蓋坤之所屬。地道也。妻道也。臣道也。渾渾大地。攸攸坤土。博厚悠遠。持載萬類。無物不生。無類不育。此地道之德也。莊莊淑女。端端賢婦。德備坤儀。昭範巾幗。貞賢自守。敬孝自修。此妻道之節也。謙謙君子。安安傑仕。丹心貫日。浩氣充斗。不二乃心。不渝斯志。此臣道之守也。故諸坤方。務須悟澈此坤德之演化。然後通於地道之德。則明母教之倫常。達於妻道之節。則知婦德之懿行。識於臣道之守。則曉閭範之儀表。舉凡母教婦德閭範。俱爲坤修修己淑身之正道。故曰閨門乃萬化之源。閭範樹千秋之典。誠哉斯論。旨哉斯言。觀於畫狄之高風。歐氏之德斯傳。和丸之雅範。柳氏之美斯著。教子成名。樹德務滋。錫誥榮於一時。芳名傳乎百代。他如江東攜隱。體乎自然之真樂。隴畔鋤耨。默契大氣之磅礴。高名並垂於千古。閨德常照於萬禩。相夫立業。共成其德。此更爲修於己德。成美於家邦之盛績也。也是知一婦修德。身家並茂。一女克己。鄉邦同榮。而風俗所化。雖國之治亂。亦繫乎婦德。證諸史典。太姒修德。關雎之化遍於南國。長孫克己。貞觀之德。普及寰輿。是故婦德所關。實爲聖道晦明之轉機也。時值今日。婦德已乖。母教已失。而閭範之儀。喪之無餘已。幸 師道導化。本華夏真傳。勗修勉進。以冀延此一脈絕學。而啓萬世修範之典常。諸坤方生有自來。旣負此展道之宏任。自宜以身作則。通澈聖經之真諦。悟明賢傳之善行。奉自然之儀則。守羣聖之誥語。不背天理。不違人情。天人俱合。道德修範。乃得於身也。各方共悟斯旨。以紹道統之真傳。普及於坤修之中。則道有正軌。吾道之昌興。更可得川流不息之教化焉。諸坤方勉參。

導化以來。適至兩紀興智交關。故院有兩月誦經之訓。以弭魔祟。是以社中亦常有彌月之合靈。從混沌

之中。藉靈光以開覺城也。師命自明日起。本社每日由長監一人率職修五人。共成一班。同於未正在正位前。各誦 聖號及蓮聖號各二百四十稱。各長監可分班任之。以便每日均有負責領班之人也。以一月爲度。並通佈東南各社。一體恭遵。以訓到之次日爲始。庶乎魔祟不生。道趨正途焉。

甲申年閏四月初八日統科

妙嫻善薩訓

松老蟠岩谷。疎篁夏竹幽。磯沙通燕子。帆影射灘頭。蕊殿龍蛇躍。瓊宮烟霧浮。憑欄時北望。五色繞青邱。

哈哈坐之一途。道功所繫。坐得其姿。自明真宰。坐昧於着。魄魔遂擾。故修子對於坐之真旨。均須通其真理。庶乎不爲邪坐之所誤也。按坐字右右從人。中央爲土。人立於土上。地載之功可明。土位於人下。天覆之道亦彰。天地之大。不外一坐。乾坤之坐。坐於无胞之內。天地之坐。坐於無極之端。坐之時義大乎哉。然坐字左右之人。乃東西交合。鉛汞相媾之主旨。左邊之人。乃左東青府之元神。右邊之人。乃右西白合之真宰。青宮顯木德之生育。白合昭金德之化樞。木以主散。金以主凝。東以主平。西以主垂。有散有凝。斯可相處於主宮。有平有垂。斯有相媾於虛府。然中宮虛府。皆土德之真境。故曰二人之坐。會於中宮。斯爲坐字之真義也。各修子先悟澈坐字原理。試再以身之任督以明化機。原夫男女異體。由前陽下垂兩衝。乃男功之始。從後坤上輪兩躡。乃女宮之始。功雖不同。而修者之成境則一人體之中。前陽爲鉛之府也。故後坤爲汞之樞也。鉛之真品。卽青府之元神。汞之真精。卽白合之真宰。苟人通乎自然之理。順機而行。不昧性天。則真知具在。青府之元神。不離本位。白合之真宰。常位於中。元神不散。真宰不昧。放鉛品汞精。乃克相合於中宮。而得虛室生白之真境焉。故坐之功候。只須修子屏除私慾。不使後天識念。惑我真充。不使塵凡濁影。沾我性光。真充以定青寧之化樞。性光以顯白合之真境。鉛汞均合。中宮自然恬定。真誠不昧。靈輪自現光天矣。各修子記明功修之進境。自當共識修之途徑。修坐之道首在善稽罔識。以閑邪也。更宜精參六箴。以存誠也。闕邪而後私慾行泯。

存誠而後性天自在。天理通於修者之道心。真誠存於修者之良知。則坐之真境。始克有成。諸方悟澈坐。乃內修之道。其坐體弼真。垂簾屏視。皆所以正其體。息其影。不昧事理。真誠自顯。故一日之坐。坐如是也。一日夜長坐之坐。坐亦如是也。所謂如是者。卽寓言中真恬定。中宮煥然之實境。坐一度悟一度之真相。坐一度得一度之實功。如是可以後坤回光。如是方能性天日永。修至此候。道體成己。各坤修善悟坐義。共研坐旨。詳悟坐功。精參坐候。坐之真境。可得其三昧焉。

甲申年十月初八日女社統科

孟母訓 仙花不卸萬年紅。淑氣騰騰貫上穹。鸚鵡杯中雲影淡。姮娥鏡理月光融。金童兩兩乘青鶴。玉女雙雙駕錦風。同到人間觀勝跡。乾坤浮水水連空。

道之所在。綱常倫理而已。德之所謂。禮義仁愛而已。道德主旨。本極平淡。凡屬日日之所行。人人之所爲。莫不在道之軌範中。莫不在德之涵寓裏。故道德未嘗一刻離於人。未嘗一刻馳於外也。道德之真旨。本如此之簡易。惜手修人不細體味耳。蓋聖賢之道首在忠恕。聖賢之德。先崇孝悌。忠以立己。恕以待人。人我一體。道乃渾然。孝以勵行。悌以敦品。清操卓如。德範乃彰。致其本源。忠乃一心之真誠。恕乃一己之真華。充其直養。浩氣自充。故赤子之真心。不昧也。而孝爲百行之原。悌爲八德之本。孝悌在身。善性自明。性光澈照。良知卽不昧也。如是而知道之本在於赤子之心。德之源在於良知良能。故修子之天性不失。真知不昧。其所行者自合乎道。其所爲者。自合乎德。德之所在。道之所寓。卽得其真旨焉。當夫茲世。道德已淪。故世風日下。綱常墜。倫理喪。禮義失。仁愛缺。此數端之所失。實因良知已昧赤子之心已失之所致也。故孝悌不修。乃有逆倫之行。忠恕不講。乃有賊德之爲。爲長者不知慈愛。爲幼者不知奉侍。道德已失。仁義又何從而言耶。吾師導修之主旨。卽望爾衆坤修。對倫常仁義之道德。善加體味。能從日用之間。行動之際。各修子以身作則。而闡德風焉。惟修子之修養。每對於道。則從玄妙而妄進。每對於德。則從艱深而固守。須知道德之求。苟離乎自身而外求之。則愈求愈遠。真知反失。故諸方對於內心之培養。當從良知入其手。誠其誠念。正其真念。一悟卽得。則

一點赤子之心。寂然常存。真經有謂。只要一點精靈不滅。自然易還元充炁胎。卽此之謂也。各方深加參悟。從內修之功。以昭綱常倫理之導修。以闡禮義仁愛之德範。則修之正途。可通其三昧矣。各坤方夙緣甚厚。一悟之間當澈本源矣。

社靈之貫通。首在合靈。合靈之道。又須各長監善加合作。以增進修功之進益。斯爲本社此後當進之目標。光華康等長蔚源等監當善悟此旨。時常到社共圓功候。

甲申十二月初八日女社統科

蓮台聖訓 萬古梅花雪後香。堪從勁節賞孤芳。昭忠殿外霜枝白。貞烈祠中淑影黃。曾住瑤池朝聖母。更居湘水伴娥皇。而今月黑烟清夜。恍有英風拂玉裳。

臘鼓聲中。梅開東閣。試看冰雪之後。又開幾枝芳花。蓋清姿典雅。頗具貞靜之婦德。淑玉清鮮。長昭嫺淑之坤儀。自古迄今。多少山林隱逸。詩文秀士。莫不以婦德之貞靜。坤儀之嫺淑。比頌瑞梅之節操。夫天地之中。人物均得炁水之充寓。凡人類所具有之道德。物類亦可顯現此種道德儀範。不過人類之智慧。流而易走。每惑於後天輪界之沾染。以致道墜德失。而墮迷津。然物類之生長。順機而運。靈光內守。不易放散。故一物之微。一芥之細。其自始至終。天賦之本能。從未耗盡。是故千百年之物類。雖演化不息。但天賦之道德。總未稍異。故千秋以前之梅花。與今日之梅花。其形一。其色一。其德一。其姿一。其大本不異。其源流不二。物類之演化。莫不皆然。惟人類之演進。則異於是。萬年前之生活方法。異於千年前。而千年前異於百年前。百年前異於十年前。逐年而進。必有變易。若今日之衣冠。此際之室屋。均非舊觀。故人類之演進。已失昔日之現象。但生活之現象雖異。而倫常道德之教化。萬載如是。千秋若斯。故今日之婦德。此世之坤懿。皆不外貞靜嫺淑四端而已。是以道德之無形化樞。全憑心性善充。以揚坤儀而彰婦德。諸方對道德之涵養。當體驗物象之道德。反觀己心。從心田之修養。順機而進。守於正者。卽貞德也。敬其上者。卽靜德也。莊姝不流於俗者。體乎嫺矣。典雅不偏於俗者。體乎淑矣。德容不失貞靜之儀。言工合於嫺淑之教。則道積厥躬。德培爾身。各坤方善悟人物演

進之真理。以通悟坤儀之節操可耳。

主社今歲之人靈。尙稱平安。苟略渙其靈。則化機不無有滯焉。各長監務須一體共圓社靈。以培社基。師命於立春前後三日中。全體修方。合坐八度。坐前誦 聖號百稱坐後誦化劫咒百二十稱。靈氣貫通。即可昭坤修之功效焉。

宏光、辰光。性光寂定。似華、翊華。真華日永。四長之靈光已現開朗之光天。惟修功自進。全賴善念之充養。順機而進。即可昭坤儀之德範也。各加妙靈四度。以培性光。知之。

範康、範蔚。德範卓立。更須從靜功以修心性。昭乎坤儀。則黃裳之雅化。方得體其真境也。各加清靈四度。以定心神。知之。

慧萱、明坊。精誠篤道。不滯性念。昭成、勤修自勵。不背初衷。本此以修。合於道矣。各加天靈四度。以充靈光。知之。

錦華夙緣深厚。一悟即通。亦爲道中之中堅也。好好自勉進。特加健靈四度。以完性光。知之。

保如、闡實、範本、範源。進修多年。尙須精進。各加清靈四度。以培心神。知之。

闡範、明隆、範根、闡開等。順道而進。亦可早悟心光也。各加妙靈四度。以益真光知之。

其餘諸坤修。均須善於自修。精誠而進。即克得上乘之修功也。茲不分判。俟化機運轉。再隨壇判示。以應真機。一體各加慧光五分。以助靈光。知之。

東南主院掌監職籍姓名表

職 稱道名 姓 名 奉 判 年 月 備 考

道慈	首席統監	篤慈	倪炳文	癸未年正月十八日院統	同	上	慧斌	葛亮疇	甲申年五月初一日合光亭高科
道慈	維護統監	覺生	李思浩	同上	同	上	世筠	劉鴻復	甲申年九月初一日院統
道慈	責任統監	和光	吳仲炎	同上	同	上	錫良	衛錫良	同上
道慈	名譽統監	雲航	徐玉岡	同上	同	上	民善	潘發廷	同上
道慈	副統監	靈慈	唐少侯	癸未年正月十八日院統	同	上	月印	鍾朗渠	甲申年十二月十五日院統
同	上	悟修	秦松亭	同上	同	上	冠鑿	顧大椿	辛巳年二月十九日院統
同	上	慧緣	楊慧緣	同上	同	上	冠鑿	林國材	同上
同	上	鳴良	戴南薰	同上	同	上	冠鑿	林侶雲	同上
同	上	在成	馬在成	同上	同	上	冠善	張竹居	同上
同	上	道靜	蔣仲翔	同上	同	上	冠鑿	顧大椿	辛巳年二月十九日院統
同	上	慈欽	羅少泉	癸未年二月初一日院統	同	上	冠鑿	顧大椿	同上
同	上	雲程	馬步洲	甲申年十二月十五日院統	同	上	冠鑿	顧大椿	同上
同	上	志奇	陸小波	同上	同	上	冠鑿	林國材	同上
統	掌	和光	吳仲炎	癸未年正月十八日院統	同	上	冠鑿	王亦卿	同上
首席責任統	掌	道開	陶錫三	同上	同	上	冠鑿	趙是猷	同上
維護統	掌	永初	寇弼臣	庚辰年十二月十九日	同	上	冠鑿	劉君石	癸未年正月十八日院統
同	上	法空	楊翰西	同上	同	上	冠鑿	江政卿	同上
同	上	芬郁	嚴孟繁	同上	同	上	冠鑿	周航津	癸未年十二月十五日院統
同	上	文青	熊藻青	同上	同	上	冠鑿	張少屏	壬午年七月初八日院統
同	上	良修	劉藍田	同上	同	上	冠鑿	王益之	甲申年三月初一日院統

東南主院掌監職籍姓名表

江甯道院掌監職籍姓名表

同 上黎微王亦卿同 上

同 上靜仁趙是猷同 上

道慈附統 監明源劉君石同 上

同 上遠航江政卿同 上

同 上道膺周航津同 上

同 上慧斌葛亮麟同 上

統 掌和光吳仲炎

代 統 掌桑淨甯聘卿 甲申年四月廿三日

維護 統 掌善繼卞筱卿

同 上明源劉君石

維護副統 掌濟珊李松山 壬午年五月廿八日

同 上世潤熊榮生 甲申年四月廿三日

責任 統 掌民善潘燮廷 辛巳年四月廿四日

首席院 監桑淨甯聘卿 甲申年四月廿三日

值日院 監桑淨甯聘卿 甲申年四月十五日

同 上阜龍朱捷三同 上

同 上阜合王鑄九同 上

同 上世理徐世明同 上

同 上世潤熊榮生 甲申年十一月二十三日

同 上世子朱菊山同 上

值日附院 監法如張隱林 壬午年五月廿七日

維護院 監阜真王熙年 甲申年四月廿三日

同 上道縵傅斌如同 上

同 上阜因童受之 甲申年十一月廿三日

責任院 監世藏郭少侯 甲申年四月廿三日

同 上都練李少卿同 上

同 上都綽夏玉棠同 上

同 上潭嶠彭鏡嵐 甲申年十一月廿三日

記名院 監南岡殷長清 甲申年四月廿三日

統文 掌籍冠性陳儉安 甲申年六月初一日

統文 附掌籍陽潔魏錦文 甲申年十一月廿三日

統篆 掌籍世子朱菊三同 上

統篆 附掌籍世郁宮正品同 上

統藏 掌籍阜合王鑄九同 上

統藏 附掌籍世退白樂民同 上

統筭 掌籍南岡殷長清同 上

統筭 附掌籍阜權陳貴連同 上

坐院 掌籍民善潘燮廷同 上

坐院 附掌籍都練李少卿同 上

壇院 掌籍世理徐世明 壬午年五月廿八日

壇院 附掌籍濟珊李松山 甲申年十一月廿三日

經院 掌籍世藏郭少侯同 上

經院 附掌籍道縵傅斌如同 上

宣院 掌籍阜龍朱捷三同 上

宣院 附掌籍阜真王熙年同 上

道 參 長濟君謝竹溪 壬午年五月廿八日

同 上涵六張少屏 甲申年四月廿三日

同 上世悟朱壽章 甲申年十一月廿三日

道 參 冠杞譚昌和同 上

同 上世忠周福全同 上

道 贊 長濟子邱長春 壬午年五月廿八日

道 贊 濟璋蔣鶴龍 甲申年十一月廿三日

道 贊 道綱周捷三同 上

道 贊 道綱周捷三同 上

同 宣 上南澤 殷長榮 同 上
 同 宣 長都 孫子龍 甲申年四月廿三日
 同 宣 上南岐 孫奎珊 甲申年十一月廿三日
 道 宣 南鳳 史鳳鳴 同 上
 道 助 長精濟 張明德 壬午年五月廿八日
 同 上 阜權 陳貴連 同 上
 同 上 濟瑾 周慶源 甲申年十一月廿三日
 道 助 南丰 喬鴻年 同 上

八卦洲道院掌監職籍姓名表

職 稱道名 姓名 奉 判 年 月 日 備
 道 慈 統 監 和光 吳仲炎 甲申年三月初七日
 同 上 道 開 陶錫三 同 上
 同 上 冠 楨 顧大椿 同 上
 同 上 福 蓬 劉春亭 庚辰年二月初六日
 道 慈 附 統 監 象珮 周希孟 乙酉年二月十五日
 同 上 雲 程 馬步洲 甲申年三月初七日
 同 上 文 青 熊藻青 乙酉年二月十五日
 同 上 元 恕 潘漢民 甲申年三月初七日
 統 掌 良修 劉藍田 庚辰年二月初六日
 維 護 統 掌 冠 塗 林國材 壬午年六月初一日
 同 上 黎 微 王亦卿 乙酉年二月十五日
 責 任 統 掌 靜仁 趙是猷 癸未年二月初六日
 同 上 冠 岐 蕭石樓 乙酉年二月十五日
 首 席 院 監 靜仁 趙是猷 壬午年六月初一日
 值 日 院 監 輔修 劉岐峯 庚辰年二月初六日
 維 護 院 監 明源 劉君石 癸未年二月初六日

八卦洲道院掌監職籍姓名表

同 上 道 祥 袁受之 癸未年二月初六日
 同 上 涵 六 張少屏 甲申年九月初九日
 同 上 樹 蓬 王子樵 甲申年三月初七日
 同 上 阜 龍 朱捷三 癸未年二月初八日
 責 任 院 監 都 權 易筱章 庚辰年二月初六日
 同 上 覺 正 殷半農 同 上
 同 上 天 楸 張廷殿 壬午年六月初一日
 同 上 福 蓬 劉春亭 甲申年二月初七日
 責 任 附 院 監 正 昌 趙德貴 壬午年六月初一日
 統 文 掌 籍 法 應 袁法應 庚辰年二月初八日
 統 藏 掌 籍 良 修 劉藍田 庚辰年二月初六日
 統 藏 附 掌 籍 阜 龍 朱捷三 乙酉年二月十五日
 統 筭 掌 籍 輔 修 劉岐峯 庚辰年二月初六日
 統 筭 附 掌 籍 瑞 徵 張熙萍 同 上
 坐 院 掌 籍 瑞 徵 張熙萍 同 上
 坐 院 附 掌 籍 精 初 倪精初 乙酉年二月十五日
 壇 院 掌 籍 阜 龍 朱捷三 庚辰年二月初六日
 壇 院 附 掌 籍 一 銘 陳又新 同 上
 經 院 掌 籍 八 誠 徐藻香 同 上
 經 院 附 掌 籍 精 誠 戴金山 同 上
 慈 院 掌 籍 慈 實 楊樹琛 同 上
 慈 院 附 掌 籍 道 尊 高梓推 乙酉年二月十五日
 宣 院 掌 籍 靜 仁 趙是猷 庚辰年二月初六日
 宣 院 附 掌 籍 民 誠 臧紹松 同 上

跋

東南主院道務自丁丑事變即告停頓慈業方面由潛通眞子於甯海路設一辦事處就近救濟難民掩埋死骸庚辰仲秋地方稍安新修諸子如冠楨黎微靜仁冠鑒等相繼入院隨同道開共謀恢復是歲臘月由蚌院篤慈靈玉等率纂來京流通壇事院務漸復舊觀道慈亦逐步推進近畿方面如八卦洲之新剎院會及江寧鎮江之院會均告復興是以特請

母院派遣纂籍掌附駐主兼流通各地壇坵創立道德分社夙慧之士源源而來如明源遠航慧斌道膺等遂由四院監增至八人創設正慈小學醫藥施診所每逢月望發放恤老慈金冬寒則施衣振食道慈日益擴展兩年以還煌煌壇訓積累盈帙大抵以倫常道德爲意旨闡明五教精義演繹午經與典啓發先天坐旨凡我同修允宜手執一編奉爲圭臬無如物價飛騰印刷不易區區一冊已逾千金而倉猝之間或有錯誤至魯魚亥豕在所難免惟異先進同修晉而教之有厚望焉

輯者自識。

謹將墊款芳名列后

大德生國幣貳萬五千元正 顧冠楨貳萬元正

陶道開 趙靜仁 武挹清 劉明源 王黎微 卞善宗

林冠鑒 江遠航 葛慧斌 汪道基 王都潛 徐雲航

王志清 周都漸 周道膺 劉世筠 劉良修

寧桑淨 王阜合 徐世理 劉輔修 朱阜龍 以上各壹萬圓正

輯者林冠鑒 校者顧冠楨

2

464040